

才調集

才調集十卷

四部叢刊初編集部

才調集叙

蜀監察御史 韋 集

余少博群言常所得志雖秋螢之照不遠而雕
蟲之見自佳古人云自聽之謂聰內視之謂明
也又安可受諍於愚鹵取譏於書厨者哉暇日
因閱李杜集元白詩其間天海混茫風流挺特
遂採摭與妙并諸賢達章句不可備錄各有編
次或開窓展卷或月榭行吟韻高而挂冕爭光
詞麗而春色鬪美但貴自樂所好豈敢垂諸後
昆今纂諸家歌詩摠一千首每一百首成卷分
之為十目曰才調集庶幾來者不誚多言他代
有人無嗤薄鑒云爾

才調集目錄

卷第一

白居易十九首

薛能七首

崔國輔六首

孟浩然二首

劉長卿六首

韋應物一首

王維二首

賈島七首

李廓十六首

常建一首

劉禹錫五首

宋濟二首

王建十三首

李端一首

耿緯二首

李華一首

錢翊七首

李遠二首

卷第二

溫飛卿六十一首

顧況十一首

吳融二首

崔塗六首

盧綸七首

無名氏十三首

卷第三

韋莊六十三首

李山甫八首

李洞五首

薛逢一首

裴庭裕一首

李昂一首

沈佺期

王泠然一首

何扶一首 江遵一首

高適一首 孟郊一首

陸龜蒙五首 張籍七首

曹鄴三首

卷第四

杜牧之三十三首 張泌十八首

戴叔倫四首 宋邕一首

曹唐二十四首 施肩吾二首

趙光遠三首 孫啓四首

崔珣七首 司空曙三首

項斯一首

卷第五

元稹五十七首 鄭谷十一首

秦韜王八首 紀唐夫一首

雍陶一首 劉禹錫十二首

白居易八首 武元衡二首

卷第六

李白二十八首 李商隱四十首

李涉十五首 唐彥謙十七首

卷第七

李宣古一首 王渙十三首

岑參四首 賈曾一首

許渾二十首 油蔚一首

張祐六首 來鵬二首

施肩吾四首 劉得仁一首

高駢四首 李端一首

趙嘏十一首 朱絳一首

姚倫一首 劉方平二首

陳羽一首 薛能三首

李郢一首 薛逢一首

崔塗一首 項斯一首

李宣遠一首 陶翰二首

溫憲三首 王駕一首

于鵠三首 徐寅

卷第八

羅隱十七首 李頎一首

李涉一首 于武陵九首

韓琮六首 戎昱四首

高蟾一首 李德裕一首

高適一首

朱慶餘一首

曹松二首

羅鄴九首

李益一首

李嘉佑四首

祖詠一首

盧弼七首

韓偓五首

張喬

卷第九

劉商一首

朱倣二首

張安石二首

于濬三首

李群玉二首

袁不約二首

梁鎰一首

張蠙四首

戴司顏二首

李賀一首

崔桐一首

備七卷中

錢起一首

章謁一首

王昌齡三首

鄭準一首

吉師老四首

竇鞏

杜荀鶴八首

崔魯一首

長孫佐輔二首

王表二首

張諤一首

胡曾九首

顧飛熊一首

吳商浩八首

賀知章一首

劉象七首

沈彬一首

嚴維一首

韓翃一首

張喬三首

張謂一首

崔峒一首

李端一首

裴度一首

姚合七首

王昌齡二首

陳羽一首

僧尚顏二首

僧懷白二首

僧清江一首

僧太易二首

僧滄浩一首

僧無本二首

卷第十

張夫人二首

李冶九首

鮑君微一首

張文姬二首

熊皎一首

陳陶一首

鄭常一首

李洞一首

江為一首

陳上美一首

楊宰一首

工鵠一首

貫休三首

僧護國一首

僧無可二首

僧法照一首

僧惟審一首

僧皎然二首

劉媛一首

劉雲二首

崔仲容二首

女道士元淳二首

蔣蘊二首

崔公達一首

魚玄機九首

張窈窕二首

張琰二首

趙氏二首

程長文三首

梁瓊三首

廉氏二首

薛濤三首

姚月華二首

裴羽仙二首

劉瑤三首

常浩二首

葛鳴兒二首

薛媛一首

昉昉一首

崔鶯鶯一首

無名氏三十七首

才調集目錄終

才調集卷第一

古律雜歌詩一百首

白居易一十九首

代書一百韻寄微之

憶在貞元歲俱昇典校司身名同日授心事一
 言知肺腑都無隔形骸兩不羈踈狂屬年少開
 散為官卑分定金蘭契言通藥石規交賢方汲
 汲友直每偲偲有月多同賞無杯不共持秋風
 拂琴匣夜雪卷書帷惟高上慈恩塔幽尋皇子陂
 唐昌玉蕊會崇敬牡丹期笑勸迂辛酒閑吟短
 李詩儒風愛敦質佛理賞玄師度日曾無悶通
 宵靡不為雙聲聯律句八面數宮棊往往遊三
 省騰騰出九逵寒消直城路春滿曲江池樹暖
 枝條弱山晴彩翠奇峯攢石綠點柳惹翹塵絲
 岸草煙鋪地園花雪壓枝早光紅照耀新溜碧
 逶迤帷幕分堤布盤筵占地施徵伶求絕藝迎
 妓選名姬鉛粉凝春艷金鈿耀水嬉風流誇墮
 髻時勢鬪愁眉密坐隨歡促華罇逐勝移香飄
 歌被動醉落舞釵遺籌挿紅螺腕觥飛白玉卮
 打嫌調笑易飲訝卷波邊殘席諠詳散歸鞍酌



酹騎醜顏烏帽側醉袖玉鞭垂紫陌傳鐘鼓紅
 塵塞路歧幾時曾暫別何處不相隨往再星霜
 換迴還節候推兩衙多請告三考遂成資運啓
 十年聖天成萬物宜皆當少壯日同惜盛明時
 光景嗟虛擲雲霄竊暗窺攻文朝吃吃講學夜
 孜孜策目穿如扎毫鋒銳若錐繁張獲鳥網堅
 守釣魚坻並受變龍薦齊登晁董詞萬言經濟
 略三道太平基取第爭無敵專場戰不疲輔車
 排勝陣犄角奪降旗雙闕分容衛千寮儼等萊
 恩隨紫泥降名向白麻披既在高科選還從好
 爵縻東垣君諫諍西邑我驅馳再喜登烏府多
 勳侍赤墀官班分內外遊處遂參差每列鴛鴦
 序偏瞻獬豸姿簡威霜凜冽衣綵繡菱蕤正色
 摧強禦剛腸嫉嗔嗔常憎持祿位不擬保妻兒
 養勇期除惡輸忠在滅私下鞫驚鷹雀當道噓
 狐狸南國人無枉東臺吏不欺雪冤多定國犯
 諫甚辛毗造次行於是平生志在斯道將心共
 直言與行相危水暗波翻覆山藏路嶮巖未為
 明主識已被幸臣疑木秀遭風折蘭芳遇露萎
 千鈞勢易壓一柱力難撐騰口方成痛吹毛遂

得疵憂來吟貝錦謫去詠江離邂逅塵中遇殷
勤馬上辭賈生離魏闕王粲向荆夷水渡清源
寺山經綺里祠心搖漢臯珮淚墮岷山碑驛路
綠雲際城樓枕水湄思鄉多繞澤望國獨登陴
林晚青蕭索江平綠渺瀰野秋鳴蟋蟀妙冷聚
鷓鴣官舍黃茅屋人家苦竹籬白醪充夜酌紅
粟備晨炊寡鶴摧風翻鰓魚失水髻暗離啼鴉
旦涼葉墜相思一點秋燈滅三聲曉角吹藍衫
經雨故駝馬卧霜羸念涸誰濡沫嫌醒自啜醅
耳垂懷伯樂舌在感張儀負氣衝星劍傾心向
日葵金言自銷鑠玉性肯磷緇伸屈須看蠖窮
通莫問龜定知身是患應用道為醫想子今如
彼嗟余獨在茲無怙當歲杪有夢到天涯坐阻
連襟帶行垂接履棊潤消衣上霧香散室中芝
念遠傷遷貶驚時歎別離素書三往復明月七
盈虧舊里非難到餘歡不易追樹依興善老草
傍靖安衰前事思如昨中懷寫向誰北村尋古
栢南宅訪辛夷此日徒搔首何人共解頤病多
知夜永年長覺秋悲不飲長如醉加飡永似飢
狂書一千字因使寄微之

東南行一百韻

南去經三楚東來過五湖山頭看候館水面問
征途地遠窮江界天低接海隅飄零同落葉浩
蕩似乘桴漸覺鄉原異深知土俗殊夷音語嘲
啗蠻態笑睢盱水市通關閘煙村混舳艫吏徵
魚戶稅人納火田租亥日饒蝦蟹寅年足虎驅
成人男作卍事鬼女為巫樓暗攢倡婦堤長簇
販夫夜船論鋪賃春酒斷瓶沽見果皆蘆橘聞
禽悉鷓鴣山歌猿獨叫野哭鳥相呼嶺微雲成
棧江郊水當郭月移翹柱鶴風泛颭檣烏鼉礙
潮無信鮫驚浪不虞鼉鳴江榻鼓蜃氣海浮圖
樹裂山魃穴沙含水弩樞喘牛犁紫芋羸馬放
青菰繡面誰家婢鷓頭幾歲奴泥中採菱茨燒
後拾樵蘇鼎臙愁烹鼈盤腥厭鱸鍾儀徒戀
楚張翰浪思吳氣序涼還熱光陰且復晡身方
逐萍梗年欲近桑榆渭北田園廢江西歲月徂
憶歸怕慘澹懷舊忽踟躕自念咸秦客常為鄒
魯儒蘊藏經國衛輕棄度關繻賦力凌鸚鵡詞
鋒敵輓轡戰文重掉鞅射策一彎弧崔杜鞭齊
下元韋轡並驅名聲敵揚馬交分過蕭朱世務

經磨揣周行竊覲靚風雲皆會合兩露各沾濡
共偶昇平代偏慙固陋軀承明連夜直建禮拂
晨趨美服頌王府珍羞降御厨議高通白虎諫
切伏青蒲栢殿行陪宴花樓走者醺神旗張馬
獸天籟動笙竽丸劔星芒耀魚龍電策驅定場
排越妓促座進吳歛縹緲疑仙樂嬋娟勝畫圖
歌鬢低翠羽舞汗墜紅珠別選開遊伴潛招小
飲徒一盃愁已破三盃氣彌麤軟美仇家酒幽
閑葛氏妹十千方得斟二八正當壚論笑杓胡
碑談憐鞏囁嚅李酣尤短實度醉更焉迂鞍馬
呼交住散盤喝遣輸急驅波卷白連擲彩成盧
籌併頻逃席觥嚴別置孟漏卮那可灌顏王不
勝扶入視中樞草歸乘內廐駒醉曾衝宰相驕
不揖金吾日近思雖重雲高勢易孤翻身落霧
漢失脚倒溼塗博望移門籍潯陽佐郡符時情
變寒暑世利筭錙銖望日辭雙闕明朝別九衢
播遷分郡國次第出京都秦嶺馳三驛商山上
二邗峴陽亭寂寞夏口路崎嶇大道全生棘中
丁盡執艾江關未撤警淮寇尚稽誅林到東西
寺山分大小姑鑪峯蓮刻削溢水帶縈紆九派

吞青草孤城覆綠蕪黃昏鍾寂寂清曉角鳴鳴
春色辭門柳秋聲到井梧殘芳怨鷓鴣暮節感
茱萸藥折金英菊花飄雪片蘆波紅日斜沒沙
白月平鋪幾見林抽笋頻驚燕引雛歲華何倏
忽年少不須更眇默思千古蒼茫想八區孔窮
緣底事頽天有何辜龍聖猶遭醢龜靈未免剝
窮通應已定聖哲不能踰况我謀身拙逢他厄
運拘漂流從大海鎚鍛任洪鑪險阻嘗之矣棲
遲命也夫沉冥消意氣窮餓耗肌膚防瘴和殘
藥迎寒補舊襦書床鳴蟋蟀琴匣網蜘蛛貧活
如懸磬端憂極守株時遭客吝難數被鬼擲椒
兀兀都疑夢昏昏半似愚女驚朝不起妻怪夜
長吁萬里離朋執三年隔友于自然悲聚散不
是恨榮枯去夏微之瘡今春席八俎天涯書達
否泉下哭知無謾寫詩盈軸空盛酒滿壺只添
新帳望豈復舊歡娛壯志因愁減衰容與病俱
相逢應不識滿領白髭鬚

四不如酒

莫買金剪刀徒費千金直我有心中愁知君剪
不得莫磨解結錐徒勞費心力我有腸中結知

君挑不得莫染紅素絲徒誇好顏色我有雙淚
珠知君穿不得莫近紅爐火炎氣徒相逼我有
鬢邊霜知君銷不得刀不能剪心愁雖不能解
腸結絲不能穿淚珠火不能銷鬢雪不如且飲
長命盃萬恨千愁一時歇

江南喜逢蕭九徹因話長安舊遊戲贈

五十韻

憶昔嬉遊伴多陪歡宴場寓居同永樂幽會共
平康師子尋前曲聲兒出內坊花深態奴宅竹
錯得憐堂庭晚開紅藥門開蔭綠楊經過悉同
巷居處盡連牆時世高梳髻風流澹作粧戴花
紅石竹帔暈紫擷柳鬢動懸蟬翼釵垂小鳳行
拂眉輕粉絮暖手小香囊選勝移銀燭邀歡舉
玉觴爐煙凝麝氣酒色注鵝黃急管停還奏繁
絃慢更張雪飛迴舞袖塵起繞歌梁舊曲翻調
笑新聲打義揚多情推阿軟巧語許秋娘風暖
春將暮星迴夜未央宴餘添粉黛坐久換衣裳
結伴歸深院分頭入洞房綵帷開翡翠羅薦拂
鴛鴦留宿爭牽袖貪眠各占床綠窓籠水影紅
壁背燈光索鏡收花鈿邊人解袷暗嬌粧靨

笑私語口脂香怕曉聽鍾坐羞明映繖藏眉殘
蛾翠淺鬟解綠雲長聚散知無定憂歡事不常
離筵開夕宴別騎促晨裝去住青門外留連滯
水傍車行遙寄語馬駐共相望雲雨分何處山
川各異方野行初寂寞店宿乍恹惶別後嫌宵
永愁來厭歲芳幾看花結子頻見露為霜歲月
何超忽音容坐渺茫往還書斷絕來去夢遊揚
自我辭秦地逢君客楚鄉常嗟異岐路忽喜共
舟航話舊堪垂淚思鄉數斷腸愁雲接巫峽淚
竹近瀟湘月落江湖闊天高節候涼浦深煙漠
漠沙冷月蒼蒼紅葉江楓老青蕪驛路荒野風
吹蟋蟀湖水浸菰蔣帝路何由見心期不可忘
舊遊千里外往事十年強春晝提壺飲秋林摘
橘嘗強歌還自感縱酒不成狂永夜長相憶逢
君各共傷殷勤萬里意併寫贈蕭郎

楊柳枝二十韻

小妓攜桃葉新歌踏柳枝粧成剪燭後醉起拂
衫時繡履嬌行緩花筵笑上遲身輕委迴雪羅
薄透疑脂筓引篋頻暖箏催柱數移樂童翻怨
調才子與妍詞便想人如樹先將髮比絲風條

垂兩帶煙葉帖雙眉口動櫻桃破鬢低翡翠垂
枝柔腰裏娜萸嫩手葳蕤鶴唳晴呼伴猿哀夜
叫兒玉敲音歷歷珠貫字纍纍袖為收聲點釵
因赴節遺重重遍頭別一一拍心知塞北愁攀
折江南苦別離黃遮金谷岸綠映杏園池春惜
芳華好秋憐翠色衰取來歌裏唱勝向笛中吹
曲罷那能別情多不自持纏頭無別物一首斷
腸詩

初與元九別後忽夢見之及寤而書適

至兼寄桐花詩悵然感懷因此寄元時

九初謫
江陵

永壽寺中語新昌坊北分歸來數行淚悲事不
悲君悠悠藍田路自去無消息計君食宿程已
過商山北昨夜雲四散千里同月色曉來夢見
君應是君相憶夢中握君手問君意何如君言
苦相憶無人可寄書覺來未及說叩門聲冬冬
言是商州使送君書一封枕上忽驚起顛倒着
衣裳開緘見手扎一紙十三行上論遷謫心下
說離別腸心腸都未盡不暇叙炎涼云作此書
夜夜宿商州東獨對孤燈坐陽城山館中夜深

作書畢山月向西斜月下何所有一樹紫桐花
桐花半落時復道正相思殷勤書背後兼寄桐
花詩桐花詩八韻思緒一何深以我今朝意想
君前夜心一章三遍讀一句十迴吟珍重八十
字字字化為金

秦中吟并序

貞元元和之際余在長安聞見之間有足悲者
略舉其事因命為秦中吟焉

貧家女

天下無正聲悅耳則為娛人間無正色悅目則
為姝顏色非相遠貧富則有殊貧為時所棄富
為時所趨紅樓富家女金縷繡羅襦見人不飲
手嬌癡二八初母兄未開口言嫁不須更綠窓
貧家女寂寞二十餘荆釵不直錢衣上無真珠
幾迴人欲聘臨日又踟躕主人會良媒置酒滿
玉壺四座且勿飲聽余歌兩途富家女易嫁嫁
早輕其夫貧家女難嫁嫁晚孝於姑聞君欲娶
婦娶婦意何如

無名稅

厚地植桑麻所用濟生民生民理布帛所求活

一身身外充征賦上以奉君親國家有兩稅本
意在憂人厥初防其汪明勅內外臣稅外如一
物皆以枉法論柰何歲月久貪吏得因循役我
以求寵歛索無冬春織絹未成疋縹綠未盈斤
里胥逼我納不許暫逡巡歲暮天地閉陰風生
破村夜深煙火盡霰雪白紛紛幼者形不敵老
者體無溫悲啼與寒氣併入鼻中辛昨日輸餘
稅因窺官庫門繒帛如山積絲絮似此雲號為
羨餘物隨日獻至尊奪我身上暖買爾眼前恩
進入瓊林庫歲久化為塵

傷大宅

誰家起甲第朱門當道邊豐屋中櫛北高牆外
迴環疊疊六七堂簷宇相連延一堂費百萬鬱
鬱起青煙洞房溫且清寒暑不能干高亭虛且
迥坐卧見南山繞廊紫藤架夾砌紅藥欄攀枝
摘櫻桃帶花移牡丹主人此中坐十載為大官
厨有臭敗肉庫有朽貫錢誰能將我語問介骨
肉間豈無貧賤者忍不救飢寒如何奉一身直
欲保千年不見馬家宅今作奉成園

膠漆契

陋巷飢寒士出門甚栖栖雖然志氣高豈免顏
色低平生同袍友通籍在金閨昔為膠漆契爾
來雲雨睽正逢下朝歸軒騎五門西是時天久
陰三日雨淒淒蹇驢避路立肥馬當風嘶送頭
望相識占道上沙堤昔年洛陽社貧賤相提攜
今日長安道對面隔雲泥近日多如此非君獨
慘悽死生不變者惟聞任與黎

合致仕

七十而致仕禮法有明文何乃貪榮貴斯言如
不聞可憐八九十齒落雙眸昏朝露貪名利夕
陽憂子孫挂冠顧翠纓懸車惜未輪金章腰不
勝偃僂入君門誰不受富貴誰不戀君恩年高
須請老名遂合退身少時共嗤笑晚歲多因循
賢哉漢二疎彼獨是何人寂寞東門路無人繼
去塵

古碑

勲德既已衰文章亦陵夷但見南山石刻作路
傍碑勲名悉太公德教皆仲尼復以多為貴千
言直萬質為文彼何人想見下筆時但欲愚者
悅不思賢者嗤豈獨賢者嗤仍傳後代疑古石

蒼苔字焉知是愧詞我聞望江縣翹令撫孤嫠
在官有仁政名不聞京師身歿欲歸葬百姓遺
路歧攀轅不得去留葬此江湄至今道其名男
女皆涕垂無人立碑碣唯有邑人知

江南旱

意氣驕滿路鞍馬光照塵借問何為者人稱是
近臣朱紱皆大夫紫綬悉將軍誇赴中軍會走
馬疾如雲罇壘溢九醞水陸羅八珍果擘洞庭
橘繪切天池鱗食飽心自若酒酣氣益振是歲
江南旱衢州人食人

五弦琴

清歌且停唱紅袂亦停舞趙叟抱五絃宛轉習
前撫大聲徂一作粗若散颯颯風和雨小聲細欲
絕切切鬼神語又如鵲報喜轉作猿啼苦十指
無定音顛倒宮商羽坐客聞此聲形神若無主
行客聞此聲駐足不能去嗟嗟俗人耳好今不
好古所以比窓琴日日生塵土

傷閔鄉縣囚

秦中歲日暮大雪滿皇州雪中退朝者朱紫盡
公侯貴有風雪興富無飢寒憂所營唯甲第所

務在追遊朱輪車馬客紅燭歌舞樓歡酣促密
坐醉暖脫重裘秋官為主人廷尉居上頭日中
為樂飲夜半不能休豈知閔鄉獄中有凍死囚

牡丹

帝城春欲暮喧喧車馬度共道牡丹時相隨買
花去貴賤無常價酬直看花數灼灼百朵紅交
交五束素上張帷幄庇傍織色籬護水灑復泥
封遷來色如故家家皆為俗人人迷不誤有一
田舍翁偶來買花處低頭獨長歎此歎無人諭
一叢深花色十戶中人賦

拔楔日遊于斗門亭

留守晉公首叙一篇鑑然王振居易

三月草萋萋黃鶯又欲啼柳橋晴有絮沙路潤
無泥禊事脩初畢遊人到欲齊金鈿耀桃李綠
管駭鳥驚轉岸迴船尾臨流簇馬蹄聞於揚子
渡踏破魏王堤妓接謝公宴詩陪江令題舟同
李膺泛醴為穆生攜水引春心蕩花牽醉眼迷
塵街從鼓動煙樹任鴉棲舞急紅腰疑髻歌遲
翠黛低夜歸何用燭新月鳳樓西

詠半開花贈皇甫郎中

勿訝春來晚無嫌花發遲人憐全盛日我愛半
開時紫蠟粘為蒂紅蘇點作粧成都新夾纈梁
漢辟燕脂櫻樹真珠顆牆頭小女兒淺深粧剝
落高下火參差蝶戲爭香朶鶯啼選穩枝好教
郎作伴合共酒相隨醉翫無勝此狂嘲更讓誰
猶殘少年興不似老人詩西日憑輕照東風莫
欺吹明朝應爛熳後夜即離披枝下遙相憶鑄
前暗有期銜盃嚼藥思唯我與君知

題令狐家木蘭花

膩如玉指塗朱粉光似金刀剪紫霞從此時時
春夢裏應添一樹女郎花

薛能七首

杜冊

去年零落暮春時淚濕紅牋怨別詩常恐便同
巫峽散因何重有武陵期傳情每向馨香得不
語還應彼此知見欲攔邊安枕席夜深閑共說
相思

蜀黃葵

嬌黃初綻欲題詩盡日含毫有所思記得玉人
春病校道家裝束厭穰時

贈歌妓 妓能詩

同有詩情自合親不須歌調更含嚙朝天御史
非韓壽莫竊香來帶累人

晚春

惡憐風景極交親每恨年年作瘦人卧晚不曾
拋好夜情多唯欲哭殘春陰成杏葉纔通日雨
著楊花已汗塵無限後期知有在只愁還作摠
戎身

贈歌者

一字新聲一顆珠轉喉疑是擊珊瑚聽時坐部
音中有唱後櫻花葉裏無漢浦茂聞虛解珮臨
叩馬用枉當壚誰人得向青樓宿便是仙郎不
是夫

舞者

綠毛釵動小相思一唱南軒日午時慢鞞輕裙
行欲近待調諸曲起來遲筵停七筋無非聽物
帶官商盡是詞為問傾城年幾許更勝瓊樹是
瓊枝

楊柳枝

數首新詞帶恨成柳絲牽我我傷情柔娥幸有

腰肢穩試踏吹聲作唱聲

崔國輔六首

雜詩

逢著平樂兒論交鞍馬前與沽一斗酒恰用十
千錢後余在關內作事多迤邐何處肯相救徒

聞寶劍篇

魏宮詞

朝日點紅粧擬上銅雀臺畫眉猶未了魏帝使
人催

怨詞

妾有羅衣裳秦王在時作為舞春風多秋來不
堪著

少年行

遺却珊瑚鞭白馬嬌不行章臺折楊柳春日路
傍情

中流曲

歸時日尚早更欲向芳洲渡口水流急迴船不
自由

對酒吟雜言

行行日將夕荒村古塚無人跡蒙籠荆棘一鳥

吟屢勸提壺沽酒喫古人不達酒不足遺恨精
靈傳此曲寄語當代諸少年平生且盡盃中醪

孟浩然二首

春怨

閨人能畫眉粧罷出簾幃照水空自愛折花將
遺誰春情多逸艷春意倍相思愁心極楊柳一
種亂如絲

送杜十四之江南

荆吳相接水為鄉君去春江正淼茫日暮征帆
泊何處天涯一望斷人腸

劉長卿六首

揚州雨中張十七宅觀妓

夜色滯春煙燈花拂更燃殘粧添石黛艷舞落
金鈿掩笑頻歌扇迎歌乍動絃不知巫峽雨何
事海西邊

赴潤州使院留鮑侍御六言

對水看山別離孤舟日暮行遲江南江北春草
獨向金陵去時

北歸次秋浦界青館

萬古啼猿後孤城落日依鴈迴初日暮人向宛

陵稀舊路青山在餘生白首歸漸知行近北不見鷓鴣飛

登餘干古城

孤城上與白雲齊萬古蕭條楚水西官舍已空秋草綠女牆猶在夜烏啼平江渺渺來人遠落日亭亭向客低沙鳥不知陵谷變朝來暮去弋陽溪

若耶溪酬梁耿別後見寄

晴川落日初低惆悵孤舟解攜鳥去平蕪遠近

隨流水東西白雲千里萬里明月前溪後溪獨恨長沙謫去江潭春草萋萋

別宕子怨

垂柳拂金堤薜蘿葉正齊水溢芙蓉沼花飛桃李蹊採桑秦氏女織錦竇家妻關山別宕子風月守空閨恒飲千金笑長垂白王帝盤龍隨鏡隱舞鳳逐雲低驚魂同野鶴倦寢憶晨雞暗牖懸蛛網空梁落燕泥前年過岱北今歲往遼西一去無還意那能惜馬蹄

韋應物一首

西澗

獨憐幽草澗邊生上有黃鸝遶樹鳴春潮帶雨晚來急野渡無人舟自橫

王維二首

送元二使安西

渭城朝雨裊輕塵客舍青青楊柳春勸君更盡一盃酒西出陽關無故人

隴頭吟

長城少年遊俠客夜上戍樓看太白隴頭明月迥臨關隴上行人夜吹笛關西老将不勝愁驅馬聽之雙淚流身經大小百餘戰麾下偏裨萬戶侯蘇武纜為典屬國節旄空盡海西頭

賈島七首

寄遠

別腸長鬱紆豈能肥肌膚始知相結密不及相結踈踈別恨應少密別恨難祛門前南去水中北飛魚魚飛向北海此情復何如欲剪衣上襟書作寄遠書不惜寄遠書故人今在無華山岩峩形遙望齊平蕪况此數尺身阻彼萬里途自非日月光難以知子軀

代舊將

舊事說如夢誰當信老夫戰場幾處在部曲一人無落日收病馬晴天曬陣圖猶希聖朝用自鑷白髭鬚

春行

去去行人遠塵隨馬不窮旅情斜日後春色早煙中流水穿空館閑花發故宮舊鄉千里思池上綠楊風

迷劍

十年磨一劍兩刃未曾試今日把似君誰有不平事

古意

碌碌復碌碌百年雙轉轂志士中夜心良馬白日足俱為不等閑誰是知者目別來兩淚盡誰弔荆山哭

上杜駙馬 即杜棕也

玉山突兀壓乾坤出得朱門入戟門妻是九重天子女身為一品令公孫駕鴛鴦殿裏參皇后龍鳳堂前賀至尊今日灃陽非久駐佇為霖兩拜新恩

早秋題天台靈應寺

峯前峯後寺新秋絕頂高牕見沃洲人在定中聞蟋蟀鶴曾棲處掛獼猴山鐘夜渡空江水汀月寒生古石樓心憶挂帆身未道謝公此地昔年遊

李廓一十六首

長安少年行十首

金紫少年郎繞街鞍馬光身從左中尉官屬右春坊刻戴揚州帽重熏異國香垂鞭踏青草來去杏園芳

追逐輕薄伴閑遊不着緋長攏出獵馬數換打毬衣曉日尋花去春風帶酒歸青樓無晝夜歌舞歇時稀

日高春睡足怙馬賞年華倒插銀魚袋行隨金犢車還攜新市酒遠醉曲江花幾度歸侵黑金吾送到家

好勝耽長夜天明燭滿樓留人看獨脚賭馬換偏頭樂奏曾無歇盃巡不暫休時時送冷笑怪客有春愁

遨遊攜艷妓裝束似男兒盃酒逢花住笙歌簇馬吹鶯聲催曲色春色詠歸遲不以聞街鼓華

筵待月移

賞春唯逐勝大宅可曾歸不樂還逃席多狂慣
袂衣歌人踏日起語燕卷簾飛好婦唯相妬倡
樓不醉稀

戟門連日閉苦飲惜殘春開鎖通新客教姬屈
醉人請歌牽白馬自舞踏紅茵時輩皆相許平
生不負身

新年高殿上始見有光輝玉鴈排方帶金鵝立
仗衣酒深和枕賜馬疾打珂飛朝下人爭看香
街意氣歸

遊市慵騎馬隨姬入坐車樓邊聽歌吹簾外中
釵花樂眼從人鬧歸心畏日斜蒼頭來去報飲
伴到倡家

小婦教鸚鵡頭邊喚醉醒犬嬌眠玉簟鷹掣撼
金鈴碧地攢花障紅泥待客亭雖然長按曲不
飲不曾聽

雞鳴曲

星稀月沒入五更膠膠角角雞初鳴征人牽馬
出門立辭妾欲向安西行再鳴引頸簷頭下月
中角聲催上馬繞分地色第二鳴旌旆紅塵已

出城婦人上城亂招手夫婿不聞遙哭聲長恨
雞鳴別時苦不遣雞樓近窻戶

鏡聽詞

匣中取鏡辭竈王羅衣掩盡明月光昔時長著
照容色今夜潛將聽消息門前地黑人未稀無
人錯道朝夕歸更深弱體冷如鐵繡帶菱花懷
裏熱銅片銅片如有靈願得照見行人千里形

猛士行

戰鼓驚沙惡天色猛士虬鬚眼前黑單于衣錦
日行兵陣頭走馬生擒得幽并少年不敢輕虎
狼窟裏空手行

送振武將軍

葉葉歸邊騎風頭萬里乾金裝腰帶重鐵錄一作
縫耳衣寒蘆酒燒蓬煖霜鴻燃箭看黃河古城
道秋雪白漫漫

落第

榜前潛制淚衆裏自嫌身氣味如中酒情懷似
別人暖風張樂席晴日看花塵盡是添愁處深
宮乞過春

贈商山東于嶺僧

商嶺東西路欲分兩間茅屋一蹊雲師言耳重
知師意人是人非不欲聞

常建一首

弔王將軍

嫖姚北伐時深入幾千里戰餘落日黃軍敗鼓
聲死常聞漢飛將可奪單于壘今與山鬼隣殘
兵哭遼水

劉禹錫五首

臺城

臺城六代競豪華結綺臨春事最奢萬戶千門
成野草只緣一曲後庭花

烏衣巷

朱雀橋邊野草花烏衣巷口夕陽斜舊來王謝
堂前燕飛入尋常百姓家

石頭城

山圍故國周遭在潮打空城寂寞迴淮水東邊
舊時月夜深還過女墻來

生公講堂

生公說法鬼神聽身後空堂夜不扃高座寂寂
塵漠漠一方明月可中庭

江令宅

南朝詞臣北朝客歸來唯見秦淮碧池臺竹樹
三畝餘至今人道江家宅

宋濟二首

東隣美女歌

花暖江城斜日陰鶯啼繡戶曉雲深春風不道
珠簾隔傳得歌聲與客心

塞上聞笛

胡兒吹笛戍樓間樓上蕭條海月閑借問梅花
何處落風吹一夜滿關山

王建一十三首

華清宮感舊

塵到朝天使急千官夜發大龍迴輦前月照
羅衣淚宮裏風吹蠟燭灰公主耕樓金鎖遊貴
妃湯殿玉蓮開有時雲外聞天樂即是先皇沐
浴來

宮前早春

酒慢高樓一百家宮前楊柳寺前花內園分得
溫湯水三月中旬已進一作茨

宮中三臺詞二首六言

魚藻池邊射鴨芙蓉園裏看花日色柘黃相似
不着紅鸞扇遮

池北池南草綠殿前殿後花紅天子千年萬歲
未央明月清風

江南三臺詞四首 六言

楊州橋邊小婦長安市裏商人三年不得消息
各自拜鬼求神

青草湖邊草色飛猿嶺上猿聲萬里三湘客到
有風有兩人行

樹頭花落花開道上人去人來朝愁暮愁郎老
百年幾度三臺

聞身強健且為頭白齒落難追準擬百年千歲
不知幾許多時

宮中調笑詞四首 雜言

團扇團扇美人病來遮面玉容憔悴三年誰復
商量管絃管絃管管春草昭陽路斷

胡蝶胡蝶飛上金花枝葉君前對舞春風百葉
桃花樹紅紅樹紅樹燕語鶯啼日暮

羅袖羅袖暗舞春風已舊遙看歌舞玉樓好日
新粧坐愁愁坐愁坐一世浮生虛過

楊柳楊柳日暮白沙渡口船頭江水茫茫商人
小婦斷腸腸斷腸斷鴈鵠夜飛失伴

贈樞密

三朝行坐鎮相隨今上春宮見小時脫下御衣
先賜着進來龍馬便教騎長承密旨歸家少獨
奏邊庭出殿遲不是當家偏向說九重爭得外
人知

李端一首

蕪城懷古

風吹城上樹草沒邊城路城裏月明時精靈自
來去

耿緯二首

秋日

反照入閭巷憂來與誰語古道無人行秋風動
禾黍

送王潤

相送臨寒水蒼然望故關江蕪連夢澤楚雪入
商山話我他年舊看君此日還因將自悲淚一
灑別離間

李華一首

長門怨

弱體鴛鴦薦啼粧翡翠衾
鳴秋殿曉人靜禁門深
每憶椒房寵那堪永巷陰
日驚羅帶緩非復舊來心

錢翊七首

客舍寓懷

灑灑灘聲晚霽時
客亭風袖半披垂
野雲行止誰相待
明月襟懷祇自知
無伴偶吟溪上路
有花偷笑臘前枝
牽情景物潛惆悵
忽似傷春遠別離

春恨三首

有罪將軍在北朝
秦淮芳草綠迢迢
高臺愛妾魂銷盡
始得丘遲為一招
久戍臨洮報未歸
篋香銷盡別時衣
身輕願比蘭堦蝶
萬里還尋塞草飛
永巷頻聞小苑遊
舊恩如淚亦難收
君前願報新顏色
團扇須防白露秋

蜀國偶題

忽憶明皇西幸時
暗傷潛恨竟誰知
佩蘭應語宮臣道
莫向金盤進荔枝

送王郎中

惜別遠相送却成惆悵多
獨歸迴首處那暮山何

未展芭蕉

冷燭無煙綠蠟乾
芳心猶卷怯春寒
一緘書扎藏何事
會被東風暗拆看

李遠二首

失鶴

秋風吹起却一作九臯禽
一片閑雲萬里心
碧落有情應悵望
瑤臺無路可追尋
來時白雪翎猶短
去日丹砂頂漸深
華表柱頭留語後
不知消息到如今

贈寫御真李長史

玉座煙銷硯水清
龍髯不動彩毫輕
初分隆準山河秀
再點重瞳日月明
宮女捲簾皆暗認
侍臣開殿盡遙驚
三朝供奉應無敵
始覺僧繇浪得名

才調集卷第一

才調集卷第二

古律雜歌詩一百首

溫飛卿六十一首

過華清宮二十二韻

憶昔開元日承平事勝遊貴妃專寵幸天子富
 春秋月白霓裳殿風乾羯鼓樓開雞花敵勝騎
 馬玉搔頭繡轂千門妓金鞍萬戶侯薄雲歌雀
 扇輕雪犯貂裘過客聞韶漢居人識冕旒氣和
 春不覺煙暖霽難收澁浪涵瑤梵晴陽上絳旒
 卷衣輕鬢懶窺鏡淡蛾羞屏掩芙蓉帳簾褰戒
 瑁鈎重瞳分渭曲纖手指神州御案迷萱草天
 袍妬石榴深巖藏浴鳳鮮隰媚潜虬不料邯鄲
 飄俄成即墨牛劔鋒揮太皞旗焰拂蚩尤內嬖
 陪行在孤臣預坐籌瑤簪遺翡翠霜仗駐驂騮
 艷笑雙飛斷香魂一哭休早梅悲蜀道高樹隔
 昭丘朱閣重霄近蒼崖萬古愁至今湯殿水鳴
 咽縣前流

洞戶二十二韻

洞戶連珠網方疏隱碧潯盤煙墜燼簾壓月
 通陰粉白仙郎署霜清玉女砧醉鄉高窈窕蒸

陣靜惜惜素手琉璃扇玄髻玳瑁簪昔邪看寄
 迹梳子詠同心樹列千秋勝樓懸七夕針舊詞
 翻白紵新賦換黃金啖鶴調鑿鼓驚蟬應寶琴
 舞凝繁易度歌轉斷難尋露委花相妬風歌柳
 不禁橋響雙表迥池漲一篙深清蹕傳恢圍黃
 旗幸上林神鷹參翰苑天馬破蹄浴武庫方題
 品文園自一作好音朱莖殊茵蠢丹桂欲蕭森
 黼帳迴瑤席華燈對錦衾畫圖驚畏一作獸書
 帖得來禽河曙秦樓映山晴魏闕臨綠囊逢趙
 后青鎖見王沉任達嫌孤憤踈慵倦九箴若為
 南道客猶作卧龍吟

握柘詞

楊柳紫橋綠玫瑰拂地紅繡衫金駉裏花髻王
 瓏璉宿雨香潛潤春流水暗通畫樓初夢斷曉
 日照相風

碧澗驛曉思

香燈伴殘夢楚國在天涯月落子規歇滿庭山
 杏花

送人東遊

荒戍落黃葉浩然離故關高風漢陽渡初日鄆

門山江上幾人在天涯孤棹還何當重相見
酒慰離顏

偶題

孔雀眠高閣櫻桃拂短簷
畫明金冉冉語玉纖纖
細雨無妨燭輕寒不隔簾
欲將紅錦段因夢寄江淹

贈知音

翠羽花冠碧樹雞未明
先向短墻啼窻間謝女青
蛾斂門外蕭郎白馬嘶
星漢漸回庭竹影露珠
猶綴野花迷景陽宮裏
鐘初動不語垂鞭上柳堤

鄆杜郊居

槿籬芳援近樵家
穠麥青青一徑斜
寂寞遊人寒食後
夜來風雨送梨花

送李億東歸

六言

黃山遠隔秦樹紫
禁斜通渭城別路
青青柳弱前溪漠漠
苔生和風澹蕩歸客
落月懸懸早鶯灞上
金罇未飲讌歌已有
餘聲

陳宮詞

雞鳴人草草香輦出
官花妓語細腰轉
馬嘶金

面斜早鶯隨綵仗
鶯雉避凝笳
浙瀝湘風外紅輪映曙霞

春日野行

騎馬踏煙莎
青春奈怨何
蝶翎朝朝粉盡鴉
背夕陽多柳艷
欺芳帶山愁
縈翠蛾別情無處說
方寸是星河

西州詞

吳聲

悠悠復悠悠
昨日下午西州
西州風色好
遙見武昌樓
武昌何鬱鬱
儂家定無匹
小婦被流黃
登樓撫瑤瑟
朱絃繁復輕
素手直淒清
一彈三四解
掩抑似含情
南樓登且望
西江廣復平
艇子搖兩槳
催過石頭城
門前烏臼樹
慘澹天將曙
鷓鴣飛復還
郎隨早帆去
迴頭語同伴
定復負情儂
去帆不安幅
作抵使西風
他日相尋索
莫作西州客
西州人不歸
春草年年碧

春洲曲

韶光染色如蛾翠
綠濕紅鮮水容媚
蘇小慵多蘭渚閑
融融浦日鷓鴣寐
紫騮蹀躞金銜嘶
岸上揚鞭煙草迷
門外平橋連柳堤
歸來晚樹黃鶯啼

陽春曲

雲母空窻曉煙薄香昏龍氣凝輝閣霏霏霧雨
杏花天簾外春威著羅幕曲欄伏檻金麒麟沙
苑芳郊連翠茵廐馬何能嚙芳草路人不取隨
流塵

錢塘曲

錢塘岸上春如織森森寒潮帶晴色淮南遊客
馬連嘶碧草迷人歸不得風飄客意如吹煙纖
指殷勤傷鴈絃一曲堂堂紅燭筵金鯨瀉酒如
飛泉

春日將欲東歸寄新及第苗紳先輩

幾年辛苦與君同得喪悲懼盡是空猶喜故人
先折桂自憐羈客尚飄蓬三春月照千山道十
日花開一夜風知有杏園無路入馬前惆悵滿
枝紅

經李徵君故居

露濃煙重草萋萋樹映欄干柳拂堤一院落花
無客醉五更殘月有鶯啼芳筵想像情難盡故
榭荒涼路已迷惆悵羸駉往來慣每經門巷亦
長嘶

懷真珠亭

珠箔銀鈎近綵橋昔年曾此見嬌饒香燈悵望
飛瓊鬢涼月殷勤碧玉簫屏倚故窻山六扇柳
垂寒砌露千條壞牆經雨蒼苔遍拾得當時舊
翠翹

李羽處士故里

柳不成絲草帶煙海槎東去鶴歸天愁腸斷處
春何限病眼開時月正圓花若有情應悵望水
應無事莫潺湲須知此恨銷難得幸負南華第
一篇

夜看牡丹

高低深淺一欄紅把火殷勤遶露叢希逸近來
成懶病不能容易向春風

池塘七夕

月出西南露氣秋綺寮河漢在針樓楊家繡作
鴛鴦幔張氏金為翡翠鈎燭有光妨宿燕畫
屏無睡待牽牛萬家砧杵三篙水一夕橫塘是
舊遊

和友人悼亡

玉兒潘郎淚滿衣畫羅輕鬢雨霏微紅蘭委露

愁難盡白馬朝天望不歸寶鏡塵昏鸞影在鈿
箏絃斷鴈行稀春來多少傷心事碧草侵堦粉
蝶飛

和友人傷歌姬

月缺花殘莫愴然花須終發月終圓更能何事
銷芳念亦有濃華委逝川一曲艷歌留婉轉九
原春草莽嬋娟王孫莫學多情客自古多情損
少年

春暮宴罷寄宋壽先輩

斜掩朱門花外鍾曉鶯時節好相逢窓間桃葉
宿粧在雨後牡丹春睡濃蘇小風姿迷下蔡馬
卿才調似臨邛誰憐芳草生三徑參佐橋西陸
士龍

題柳

楊柳千條拂面絲綠煙金穗不勝吹香隨靜婉
歌塵起影伴嬌饒舞袖垂羌管一聲何處曲流
鶯百轉最高枝千門九陌花如雪飛過宮牆兩
自知

春日偶成

西園一曲艷陽歌擾擾車塵負薛蘿自欲放懷

猶未得不知經世竟如何夜聞猛雨判花盡寒
戀重余覺夢多釣渚別來應更好春風還為起
微波

途中偶作

石路荒涼接野蒿西風吹馬利如刀暮程投驛
蕙蘭靜廢寺入門禾黍高雞犬夕陽喧縣市鳥
鷺秋水曝城壕故山有夢不歸去官樹陌塵何
太勞

贈彈箏人

天寶年中事玉皇曾將新曲教寧王鈿蟬金鳳
皆零落一曲伊州淚萬行

瑤瑟怨

冰簟銀床夢不成碧天如水夜雲輕鴈聲遠過
向一作瀟湘去十二樓中月自明

春日野步

日西塘水金堤斜碧草芊芊晴吐芽野岸明媚
山芍藥水田叫噪官蝦蟆鏡中有浪動菱蔓陌
上無風飄柳花何事輕橈句一作溪客綠萍方
好不歸家

和友人溪居別業

積潤初銷碧草新鳳陽晴日帶雕輪絲飄弱柳
平橋晚雪點寒梅小院春屏上樓臺陳後主鏡
中金翠李夫人花房透露紅珠落蛺蝶雙雙護
粉塵

宿城南亡友別墅

水流花落歎浮生又伴遊人宿杜城還似昔年
殘夢裏透簾斜月獨聞鶯

偶遊

曲巷斜臨一水間小門終日不開關紅珠斗帳
櫻桃熟金尾屏風孔雀閑雲髻幾迷芳草蝶額
黃無限夕陽山與君便是鴛鴦侶休向人間覓
往還

郭處士擊甌歌

估粟金虬石潭古勺陂瀲灩幽脩語湘君寶馬
上神雲碎珮叢鈴滿煙雨吾聞三十六宮花離
離軟風吹春星斗稀王晨冷磬破昏夢天露未
乾香着衣蘭釵委墜垂雲髮小響丁當逐迴雪
晴碧煙滋重疊山羅屏半掩桃花月太平天子
駐雲車龍鑪勃鬱雙螭擊宮中近臣抱扇立侍
女低鬟落翠花亂珠觸續正跳蕩傾頭不覺金

烏斜我亦為君長歎息絨情遠寄愁無色莫沾
香夢綠楊絲千里春風正無力

錦城曲

蜀山攢黛留晴雪簌簌蕨芽繁九折江風吹巧
剪霞綃花上千枝杜鵑血杜鵑飛入巖下叢夜
叫思歸山月中巴水漾情情不盡文君織得春
機紅怨魄未歸芳草死江頭學種相思子樹成
寄與望鄉人白帝荒城五千里

張靜婉採蓮曲并序

靜婉羊侖妓也其容絕世侖自為採蓮二曲今
樂府所存失其故意因歌以俟採詩者事具載
梁史

蘭膏墜髮紅玉春燕釵拖頸拋盤雲城西楊柳
向嬌晚門前溝水波鄰鄰麒麟公子朝天客珂
一作馬堂堂渡春陌掌中無力舞衣輕翦斷鮫
綃破春碧抱月飄煙一尺腰臍臍龍髓憐嬌饒
秋羅拂水碎光動露重花多香不銷鷓鴣交交
膠一作塘水滿綠芒如粟蓮莖短一夜西風送雨
來粉痕零落愁紅淺船頭折藕絲暗牽藕根蓮
子相留連郎心似月月易缺十五十六清光圓

照影曲

景陽粧罷瓊窗暖欲照
澄明香步懶橋上衣多
抱彩雲金鱗不動春塘
滿黃印額山輕為塵翠
鱗紅穉俱含頰桃花百
媚如欲語曾為無雙今
兩身

塞寒行

燕弓弦勁霜封瓦撲
藜寒鷗睇平野一點黃
塵起鴈喧白龍堆下千
蹄馬河源怒濁風如刀
剪斷朔雲天更高晚出
榆關逐征北驚沙飛迷
衝貂袍心許凌煙名不
滅年年錦字傷離別彩
毫一畫竟何榮空使青
樓淚成血

湖陰詞 并序

王敦舉兵至湖陰明帝
微行視其營伍由是樂
府有湖陰曲而亡其詞
因作而附之

祖龍黃鬚珊瑚鞭鐵
驄金面青連錢虎鬚拔
劍欲成夢日壓賊營如
血鮮海旗風急驚眠起
甲重光搖照湖水蒼黃
追騎塵外歸森索妖星
陣前死五陵愁碧春
萋萋灞川王馬空中嘶
羽書如電入青瑣雪
腕如掣催畫鞞白虬天
子金煌銚高臨帝座迴
龍章吳波不動楚山晚
花壓欄

干春晝長

晚歸曲

格格水禽飛帶波孤
光斜起夕陽多湖西山
淺似相笑菱刺惹衣攢
黛蛾青絲繫船向江木
蘭芽出土吳江曲水極
晴搖泛艷紅草平春
染煙綿綠玉鞭騎馬揚
叛兒刻金作鳳光參差
丁丁暖漏滴花影催入
景陽人不知彎堤弱柳
遙相矚雀扇圓圓掩香
玉蓮塘艇子歸不歸
柳暗桑樓聞布穀

湘東宴曲

湘東夜宴金貂人
楚女含情嬌翠頰
玉管將吹挿鈿帶
錦囊斜拂雙麒麟
重城漏斷孤帆去
唯恐瓊籤報天曙
萬戶沉沉碧樹圓
雲飛雨散知何處
欲上香車俱脉脉
清歌響斷銀屏隔
堤外紅塵蠟一作炬
歸樓前澹月連江白

碌碌詞

左亦不碌碌右亦不
碌碌野草白根肥羸
牛生健犢融蠟作杏
蒂男兒不戀家春風
破紅意女頰如桃花
忠言未見信巧語
讎咨嗟一鞘無作沒
兩刀徒勞油壁車

春野行 雜言

草淺淺春如剪花壓李娘愁飢益欲成蠶東城少年氣堂堂金丸驚起雙鴛鴦含羞更問衛公子月到枕前春夢長

醉歌

簷柳初黃燕新乳曉碧芊綿過微雨樹色深含臺榭情鶯聲巧作煙花主錦袍公子陳盃觴撥酷百甕春酒香入門下馬問誰在降階握手登華堂臨邛美人連山眉低抱琵琶含怨思朔風繞指我先笑明月入懷君自知勸君莫惜金一作芳罇酒年少須更如覆手辛勤到老慕簞瓢於我悠悠竟何有洛陽廬全一作生稱文房妻子脚秃春黃糧阿耆光顏不識字指麾豪雋如驅羊天犀壓斷朱廳鼠瑞錦驚飛金鳳皇其餘豈足霑牙齒欲用何能報天子鴛馬垂頭搶暝塵驂騑一日行千里但有沈冥醉客家支願瞪目持流霞唯恐南園風雨花碧蕪狼籍棠梨花

織錦詞

丁東細漏侵瓊瑟影轉高梧月初出簇軟金梭萬縷紅鴛鴦艷錦初成及錦中百結皆同心縈

亂雲盤相間深此意欲傳傳不得玫瑰作柱朱絃琴為君裁破合歡被星斗迢迢一作聚聚共千里象齒熏爐未覺秋碧池已有新蓮子

蓮浦謠

鳴橈輒輒溪溶溶廢綠平煙吳苑東水清蓮媚兩相向鏡裏見愁愁更紅白馬金鞭大堤上西江日夕多風浪荷心有露似驪珠不是真圓亦搖蕩

達摩支曲 雜言

搗麝成塵香不滅拗蓮作寸絲難絕紅淚文姬洛水春白頭蘇武天山雪君不見無愁高緯花漫漫漳浦晏餘清露寒一旦臣僚共囚虜欲吹羌管先沈瀾舊臣頭鬢霜華早可惜雄心醉中老萬古春歸夢不歸鄴城風雨連天草

三洲詞

團圓莫作波中月潔白莫為枝上雪月隨波動碎潏潏雪似梅花不堪折李娘十六青絲髮書帶雙花為君結門前有路輕別離唯恐歸來舊香滅

舞衣曲

藕腸纖縷抽輕春煙機漠漠嬌蛾頓金梭浙歷
透空薄剪落交刀吹斷雲張家公子夜聞雨夜
向蘭堂思楚舞蟬衫麟帶壓秋香偷得鶯黃鎖
金縷管合蘭氣嬌語悲胡槽雪腕鴛鴦綠芙蓉
力弱應難定楊柳風多不自持迴嚬笑語西窓
客星斗寥寥波脉脉不逐秦王卷象床滿樓明
月梨花白

惜春詞

百舌問花花不語低回似恨橫塘雨蜂爭粉藥
蝶分香不似垂楊惜金縷願君留得長妖饒莫
逐東風還蕩搖秦女含嚬向煙月愁紅帶露空
迢迢一作翠象

春愁曲

紅絲穿露珠簾冷百尺啞啞下纖縷遠翠愁山
入卧屏兩重雲母空烘影涼簪墜髮春眠重玉
免温氤柳如夢錦疊空床委墜紅颺颺掃尾雙
金鳳蜂喧蝶駐俱一作賦悠揚柳拂赤欄纖草長
覺後梨花委平綠春風和雨吹池塘

蘇小小歌

買蓮莫破券買酒莫解金酒裏春容抱離恨水

中蓮子懷芳心吳宮女兒腰似束家在錢塘小
江曲一自檀郎逐便風門前春水年年綠

春江花月夜詞

玉樹歌闌海雲熏花庭忽作青蕪國秦淮有水
水無情還向金陵漾春色揚家二世安九重不
御華芝嫌六龍百幅錦帆風力滿連天展盡金
芙蓉珠翠丁星復明滅龍頭劈浪哀笳發千里
涵空澄水魂萬枝破鼻團香雪漏轉霞高滄海
西玻璃枕上聞天鷄蠻絃代鴈曲如語一醉昏
昏天下迷四方傾動煙塵起猶在濃香夢魂裏
後主荒宮有曉鶯飛來只隔西江水

懊惱曲

藕絲作線難勝針藥粉添黃那得深玉白蘭芳
不相顧青一作樓一笑輕千金莫言自古皆如
此健劍刺鍾鉛繞指三秋庭綠盡迎霜唯有荷
花守紅死廬一作西江小吏朱斑輪柳縷吐芽香
玉春兩股金釵已相許不令獨作空成塵悠悠
楚水流如馬恨紫愁紅滿平野野土千年怨不
平至今燒作鴛鴦瓦

邊笳曲

此後齊梁體七首

朔管迎秋動，雕陰鴈來。早上郡隱黃雲，天山吹
白草。嘶馬渡寒磧，朝陽照霜堡。江南戍客心，門
外芙蓉老。

春曉曲

家臨長信往來道，乳燕雙雙拂煙草。油壁車輕
金犢肥，流蘇帳曉。春雞早籠中，嬌鳥暖猶睡。簾
外落花開不掃，衰桃一樹近前池。似惜紅顏鏡
中老。

俠客行

欲出鴻都門，陰雲蔽城闕。寶劍黯如水，微紅濕
餘血。白馬夜頻驚，三更灞陵雪。

春日

柳暗杏花稀，梅染乳燕飛。美人鸞鏡笑，嘶馬鴈
門歸。楚宮雲影薄，臺城心賞違。從來千里恨，邊
色滿戎衣。

詠嘯

毛羽歛愁翠，黛嬌攢艷。春恨容偏落，淚低態定。
思人枕上夢，隨月扇邊歌。繞塵王鈎，鸞不住波。
淺石磷磷。

太子西池二首

梨花雪壓枝，鶯轉柳如絲。懶逐粧成曉，春融夢
覺遲。鬢輕全作影，頰淺未成眉。莫信張公子，窻
間斷暗期。

花紅蘭紫莖，愁草雨新晴。柳占三春色，鶯偷百
鳥聲。日長嫌輦重，風暖覺衣輕。薄暮香塵起，長
揚落照明。

顧況一十一首

悲歌六首 并序

情思發動，聖賢所不能免也。師乙陳其宜，延州
審其音理，亂之所經，王化之所興也。信無逃於
聲教，豈徒文彩之麗，遂作此歌。

臨春風聽春鳥，別時多見時。少愁人一夜不得
眠，瑤井玉繩相向曉。

城邊路今日，耕田昔人墓。岸上沙，昔日江水今
人家。今人昔人長共歎，四氣相催節迴換。明月
皎皎入華池，白雲離離渡霄漢。

我欲昇天隔霄漢，我欲渡水水無橋。我欲上山
山路險，我欲汲水水泉遙。

越水翠被今何寂，獨立江邊沙草碧。紫燕西飛
欲寄書，白雲何處逢來客。

新結青絲百尺繩，心在君家轆轤上。我心皎潔君不知，轆轤一轉一惆悵。

何處風光驚曉幕，江南綠水通珠閣。美人二八顏如花，泣向春風畏花落。

梁廣畫花歌

王母欲過劉徹家，飛瓊夜入雲駟車。紫書分付與青鳥，却向人間求好花。上元夫人最小女，頭面端正能言語。手把梁生畫花者，凝噏掩笑心相許。心相許為白阿孃，從嫁與。

送別日晚歌

日溟溟兮下山望，佳人兮不還。花落兮屋上草，生兮堦前。日日兮春風，芳菲兮欲滅。老不可兮，更少君何為兮輕別。

行路難

君不見，見擔雪塞井空，用力炊沙作飯，豈堪食。一生肝膽向人盡，相識不如不相識。冬青樹上挂菱霄，歲晏花凋樹不凋。凡物各自有根本，種未終不生。豆苗行路難，何處是平道。中心無事當富貴，今日看君顏色好。

棄婦詞

古來有棄婦，棄婦有歸處。今日妾辭君，遣妾何處去。舊家零落盡，慟哭來時路。憶昔初嫁君，聞君甚周旋。綺羅錦繡段，有贈黃金千十五。許嫁君二十，移所天。結髮日未久，離居緬山川。家家盡歡樂，賤妾空自憐。幽閨多沉思，盛事無十年。相思若循環，枕席生流泉。流泉咽不操，獨夢關山道。及此見君還，君歸妾已老。物華惡衰賤，新寵芳妍好。掩淚出故房，傷心極秋草。自妾為君妻，君東妾在西。紅顏到曉恨，玉貌一生啼。妾有嫁時服，輕雲淡翠霞。琉璃作斗帳，四角金蓮花。自從別離後，不覺塵埃厚。常嫌玳瑁孤，獨恨梧桐偶。玉顏逐霜霰，賤妾何能守。寒沼落芙蓉，秋風散楊柳。以此憔悴顏，空將舊物還。餘生欲有寄，誰肯相牽攀。君恩既斷絕，相見何年月。悔傾連理盃，虛作同心結。女蘿附青松，貴在相依投。浮萍共綠水，教作若為流。不忿君棄妾，自歎妾緣業。憶昔初嫁君，小姑才倚牀。今日辭君去，小姑如妾長。迴頭語小姑，莫嫁如兄夫。

送行歌

送行人歌一曲，何者為泥何者玉。年華已向秋

草衰春夢猶傳故山綠

吳融二首

浙東筵上有寄

裏王席上一神仙
眼色相當語不傳
見了又休真似夢
坐來雖近遠於天
隴禽有意猶能說
江月無心也解圓
更被東風勸惆悵
落花時節蝶翩翩

富水驛東楹有人題詩筆跡柔媚出自纖指

繡纓霞翼兩鴛鴦
金鳥銀川是故鄉
只合雙飛便雙死
豈悲相失與相忘
煙花夜泊紅蕖膩
蘭渚春遊碧草芳
何事遽驚雲雨別
秦山楚水兩乖張

崔塗六首

夕次洛陽道中

秋風吹故城
城下獨吟行
高樹鳥已息
古原人尚耕
流年川暗度
往事月空明
不復歎歧路
馬前塵夜生

巴南道中

久客厭歧路
出門吟且悲
平生未到處
落日獨行時
芳草不長綠
故人難重期
那堪更南渡
鄉

國是天涯

巴陵夜泊

家依楚塞窮
秋別身逐孤舟
萬里行一曲
巴歌半江月
便應銷得二毛生

春夕旅遊

水流花謝兩無情
送盡東風過楚城
胡蝶夢中家
萬里子規枝上月
三更故園書
動經年絕華髮
春移一作滿鏡生
自是不歸歸
便得五湖煙景有誰爭

放鷓鴣

秋入池塘風露微
曉開籠檻看初飛
滿身金翠畫不得
無限煙波何處歸

巫峽旅別

五千里外三年客
十二峯前一望秋
多少別魂招不得
夕陽西下水東流

盧綸七首

春詞

北苑羅裙帶
塵衢錦繡鞋
醉眠芳樹下半被落
花埋

早春歸盤屋別業寄耿拾遺

野日初晴爽
瓏分竹園村
伴鹿成羣
幾家廢井
生春草
一樹繁花
對古墳
引水忽驚
冰滿澗
向田空見
石和雲
可憐芳歲
青山裏
惟有松枝
好寄君

晚次鄂州

雲開遠見漢陽城
猶是孤帆一日程
賈客晝眠知浪靜
舟人夜語覺潮生
三湘衰鬢逢秋色
萬里歸心對月明
舊業已隨征戰盡
更堪江上鼓鼙聲

古艷詞二首

殘粧色淺鬢鬢開
笑映珠簾覩客來
推醉唯知弄花鈿
潘郎不敢使人催

自拈裙帶結同心
暖處偏知香氣深
愛捉狂夫問閑事
不知歌舞用黃金

代貞將軍罷戰歸故里寄朔北故人

結髮事疆場
全生到海鄉
連雲防鐵嶺
同日破漁陽
牧馬胡天曉
移軍積路長
枕戈眠古戍
角立繁霜歸老勳
仍在酬恩虜
未亡獨愁過邑里
多病對農桑
雄劔依塵席
陰符寄藥囊
空餘麾下士
猶逐羽林郎

送南中使寄嶺外故人

見說南來處
蒼梧接桂林
過秋天更暖
近海日長陰
巴路綠雲出
蠻鄉入洞深
信迴人自老
夢到月應沉
碧水通春色
青山寄遠心
災方無以客
莫使鬢毛侵

無名氏一十三首

雜詞

勸君莫惜金縷衣
勸君須惜少年時
有花堪折直須折
莫待無花空折枝

青天無雲月如燭
露泣梨花白如玉
子規一夜啼到明
美人獨在空房宿

石沉遼海閣
劔別楚山長
會合知無日
離心滿夕陽

空賜羅衣不賜恩
一燠香後一銷魂
雖然舞袖何曾舞
長對春風裊淚痕

不洗殘粧凭繡牀
却嫌鸚鵡繡鴛鴦
迴針刺到雙飛處
憶着征夫淚數行

眼想心思夢裏驚
無人知我此時情
不如池上鴛鴦鳥
雙宿雙飛過一生

一去遼陽繫夢魂
忽傳征騎到中門
紗牕不肯

施紅粉圖遺蕭郎問淚痕

鶯啼露冷酒初醒
罨畫樓西曉角鳴
翠羽帳中人夢覺
寶釵斜墜枕函聲

行人南北分征路
流水東西接御溝
終日坡前怨離別
謾名長樂是長愁

偏倚繡牀愁不起
雙垂玉筋翠環低
卷簾相待無消息
夜合花前日又西

悔將淚眼向東開
特地愁從望裏來
三十六峯猶不見
況伊如燕這身材

滿目笙歌一段空
萬般離恨摠隨風
多情為謝殘陽意
與展晴霞片片紅

兩心不語暗知情
燈下裁縫月下行
行到塔前知未睡
夜深聞放剪刀聲

才調集卷第二



才調集卷第三

古律雜歌詩一百首

韋莊六十三首

關山

馬嘶煙岸柳陰斜
東去一作關山路轉賒到處

因循綠嗜酒
一生惆悵為判花
危時祗合身無著
白日那堪事有涯
正是灞陵春耐綠
仲宣何事獨辭家

舊里

滿目牆匡春草深
傷時傷事更傷心
車輪馬跡一時盡
十二玉樓何處尋

思歸

暖絲無力自悠揚
牽引東風斷客腸
外地見花終寂寞
異鄉聞樂更淒涼
紅垂野岸櫻還熟
綠染迴汀草又芳
舊里若為歸去好
子期凋謝呂安亡

與東吳生相遇

及第後出關作

十年身事各如萍
白首相逢淚滿纓
老去不知花有態
亂來唯覺酒多情
貧疑陋巷春偏少
貴想豪家月最明
且一作對一樽開口笑
未衰應

想豪家月最明且一作對一樽開口笑未衰應



見秦階平

章臺夜思

清瑟怨送夜遠弦風雨哀孤燈聞楚角殘月下
章臺芳草已云暮故人殊未來鄉書不可寄秋
鴈又南迴

延興門外作

芳草五陵道美人金犢車綠奔穿內水紅落過
墻花馬足倦遊客鳥聲歡酒家王孫歸去晚宮
樹欲棲鴉

關河道中作

槐陌蟬聲柳市風驛樓高倚夕陽東往來千里
路長在聚散十年人不同但見時光流似箭豈
知天道曲如弓平生志業匡堯舜又擬滄浪學
釣翁

秋日早行

上馬蕭蕭襟袖涼路穿未忝繞宮墻半山殘月
露華冷一岸野風蓮萼香煙外驛樓紅隱隱渚
邊雲樹暗蒼蒼行人自是心如火兔走烏飛不
覺長

歎落花

一夜霏微露濕煙曉來和淚喪嬋娟不隨殘雪
埋芳草盡逐香風上舞筵西子去時遺笑靨謝
娥行處落金鈿飄紅墮白堪惆悵少別穠華又
隔年

灞陵道中

春橋南望水溶溶一桁晴山倒碧峯蔡苑落花
零露濕灞陵新酒撥醅濃青龍天矯盤雙闕丹
鳳灘襍隔九重萬古行人離別地不堪吟罷夕
陽鐘

貴公子

大道青樓御苑東玉欄仙杏壓枝紅金鈴犬吠
梧桐院朱鬣馬嘶揚柳風流水帶花穿巷陌夕
陽和樹入簾櫳瑤池宴罷歸來醉笑說君王在
月宮

惜昔

昔年曾向五陵遊子夜歌清月滿樓銀燭樹前
長似晝露桃花裏不知秋西園公子名無忌南
國佳人號莫愁今日亂離俱是夢夕陽唯見水
東流

春日

忽覺東風君一作景漸遲野梅山杏暗芳菲落星樓上吹殘角偃月營中掛夕暉旅夢亂隨蝴蝶散離魂一作漸逐杜鵑飛紅塵遮一作斷長安陌芳草王孫暮不歸

對梨花贈皇甫秀才

林上梨花雪壓枝獨攀瓊艷不勝悲依前此地逢君處還是去年今日時且戀殘陽留綺席莫推紅袖訴金卮騰騰戰鼓正多事須信明朝難重持

立春

青帝東來日馭遲暖煙輕逐曉風吹扇袍公子樽前覺錦帳佳人夢裏知雪圃乍開紅菜甲絲幡新剪綠楊絲殷勤為作宜春曲題向花牋帖繡楣

春陌二首

滿街芳草卓香車仙子門前白日斜腸斷東風各迴首一枝春雪凍梅花

嫩煙輕染柳絲黃勾引花枝笑凭牆馬上王孫

莫迴首好風今逐羽林郎

春愁二首

自有春愁正斷魂不堪芳草思王孫落花寂寂黃昏雨深院無人獨倚門

寓思本多傷逢春恨更長露啼湘竹淚花墮越梅粧睡法交加夢閑傾欲斃觴後庭人不到斜日上松篁

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙窟只似人間富貴家繡戶夜攢紅燭市舞衣晴曳碧天霞却愁宴罷青蛾散楊子江頭月半斜

臺城

江雨霏霏江草齊六朝如夢鳥空啼無情最是臺城柳依舊煙籠十里堤

歲晏同左生作

歲暮鄉關遠天涯手重攜雪埋江樹短雲壓夜城低寶瑟湘靈怨清砧杜魄啼不須臨皎鏡年長易淒淒

夜雪泛舟遊南溪

大江西面小溪斜入竹穿松似若耶兩岸巖風吹玉樹一灘明月曬銀砂因尋野渡逢漁舍更

泊前灣上酒家去去不知歸路遠棹聲煙裏獨
嘔啞

謁巫山廟

亂猿啼處訪高唐路入煙霞草木香山色未能
忘宋玉水聲猶似哭襄王朝朝暮暮陽臺下為
兩為雲楚國亡惆悵廟前多少一作無限柳春來空
闌畫眉長

鷓鴣

南禽無侶似相依錦翅雙雙傍馬飛孤竹廟前
啼暮雨汨羅祠畔弔殘暉秦人只解歌為曲越
女空能畫作衣懊惱澤家非有恨年年長憶鳳
城一作歸懊惱澤家鷓
皇
鷓鴣之音也

歲除對王秀才作

我惜今宵促君愁玉漏頻豈知新歲酒猶作異
鄉身雪向寅前凍花從子後春到明追此會俱
是隔年人

章江作

杜陵歸客正徘徊玉笛誰家叫落梅之子棹從
天外去故人書自日邊來楊花慢惹霏霏兩竹
葉開傾滿滿杯欲問惟揚一作陽舊風月一江紅

樹亂猿哀

南昌晚眺

南昌城郭枕江煙章水悠悠浪拍天芳草綠遮
仙尉宅落霞紅襯賈人船霏霏閣上千山雨嘒
嘒雲中萬樹蟬怪得地多章句客庾家樓在斗
牛邊

衡州江上別李秀才

千山紅樹萬山雲把酒相看日又曛一曲離歌
兩行淚更知何地再逢君

癸丑年下第獻新先輩

五更殘月省牆邊絳旆蜺旌卓曉煙千炬火中
鶯出谷一聲鐘後鶴冲天皆乘駿馬先歸去一作爭先
獨被羸童笑晚眠對酒暫時情豁爾見花
依舊涕潸然未酬闕澤傭書債猶欠君平賣卜
錢何事欲休休不得來年公道似今年

咸陽懷古

城邊人倚夕陽樓城上雲凝萬古愁山色不知
秦苑廢水聲空傍漢宮流李斯不向倉中悟徐
福應無物外遊莫恠楚吟偏斷骨野煙蹤跡似
東周

綏州作

雕陰無樹水南流
雉堞連雲古帝州
帶雨晚馳鳴遠戍
望鄉孤客倚高樓
明妃去日花應笑
蔡琰歸時鬢已秋
一曲單于暮烽起
扶蘇城上月如鉤

和同年韋學士華下途中見寄

綠楊城郭雨淒淒
過盡千輪與萬蹄
送我獨遊三蜀路
羨君新上九霄梯
馬驚門外山如活
花笑樽前客似泥
正是清和好時節
不堪離恨劍門西

丙辰年鄜州遇寒食城外醉吟七言五首

滿街楊柳綠絲煙
畫出清明二月天
天好是隔簾花樹動
女郎撩亂送鞦韆

雕陰寒食足遊人
金鳳羅衣濕麝薰
腸斷入城芳草路
淡紅香白一羣羣

開元坡下日初斜
拜掃歸來走鈿車
可惜數枝紅艷好
不知今夜落誰家

馬驕風疾玉鞭長
過去唯留一陣香
閑客不須燒破眼
好花皆屬富家郎

雨絲煙柳欲清明
金屋人閑煖鳳笙
永日一作晝迢迢無一事
隔街聞築氣毳聲

鄜州留別張負外

江南相送君山下
塞北相逢朔漠中
三楚故人皆是夢
十年陳事只如風
莫言身世他時異
且喜琴鐔數日同
惆悵却愁明日別
馬嘶山店雨濛濛

汧陽縣閣

汧水悠悠去似絳
遠山如畫翠眉橫
僧尋野渡歸吳嶽
鴈帶斜陽入渭城
邊靜不收蕃帳馬
地貧唯賣隴山鷄
牧童何處吹羌笛
一曲梅花出塞聲

傷灼灼

之平

灼灼蜀之麗人也近聞貧且老
且落於成都酒市中以四韻

常聞灼灼麗於花
雲髻盤時未破瓜
桃臉慢長橫綠水
玉肌香膩透紅紗
多情不住神仙界
薄命曾嫌富貴家
流落錦江無處問
斷魂飛作碧天霞

漢州

北僂初到漢州城
郭邑樓臺觸目驚
松桂影中

旌旆色芟荷風裏管絃聲人心不似經離亂時
運還應却太平十日醉眠金馬驛臨歧無恨臉
波橫

長安清明

早是傷春夢雨天可堪芳草更芊芊內官初賜
清明火上相閑分白打錢紫陌亂嘶紅叱撥綠
揚高映畫鞦韆遊人記得承平事暗喜風光似
昔年

秋霽晚景

秋霽禁城晚六街煙雨殘牆頭山色健林外鳥
聲歡翹日樓臺麗清風劍珮寒王人襟袖薄斜
凭翠欄干

和人春暮書事寄崔秀才

半掩朱門白日長晚風輕墮落梅粧不知芳草
情何限只怪遊人思易傷纔見早春鶯出谷已
驚新夏燕巢梁相逢只賴如澠酒一曲狂歌入
醉鄉

多情

一生風月供惆悵到處煙花恨別離止竟多情
何處好少年長抱長年悲

邊上逢薛秀才話舊

前年同醉武陵亭絕倒閑譚坐到明也有絳脣
歌白雪更憐紅袖奪金觥秦雲一散如春夢楚
市千燒作故城今日皤然對芳草不勝東望涕
交橫

飲散呈主人

夢覺笙歌散空堂寂寂愁更聞城角暮煙雨不
勝愁

使院黃葵花

薄粧新著澹黃衣對捧金鑪侍醮遲向月似矜
傾國兒倚風如唱步虛詞乍開檀炷疑聞語試
與雲和必解吹為報同人看來好不禁秋露即
離披

搖落

搖落秋天酒易醒淒淒長似別離情黃昏倚柱
不歸去腸斷綠荷風雨聲

奉和觀察郎中春暮憶花言懷見寄四

韻之什

天畔峩峩簇簇青楚雲何處隔重扃落花帶雪
埋芳草春雨和風濕畫屏對酒莫辭衝暮角望

鄉誰解倚高亭唯君信我多惆悵只願陶陶不願醒

奉和左司郎中春物暗度感而成章

纔喜新春已暮春夕陽吟殺倚樓人錦江風散
霏霏雨花市香飄漠漠塵今日尚追巫峽夢少
年應遇洛川神有時自患多情病莫是生前宋
玉身

少年行

五陵豪客多買酒黃金巖醉下酒家樓美人雙
翠幘揮劍邯鄲市走馬梁王苑樂事殊未央年
華已云晚

令狐亭絕句

若非天上神仙宅須是人間將相家想得當時
好煙月管絃吹殺後庭花

閏月

明月照前除煙華蕙蘭濕清風行處來白露寒
蟬急美人情易傷暗上紅樓立欲言無處言但
向姮娥泣

閨怨

戚戚彼何人明眸利於月啼粧曉不乾素面疑

香雪良人去溜右鏡破金簪折空藏蘭蕙心不
忍琴中說

上春詞

瞳矓赫日東方來禁城煙暖蒸青苔金樓美人
花屏開晨粧未罷車聲催幽蘭報暖紫芽坼天
花愁艷蝶飛迴五陵年少惜花落酒濃歌極翻
如哀四時輪環終又始百年不見南山摧遊人
陌上騎生塵顏子門前吹死灰

搆練篇

月華吐艷明燭燭青樓婦唱搆衣曲白袷絲光
織魚目菱花綬帶駕鴛鴦簇臨風縹緲疊秋雪月
下丁冬搆寒玉樓蘭欲寄在何鄉憑人與繫征
鴻足

雜體聯錦

攜手重攜手夾江金線柳江上柳能長行人戀
罇酒罇酒意何深為郎歌玉簪玉簪聲斷續鈿
軸鳴雙轂雙轂去何方隔江春樹綠樹綠酒旗
高淚痕沾繡袍袍縫紫鴉濕重持金錯刀錯刀
何瓌爛使我腸千斷腸斷欲何言簾動真珠繁
真珠綴秋露秋露沾金盤金盤湛瓊液仙子無

歸跡無跡又無言海煙空寂寂寂寂古城道馬
嘶芳岸草岸草接長堤長堤人解攜解攜忽已
久緬邈空回首回首隔天河恨唱蓮塘歌蓮塘
在何許日暮西山雨

長安春

長安二月多香塵六街車馬聲麟麟家家樓上
如花人千枝萬枝紅艷新簾間笑語自相問何
人占得長安春長安春色本無主古來盡屬紅
樓女如今無奈古園人駿馬輕車擁將去

撫盈詞

鳳穀芳鴛綃霞踈芳綺寮玉庭芳春畫金屋芳
秋宵愁瞳芳月皎笑頰芳花嬌羅輕芳濃麝室
暖芳香椒鑿輿去芳蕭屑七絲斷芳沈寥主父
卧芳漳水君王幸芳雲輶鉛華宵窈窕芳穠姿棠
公盼嚶芳靡依翠華長逝芳莫追晏相望門芳
空悲

贈我媚山彈琴李處士

識者或云數百歲
有常建贈詩在

我媚山下能琴客似醉似狂人不測何須見我
眼偏青未見我身頭已白茫茫四海本無家一
片愁雲颺秋碧壺中醉卧日月明長一作世上長

遊天地窄晉朝叔夜舊相知蜀郡文君小來識
後生常建彼何人贈我篇章苦雕刻名卿名相
盡知音遇酒遇琴無間隔如今世亂獨偷然天
外鴻飛招不得余今正泣楊朱淚八月邊城風
刮地霓旌絳旆忽相尋為我罇前橫綠綺一彈
猛雨隨手來再彈白雪連天起淒淒清清松上
風咽咽幽幽壠頭水吟蜂遶樹去不來別鶴引
雛飛又止錦麟不動唯側頭白馬仰聽空豎耳
廣陵故事無人知古人不說今人疑子期子野
俱不見烏啼鬼哭空傷悲坐中詞客悄無語簾
外月華庭欲午為君吟作聽琴歌為我留名係
仙譜

江臯贈別

金管多情恨解攜一聲歌罷客如泥江亭繫馬
綠楊短野岸維舟春草齊帝子夢魂煙水闊謝
公詩思碧雲低風前不用頻揮手我有家山白
日西

李山甫八首

寒食二首

柳凝東風一向斜春陰澹澹濛濛人家有時三點

兩點雨到處十枝五枝花萬井樓臺疑繡畫九
原珠翠似煙霞年年今日誰相問獨卧長安泣

歲華

風煙放蕩花披猖鞦韆女兒飛出牆繡袍馳馬
撥遺翠錦袖闌難喧廣場天地氣和融霽色池
臺日暖燒春光自憐塵土無多事空脫荷衣泥

醉鄉

牡丹

邀勒春風不早開眾芳飄後上樓臺數苞仙艷
火中出一片異香天上來曉露精神妖欲動暮
煙情態恨成堆知君也解相輕薄斜凭欄回首
重迴

寓懷

萬古交馳一片塵思量名利孰如身長疑好事
皆虛事却恐闌人是貴人老逐少來終不放辱
隨榮後直須勸君莫謾誇頭角夢裏輸贏認
未真

公子家二首

曾是皇家幾世侯入雲高第照神州柳遮門戶
橫金鎖花擁絃歌咽畫樓錦袖妬姬爭巧笑玉

銜騎馬索閑遊麻衣酷獻平生業醉倚春風不
點頭

柳底花陰露壓塵瑞煙輕罩一園春鴛鴦占水
能嗔客鸚鵡嫌籠解罵人騾裏似龍隨日換輕
盈如燕逐年新不知買盡長安笑活得蒼生幾
戶貧

上元懷古二首

南朝天子愛風流盡守江山不到頭揔是戰爭
收拾得却因歌舞破除休堯將道德終無敵秦
把金湯可自由試問繁華何處在兩苔煙草石
城秋

爭帝圖王德盡表驟興馳霸亦何為君臣都是
一場笑家國共成千載悲排岸遠檣森似槩落
波殘照赫如旗今朝城上難迴首不見樓船索
戰時

李洞五首

終南山二十韻

關內平田窄東西截杳冥兩侵諸縣黑雲破九
門青暫看猶無暇長栖信有靈古苔秋漬斗積
霧夜昏螢怒恐撞天漏深疑隱地形盤根連北

岳轉影落南溟窮穴何山出遮蠻上國寧殘陽
高照蜀敗葉遠浮涇斲竹煙嵐凍偷湫雨電腥
閑房僧灌頂浴澗鶴遺翎梯滑危緣索雲深靜
唱經放泉驚鹿睡聞磬得人醒踏著神仙宅敲
開洞府扁碁殘秦士局字鏤晉公銘一谷務開
午孤峯聳起丁遠平丹鳳案一作冷射五侯廳
萬丈冰聲折千尋樹影亭望中仙島動行處月
輪馨疊石移臨砌研膠潑上屏明時獻君壽不
假老人星

斃驢

寒驢秋斃瘴荒田忍把敲吟舊竹鞭三尺桐輕
背殘月一條藤瘦斲寒煙通具白浪寬圍國倚
蜀青山峭入天如畫海門搭肘看阿誰教賣釣
魚船

贈龐練師

家住涪江漢語嬌一聲歌戛玉樓簫睡融春日
柔金縷粧發秋霞戰翠翹兩臉酒醺紅杏妬半
宵蘇嫩白雲鏡若能攜手隨仙令皎皎銀河渡
鵲橋

客亭對月

遊子離魂隴上花風飄浪卷遶天涯一年十二
度圓月十一迴圓不在家

病猿

瘦纏金鎖惹朱樓一別巫山樹幾秋寒想蜀門
清露滴暖懷湘岸白雲流罷指蒼果沉僧并休
拗崖冰澱客舟啼過三聲應有淚畫堂深不徹
王侯

薛逢一首

題昭華公主廢池館

曾發簫聲水檻前夜蟾寒沼兩嬋娟微波有恨
終歸海明月無情却上天白馬帶將簾外雪綠
蘋枯盡渚中蓮浮華不向莊周住須讀南華齊
物篇

裴庭裕一首

偶題

微雨微風寒食節半開半合木蘭花看花倚柱
終朝立却似淒淒不在家

李昂一首

戚夫人楚舞歌

定陶城中是妾家妾年二八顏如花閨中歌舞

未終曲天下死人如亂麻漢王此地因征戰未
出簾櫳人已薦風花茵茵落棘門雲雨徘徊入

行殿日夕悠悠非舊鄉飄飄處處逐君王玉閨

門裏通歸夢銀燭迎來在戰場從來顧恩不顧

已何異浮萍寄深水逐戰曾迷隻輪下隨君幾

陷重圍裏此時平楚復平齊咸陽宮闕到關西

珠簾夕殿聞鐘鼓白日秋天憶鼓擊君王縱恣

翻成悞呂后由來有深妬不奈君王容鬢衰相

存相顧能幾時黃泉白骨不可報雀釵翠羽從

此辭君楚歌兮妾楚舞脉脉相看兩心苦曲未

終芳被更揚君流涕兮妾斷腸已見謀臣歸惠

帝徒留愛子付周昌

沈佺期二首

古意呈喬補闕知之

織錦一作盧家少婦鬱金堂海燕雙栖玳瑁梁九月

寒砧催下葉十年征戍憶遼陽白駒河北軍書

斷丹鳳城南秋夜長誰知含愁獨不見使妾明

月對流黃

雜詩

鐵馬三軍去金閨二月還邊愁歸上國春夢入

陽關池水瑠璃色園花玳瑁斑歲華空自擲愁
黛不勝顏

王泠然一首

汴河柳

隋家天子憶揚州厭坐深宮傍海遊穿地鑿山

開御路鳴笳疊鼓泛清流一作從鞏北分河

口直到淮南種官柳功成力盡人旋亡代謝年

移樹空有當時綵女侍君王繡帳旌門對柳行

青葉交垂連幔色白花飛度染衣香今日摧殘

何用道數里曾無一枝好驛騎征帆損更多山

精野魅藏應老涼風八月露為霜日夜孤帆入

帝鄉河畔時時聞木落客中無不淚沾裳

何扶一首

送閩州妓人歸老

竹翠嬋始草逕幽佳人歸老傍汀洲玉蟾露冷

梁塵暗金鳳花開雲鬢秋十畝稻香新綠野一

聲歌斷舊青樓芭蕉半卷西池雨日暮門前雙

白鷗

汪遵一首

題太尉平泉莊

水泉花木好高眠，高少縱橫滿目前。惆悵人間不平事，今朝身在海南邊。

高適一首

燕歌行 井序

開元十六年客有御史大夫張公出塞而還者，作燕歌行以示適，感征戍之事因而和焉。

漢家煙塵在東北，漢將辭家破殘賊。男兒本自重橫行，天子非常賜顏色。縱金伐鼓下榆關，旌旆逶迤碣石間。校尉羽書飛瀚海，單于獵火照狼山。山川蕭條極邊土，胡騎憑陵雜風雨。戰士軍前半死生，美人帳下猶歌舞。大漠窮秋塞草衰，孤城落日鬪兵希。身當恩遇，恒輕敵力盡關山。未解圍，鐵衣遠戍辛勤久。王節應啼別離後，少婦城南欲斷腸。行人薊北空迴首，邊庭飄颻那可度。絕域蒼茫無所有，殺氣三時作陣雲。寒聲一夜傳刁斗，相看白刃血紛紛。死節從來肯顧勳，君不見沙場征戰苦。至今猶憶李將軍。

孟郊一首

古結愛

心心復心心，結愛務在深。一度欲離別，千迴結

衣襟結，妾獨守志結。君早還，意始知。結衣裳，不如結心腸。坐結行亦結，結結盡百年月。

陸龜蒙五首

女墳湖 即吳井女之地也

水平波澹遠，迴塘鶴往人。沉萬古，傷應是離魂。雙不得，至今沙上少鴛鴦。

和人宿木蘭院

苦吟清漏迢迢極，月過花西尚未眠。猶憶故山歌警枕，夜來嗚咽似流泉。

薔薇

濃似猩猩初染素，輕於燕燕欲凌空。可憐細麗難勝日，照得深紅作淺紅。

春夕酒醒

幾年無事傍江湖，醉倒黃公舊酒壚。覺後不知新月上，滿身花影倩人扶。

齊梁怨別

家家缺月看將落，簷外霜華染羅幕。不知蘭棹到何山，應倚相思樹邊泊。

張籍七首

寄遠客

野橋春水清橋上送君行去去人應老年年草
自生出門看遠道無路向邊城楊柳別離處秋
蟬今復鳴

宿溪中驛

楚驛南渡口夜深來客稀月明見潮上江靜覺
鷗飛旅宿今已遠此行獨未歸離家久無信又
見擣寒衣

惜別

遊人欲別離半醉對花枝看着春又晚莫輕年
少時臨行記分處回面是相思各向天涯去重
來不可期

襄國別人

晚色荒城下相看秋草時獨遊無定計不欲道
來期別處去家遠愁中驅馬遲人歸渡煙水遙
映野棠枝

送蜀客

蜀客南行過碧溪木綿花發錦江西山橋日晚
人來少時見猩猩上樹啼

送友人遊吳越

羨君東去見殘梅唯有王孫獨未迴吳苑夕陽

明古堞越官春草上高臺波生野水鴈初下風
滿驛樓潮欲來試問漁舟看雪浪幾多江燕荇
花開

蘇州江岸留別樂天

銀泥裙映錦障泥畫舸停橈馬簇蹄清管曲終
鸚鵡語紅旂影動薄寒嘶漸消酒色朱顏淺欲
話離情翠黛低莫忘使君吟詠處汝墳湖北武
丘西

曹鄴二首

故人寄茶

劍外九華英緘題下玉京開時微月上碾處亂
泉聲半夜招僧至孤吟對月烹碧沉霞脚碎香
泛乳花輕六腑睡神去數朝詩思清月餘不敢
費留伴肘書行

始皇陵下作

千金買魚燈泉下照狐兔行人上陵過却弔扶
蘇墓壘壘壘中物多於養生具若使山可移應
將秦國去舜歿雖在前今猶未封樹

才調集卷第三

才調集卷第四

古律雜歌詩一百首

杜牧三十三首

題桐葉

去年桐落故溪上把葉因題歸燕詩江樓今日
送歸燕正是去年題葉時葉落燕歸真可惜東
流玄髮且無期笑筵歌席反惆悵明月清風見
別離莊叟彭殤同在夢陶潛身世兩相遺一丸
五色成虛語石爛松薪更不疑奢侈不勞文似
錦進趨何必利如錐錢神任爾知無敵酒聖於
吾亦庶幾江畔秋光蟾閣鏡檻前山色茂陵眉
罇香輕泛數枝菊簷影斜侵半局碁休指宦遊
論巧拙只將愚直禱神祇三吳煙水平生念寧
向閑人道所之

題齊安城樓

鳴軋江樓角一聲微陽漱漱落寒汀不用憑欄
苦迴首故鄉七十五長亭

揚州二首

煬帝雷塘土迷藏有舊樓誰家唱水調明月滿
揚州煬帝開汴渠成自作水調駿馬宜閑出千金好暗遊喧

聞醉年少半脫紫茸裘

秋風放螢苑春草闌雞臺金絡擎鵬去鸞鬢拾
翠來蜀船紅錦重越蒙水沉堆處處皆華表淮
王奈却迴

九日登高

江涵秋影鴈初飛與客攜壺上翠微塵世難逢
開口笑菊花須插滿頭歸但將醕酌酬佳節不
用登臨歎落暉古往今來只如此牛山何必獨
沾衣

早鴈

金河秋半虜絃開雲外驚飛四散哀仙掌月明
孤影過長門燈暗數聲來須知胡馬紛紛在豈
逐春風一一迴莫厭滿湘少人處水多菰米岸
莓苔

舊遊

開吟芍藥詩悵望久頻眉盼眄迴眸遠纖衫整
鬢遲重尋春晝夢突把淺花枝小市長陵住非
郎爭得知一作疑

村舍燕

漢宮一百四十五多下珠簾閉瑣窻何處管巢

夏將半菰簷煙裏語雙雙

題宣州開元寺水閣

閣下宛度史
溪居人

六朝文物草連空天澹雲閑今古同鳥去鳥來
山色裏人歌人哭水聲中深秋簾幕千家雨落
日樓臺一笛風惆悵無因見范蠡參差煙樹五
湖東

為人題二首

我之凌雲稱君無買笑金虛傳南國兒爭奈五
陵心挂席塵瑤珮瓊爐燼水沉凝魂輕薦夢低
珥悔聽琴日落珠簾卷春寒錦幕深誰家樓上
笛何處月明砧蘭逕飛胡蝶筠籠語翠禽和替
拋鳳髻將淚入鴛衾的的添新恨迢迢絕好音
文園終病渴休詠白頭吟

綠樹鶯鶯語平江燕燕飛枕前聞鴈去樓上送
春歸半月縮雙臉凝腰素一圍西墻苔漠漠南
浦夢依依有恨替花懶無慘鬪草稀雕籠長慘
澹蘭晚謾芳菲鏡斂青蛾黛燈拋皓腕肌避人
勻迸淚拖袖倚殘暉有兒雖桃李單栖足是非
雲耕載取去寒夜看栽衣

池州春日送人

芳草復芳草斷腸還斷腸自然堪下淚何必更
殘陽楚岸千萬里燕鴻三兩行有家歸未得况
舉別君觴

長安送人

子性極弘和愚衷深褊猶相捨翼諒中吾過何
由鮮楚南饒風煙湘岸苦繁宛山密夕陽多人
稀芳草遠青梅繁枝低班笳新梢短莫哭葬魚
人酒醒且眠飯

驪山感舊二首

新豐綠樹起黃埃數騎漁陽探使迴霓裳一曲
千峯上舞破中原始下來

長安迴望繡成堆山頂十門次第開一騎紅塵
妃子笑無人知道荔枝來

街西

碧池新漲浴嬌鴉深鎖長安富貴家遊騎偶逢
人鬪酒名園相倚杏交花銀鞍驟裏嘶宛馬繡
鞅瓊瓏走鈿車一曲將軍何處笛連雲芳樹日
將斜

江南春

千里鶯啼綠映紅水村山郭酒旗風南朝四百

八十寺多少樓臺煙雨中

寄人

青山隱隱水迢迢秋盡江南草木彫二十四橋
明月夜玉人何處教吹簫

寄遠三首

前山極遠碧雲合清夜一聲白雪微欲寄相思
千里月傍溪殘照雨霏霏

南陵水面謾悠悠風緊雲輕欲變秋正是客心
孤迥處誰家紅袖倚江樓

隻影隨鷺鴈單樓鎖畫籠向春羅袖薄誰念舞
臺風

赤壁

折戟沉沙鐵未銷自將磨洗認前朝東風不與
周郎便銅雀春深鎖二橋

月

三十六宮秋夜深昭陽歌斷信沉沉唯應獨伴
陳皇后照見長門望幸心

定子

濃檀一抹廣陵春定子初開睡臉新却笑喫虛
隋煬帝破家亡國為何人

題揚州

落托江南載酒行楚腰纖細掌中輕十年一覺
揚州夢贏得青樓薄倖名

題水口草市

倚溪侵嶺多高樹誇酒書旗有小樓驚起鴛鴦
豈無恨一雙飛去却迴頭

漢江

溶溶漾漾白鷗飛綠淨春深好染衣南去北來
人自老夕陽長送釣船歸

柳

日落水流西復東春光不盡柳何窮巫娥廟裏
低含兩宋玉宅前斜帶風不將榆莢共爭翠深
感杏花相映紅灞上漢南千萬樹幾人遊官別
離中

悼吹簫妓

玉簫聲斷歿流年滿眼春愁壘上煙艷質已隨
雲兩散鳳樓空鎖月明天

題贈二首

娉娉裊裊十三餘豈惹梢頭二月初春風十里
揚州郭卷上珠簾揔不如

多情却似摠無情但覺罇前笑不成蠟燭有心
還惜別替人垂淚到天明

秦淮

煙籠寒水月籠沙夜泊秦淮近酒家商女不知
亡國恨隔江猶唱後庭花

代人寄遠二首六言本作一首

河橋酒旆風軟候館梅花雪嬌宛陵樓上春晚
我郎何處情鏡

繡領任垂蓬鬢丁香閑結春梢騰肯新年歸否
江南綠草迢迢

張泌一十八首

惜花

蝶散鶯啼尚數枝日斜風定更離披看多記得
傷心事金谷樓前委地時

寄人

別夢依依到謝家小廊迴合曲欄斜多情只有
春庭月猶為離人照落花

又

酷憐風月為多情還到春時別恨生倚柱尋思
倍惆悵一場春夢不分明

邊上

戍樓吹角起征鴻獵獵寒旌背晚風千里暮煙
愁不盡一川秋草恨無窮山河慘澹關城閉人
物蕭條市井空只此旅魂招未得更堪迴首夕
陽中

長安道中早行作

客離孤館一燈殘牢落星河欲曙天雞唱未沉
函谷月鴈聲新度灞陵煙浮生已悟莊周蝶壯
志仍輸祖逖鞭何事悠悠策羸馬此中辛苦過
流年

洞庭阻風

空江浩蕩景蕭然盡日菰蒲泊釣船青草浪高
三月渡綠楊花撲一溪煙情多莫舉傷春目愁
極兼無買酒錢猶有漁人數家住不成村落夕
陽邊

春日旅泊桂州

暖風芳草竟芊綿多病多愁負少年弱柳未勝
寒食兩好花爭奈夕陽天溪邊物色宜圖畫林
伴鶯聲似管絃獨有離人開淚眼強憑盃酒亦
潸然

晚次湘源縣

煙郭遙聞向晚雞水平舟靜浪聲齊高林帶雨
楊梅熟曲岸籠雲謝豹啼二女廟荒汀樹老九
疑山碧楚天低湘南自古多離怨莫動哀吟易
慘悽

惆悵吟

秋風丹葉動荒城慘澹雲遮日半明晝夢却因
惆悵得晚愁多為別離生江淹彩筆空留恨莊
叟玄談未及情千古怨魂銷不得一江寒浪若
為平

秋晚過洞庭

征帆初挂酒初酣暮景離情兩不堪千里晚霞
雲夢北一洲霜橘洞庭南溪風送雨過秋寺澗
石驚龍落夜潭莫把羈魂吊湘鬼九愁凝絕鎖
煙嵐

題華嚴寺木塔

六街晴色動秋光雨霽憑高只易傷一曲晚煙
浮渭水半橋斜日照咸陽休將世路悲塵事莫
指雲山認故鄉迴首漢宮樓閣暮數聲鐘鼓自
微茫

經舊遊

暫到高唐曉又還丁香結夢水潺潺不知雲雨
歸何處歷歷空留十二山

碧戶

碧戶高魚鏤蘭窗掩鏡臺落花疑悵望歸燕自
徘徊詠絮知難敵傷春不易裁恨從芳草起愁
為晚風來衣惹湘雲薄眉分楚岫開香濃眼舊
枕夢好醉春盃小障明金鳳幽屏點翠苔寶箏
橫塞馬怨笛落江梅卓氏仍多酒相如正富才
莫教琴上意翻作鶴聲哀

芍藥

香清粉澹怨殘春蝶翅蜂鬚戀藥塵閑倚晚風
生悵望靜留遲日學因循休將薜荔為青瑣好
與玫瑰作近隣零落若教隨暮雨又應愁殺別
離人

春晚謠

雨微微煙霏霏小庭半拆紅薔薇鈿箏斜倚畫
屏曲零落幾行金鴈飛蕭關夢斷無尋處萬疊
春波起南浦凌亂楊花撲繡簾晚窻時有流鶯
語

所思

空塘水碧春雨微東風散漫揚花飛依依南浦
夢猶在脉脉高唐雲不歸江頭日暮多芳草極
目傷心煙悄悄隔江紅杏一枝明似玉佳人俯
清沼休向春臺更迴望銷魂自古因惆悵銀河
碧海共無情兩處悠悠起風浪

春夕言懷

風透疎簾月滿庭倚欄無事倍傷情煙垂柳帶
纖腰軟露滴花房怨臉明愁逐野雲銷不盡情
隨春浪去難平幽窻謾結相思夢欲化西園蝶
未成

春江雨

雨溟溟風零零老松瘦竹臨煙汀空江冷落野
雲重雲中孤燭微如星夜驚溪上漁人起滴瀝
蓬聲滿愁耳子規叫斷獨未眠罨岸春濤打船
尾

戴叔倫四首

秋日行

山曉旅人去天高秋氣悲明河川上没芳草露
中衰一作此別又千里少年能幾時心知剡溪

路聊且寄前期

漸次空靈戍

寒盡鴻先至春回客未歸早知名是病不敢繡
為衣霧積川原暗山多郡縣稀明朝下湘岸更
逐鷓鴣飛

贈韓道士

日暮秋風吹野花上清歸客意無涯桃源寂寂
煙雲閉天路悠悠星漢斜還似世人生白髮定
知仙骨變黃芽東城南陌頻相見應是壺中別
有家

潭州使院書情寄江夏賀蘭副端

雲雨一蕭散悠悠關復河俱從泛舟役近隔洞
庭波楚水去不盡秋風今又過無因得相見却
恨寄書多

宋邕一首

春日

輕花細葉滿林端昨夜春風曉色寒黃鳥不堪
愁裏聽綠楊宜向雨中看

曹唐二十四首

病馬五首呈鄭校書章三吳十五先輩

驛驛何年別渥注病來顏色半泥沙四蹄不鑿
金砧裂雙眼慵開玉燭斜墮月兔毛乾殼棘失
雲龍骨瘦查牙平原好放無人放嘶向秋風首
荷花

攏上沙葱葉正齊騰黃猶自跼羸蹄尾蟠夜雨
紅絲脆頭粹秋風白練低力憊未思金絡腦影
寒空望錦障泥階前莫怪垂雙淚不遇孫陽不
敢嘶

不剪焦毛鬣半翻何人別是古龍孫風吹病骨
無驕氣土蝕驄花見卧痕未噴斷雲歸漢苑曾
追輕練適吳門一朝千里心猶在爭肯潛忘餽
飼恩

空被秋風吹病毛無因濯浪刷洪濤卧來揔怪
龍蹄阻瘦盡誰驚虎口高追電有心猶款段逢
人相骨強嘶號欲將鬣重裁剪乞借新成利
鉸刀

病久無人着意看玉華衫色欲凋殘飲驚白露
泉花冷喫怕清秋豆葉寒長檐敢辭紅錦重舊
韁寧畏紫絲蟠王良若要相擡舉千里追風也
不難

大遊仙劉晨阮肇遊天台

樹入天台石路新雲和草靜迥無塵煙霞不省
生前事水木空疑夢後身往往雞鳴巖下月時
時犬吠洞中春不知此地歸何處須就桃源問
主人

劉阮洞中遇仙人

天和樹色靄蒼蒼霞重嵐深路渺茫雲實滿山
無鳥雀水聲沿澗有笙篁碧沙洞裏乾坤別紅
樹枝邊日月長願得花間有人出免令仙犬吠
劉郎

仙子送劉阮出洞

殷勤相送出天台仙境那能却再來雲液既歸
須強飲玉書無事莫頻開花當洞口應長在水
到人間定不迴惆悵溪頭從此別碧山明月照
蒼苔

仙子洞中有懷劉阮

不將清瑟理霓裳塵夢那知鶴夢長洞裏有天
春寂寂人間無路月茫茫玉沙瑤草連溪碧流
水桃花滿澗香曉露風燈易零落此生無處訪
劉郎

劉阮再到天台不復見諸仙子

再到天台訪玉真青苔白石已成塵笙歌寂寞
唯深洞雲鶴蕭條絕舊隣草樹摠非前度色煙
霞不似往年春桃花流水依然在不見當時勸
酒人

張碩重寄杜蘭香

碧落香銷蘭路秋星河無夢夜悠悠靈妃不降
三清駕仙鶴空成萬古愁皓月隔花追歎別瑞
煙籠樹省淹留人間何事堪遺恨海色西風十
二樓

王女杜蘭香不嫁於張碩

天上人間兩渺茫不知誰識杜蘭香來經王樹
三山遠去隔銀河一水長怨入清塵愁錦思酒
傾玄露醉瑤觴遺情更說何珍重孽破雲鬢金
鳳凰

蕭史攜弄玉上昇

豈是丹臺歸路遙紫鸞煙駕不同飄一聲洛水
傳幽咽萬片宮花共寂寥紅粉美人愁未散清
華公子笑相邀緜山碧樹青樓月腸斷春風為
玉簫

黃初平將入金華山

莫道真遊煙景除瀟湘有路入金華溪頭鶴樹
春長在洞口人間日自斜一水暗鳴閑遶澗五
雲長往不還家白羊成隊難收拾喫盡溪邊巨
勝花

織女懷牽牛

北斗佳人雙淚流眼穿腸斷為牽牛封題錦字
凝新思拋擲金梭織舊愁桂樹三春煙漠漠銀
河一水夜悠悠欲將心向仙郎說借問榆花早
晚秋

漢武帝思李夫人

惆悵冰顏不復歸晚秋黃葉滿天飛迎風細荇
傳香粉隔水殘霞見畫衣白玉帳寒鴛夢絕紫
陽宮遠鴈書稀夜深池上蘭橈歇斷續歌聲微
太微

小遊仙三首

偷來洞口訪劉君緩步輕擡玉線裙細擘桃花
擲流水更無言語倚彤雲
風動閑天青桂陰水精簾箔冷沉沉西妃少女
多春思斜倚彤雲盡日吟

方士飛軒住碧霞酒寒風冷月初斜不知誰唱
歸春曲落盡溪頭白葛花

長安春舍敘邵陵舊宴懷永門蕭使君

五首

邵陵佳樹碧葱龍河漢西沉宴未終殘漏五更
傳海月清笳三會揭天風香熏舞席雲鬢綠光
射頭盤蠟燭紅今日却懷行樂處兩床絲竹水
樓中

不知何路却飛翻虛受賢侯鄭重恩五夜清歌

敲玉樹三年洪飲倒金罇招攜永感雙魚在報

峇空知一劍存狼籍梨花滿城月當時長醉信

陵門

粉疊彤軒畫障西水雲紅樹窳璇題鷓鴣欲絕

歌聲定鷓鴣初驚舞袖齊坐對玉山空甸線細

聽金石怕低迷東風夜月三年飲不省非時不

似泥

木魚金鑰鎖重城夜上紅樓縱酒情竹葉水繁

更漏促桐花風軟管絃清百分散打銀船溢十

指寬催玉筯輕星斗盡稀賓客醉碧雲猶戀艷

歌聲

三年身逐漢諸侯賓榻容居最上頭飽聽笙歌
陪痛飲熟尋雲水縱閑遊朱門鎖閉煙嵐暮鈴
閣清冷水木秋月滿前山圓不動更邀詩客上
高樓

施肩吾二首

夜讌曲

蘭缸如畫買不眠玉爐夜起沉香煙青娥一行
十二仙欲笑不笑桃花燃碧窻弄粧梳洗晚戶
外不知銀漢轉被郎嗔罰屠蘇盞酒入四肢紅
玉軟

代征婦怨

寒窻羞見影相隨嫁得五陵輕薄兒長短艷歌
君自解淺深更漏妾偏知畫裙多淚鴛鴦濕雲
鬢慵梳玳瑁垂何事不看霜雪裏堅貞惟有古
松枝

趙光遠三首

題北里妓人壁

魚鑰獸環斜掩門萋萋芳草憶王孫醉僂青瑣
窺韓壽閑擲金梭惱謝琨不夜珠光連玉匣辟
寒釵影落瑤樽欲知腸斷相思處役盡江淹別

後魂

詠手二首

粧成皓腕洗凝脂背接紅巾
水時薄霧袖中拈玉笋
斜陽屏上撚青絲喚人急拍臨前檻
摘杏高揜近曲池好是琵琶絃畔見
細圓無節玉參差

撚玉磋瓊軟復圓綠窻誰見上琴絃
慢龍彩筆開書字斜指瑤塔笑打錢
指面試香添麝炷舌頭輕點貼金鈿
象床珍簞宮碁處拈定文楸占角邊

孫啓四首

贈妓人

綵翠仙衣紅玉膚輕盈年在破瓜初
霞盃醉喚劉郎賭雲髻慵邀阿母梳
不怕寒侵綠帶寶每憂風舉倩持裾
謾圖西子為粧樣西子元來未得如

題北里妓人壁三首

移壁迴窻費幾朝指環偷解博紅椒
無端鬪草輸隣女便被拈將玉步搖

寒繡衣裳餉阿嬌新團香獸不禁燒
東隣起樣

裙腰闊刺蹙黃金一兩條
試共卿卿語笑麤盡畫堂連遣侍兒呼
寒肌不耐金如意白懶為膏郎有無

崔珣七首

和友人鴛鴦之什三首

翠鬢紅毛舞夕暉水禽情似此禽稀
暫分煙島猶迴首只渡寒塘亦共飛
映霧盡迷珠殿瓦逐梭齊上玉人機
採蓮無恨蘭橈女笑指中流羨爾歸

寂寂春塘煙晚時兩心如影共依依
溪頭日暖眠沙穩渡口風寒浴浪稀
翡翠莫誇饒彩飾鸕鶿須羨好毛衣
蘭深芷密無人見相逐相呼何處歸

舞鶴翔鸞俱別離可憐生死兩相隨
紅絲毳落眠汀處白雪化成蹙浪時
琴上只聞文頸語窻前空展共飛詩
何如相見長相對肯羨人間多所思

有贈二首

莫道粧成斷客腸粉骨綿手白蓮香
煙分頂上三層綠劔截眸中一寸光
舞勝柳枝腰更軟歌

嫌珠貫曲猶長雖然不似王孫女解愛臨卽賣
賦郎

錦里芬芳少佩蘭風流全占似君難心迷曉夢
窳猶暗粉落香肌汗未乾兩臉天桃從鏡發一
眸春水照人寒自嗟此地吾土不得如花歲
歲看

和人聽歌二首

氣吐幽蘭出洞房樂人先問調宮商聲和細管
珠才轉曲渡沉煙雪更香公子不隨腸萬結離
人須落淚千行巫山唱罷行雲過猶自微塵舞
畫梁

紅臉初分翠黛愁錦筵歌板拍清秋一樓春雪
和塵落午夜寒泉帶雨流座上美人心盡死蹲
前旅客淚難收莫辭更送劉郎酒百斛明珠異
日酬

司空曙三首

病中遣妓

萬事傷心在目前一身垂淚對花筵黃金用盡
教歌舞留與它人樂少年

江村即事

罷釣歸來不繫船江村月落正堪眠縱然一夜
風吹去只在蘆花淺水邊

峽口送友人

峽口花飛欲盡春天涯去住淚霑巾來時萬里
同爲客今日翻成送故人

項斯一首

咸陽送處士

古道白迢迢咸陽離別橋越人無水處秦樹帶
霜朝騎馬言難盡分程望易遙秋來未相見此
意各蕭條

才調集卷第四

才調集卷第五

古律歌詩一百首

元稹五十七首

夢遊春七十韻

昔歲夢遊春夢遊何所遇夢入深洞中遂果平生趣清泠淺漫流畫舫蘭篙渡過盡萬株桃盤旋竹林路長廊抱小樓門牖相迴互樓下雜花叢叢邊繞鷓鴣池光漾霞影曉日初鳴煦未敢上階行頻移曲池步烏龍不作聲碧玉曾相慕漸到簾幕間徘徊意猶懼開窺東西閣奇玩參差布隔子碧油糊駝鈎紫金鍍逡巡日漸高影響人將寤鸚鵡飢亂鳴嬌娃睡猶怒簾開侍兒起見我遙相諭鋪設繡紅茵施張鈿裝具潛褰翡翠帳瞥見珊瑚樹不辨花兒人空驚香若露身迴夜合偏態做晨霞聚睡臉桃破風汗粧蓮委露叢梳百葉髻時勢金蹙重臺屨踏軟鈿頭裙色琴瑟玲瓏合歡袴名鮮妍脂粉薄暗澹衣裳故最似紅牡丹雨來春欲暮夢魂良易驚靈境難久寓夜夜望天河無由重沿沂結念心所期返如禪頓悟覺來八九年不向花迴顧

雜合兩京春喧闐眾禽護我到看花時但作懷仙句浮生轉經歷道性尤堅固近作夢仙詩亦知勞肺腑一夢何足云良時事婚娶當年二紀初嘉節三星度朝舜玉佩迎高松女蘿附韋門正全盛出入多歡裕甲第漲清池鳴騶引朱輅廣榭舞菱鞋長筵賓雜厝青春詎幾日華實潛幽蠹秋月照潘郎空山懷謝傅紅樓嗟壞壁金谷迷荒成石壓破欄干門摧舊柅柅雖云覺夢殊同是終難駐怳緒竟何如焚絲不成絢卓女白頭吟阿嬌金屋賊重壁盛姬臺青塚明妃墓盡委窮塵骨皆隨流波注幸有古如今何勞練比素況余當盛時早歲諧如務詔冊冠賢良諫垣陳好惡三十再登朝一登還一仆寵榮非不早遭迴亦云屢直氣在膏肓氣盈日沉痾不言意不快快意言多忤忤誠人所賊性亦天之付乍可沉為香不能浮作瓠誠為堅所守未為明所措事事身已經營營計何誤美玉琢文珪良金填武庫徒謂自堅自安知受戕鑄長絲羈野馬密網羅陰免物外各迢迢誰能遠相錮時來既若飛禍速當如鷲曩意自未精此行何所訴

努力去江陵笑言誰與晤江花縱可憐奈非心
所慕石竹逞姦黠蔓菁誇畝數一種薄地生淺
深何足妬荷葉水上生團團水中住瀉水置葉
中君看不相汚

桐花落

莎草遍桐陰桐花滿莎落蓋覆相團圓可憐無
厚薄昔歲幽院中深堂下簾幕同在後門前因
論花好惡君誇沉檀樣云是指搗作暗澹滅紫
花拘連蹙金萼都繡六七枝闢成雙孔雀尾上
稠疊花又將金解絡我愛看不已君煩睡先著
我作繡桐詩繫君裙帶着別來苦修道此意都
蕭索今日竟相牽思量偶然錯

夢昔時

閑窻結幽夢此夢誰人知夜半初得處天明臨
去時山川已久隔雲雨兩無期何事來相感又
成新別離

恨粧成

曉日穿隙明開惟理粧點傳粉貴重重施朱憐
冉冉柔鬢背額垂叢鬢隨釵斂凝翠暈蛾眉輕
紅拂花臉滿頭行小梳當面施圓壓最恨落花

時粧成獨披掩

古訣絕詞三首

乍可為天上牽牛織女星不願為庭前紅槿枝
七月七日一相見相見故心終不移那能朝開
暮飛去一任東西南北吹分不兩相守恨不兩
相思對面且如此背面當可知春風撩亂伯勞
語況是此時拋去時握手苦相問竟不言後期
君情既決絕妾意已參差借如死生別安得長
苦悲

噫春冰之將泮何余懷之獨結有美一人於焉
曠絕一日不見比一日於三年況三年之曠別
水得風兮小而已波筭在苞兮高不見節矧桃
李之當春競衆人而攀折我自顧悠悠而若雲
又安能保君饋饋之如雪感破鏡之分明觀淚
痕之餘血幸他人之既不我先又安能後他人
之終不我奪已焉哉織女別黃姑一年一度暫
相見彼此隔河何事無

夜夜相抱眠幽懷尚沉結那堪一年事長遣一
宵說但感夕相思何暇暫相悅虹橋薄夜成龍
駕侵晨列生憎野鵲性遲迴死恨天雞識時節

曙色漸曠曉華星次明滅一去又一年一年何
可微有此迢遞期不如死生別天公隔是妬相
憐何不便教相浹絕

櫻桃花

櫻桃花一枝兩枝千萬朵花堪曾立摘花人牽
破羅裙紅似火

曹十九舞綠鈿

急管清弄頻舞衣纒攬結含情獨搖手雙袖參
差列騾褭柳牽絲炫轉風迴雪凝眄嬌不移往
住度繁節

閨晚

紅裙委墀堦玉瓜勢朱橘素臆光如砒明瞳艷
凝溢調絃不成曲學書徒弄筆夜色侵洞房香
煙透簾出

曉將別

風露曉淒淒月下西墻西行人帳中起思婦枕
前啼眉眉命僮御晨裝儼已齊將去復攜手日
高方解攜

薔薇架 清水驛

五色堦前架一張籠上被殷紅稠疊花半綠鮮

明地風蔓羅裙帶露英蓮臉淚多逢走馬郎可
惜簾邊思

月暗

月暗燈殘面墻泣羅纒斗重知啼濕真珠簾斷
蝙蝠飛燕子巢空螢火入深殿門重夜漏嚴柔
處立 年急君王掌上容一人更有輕身何

新秋

旦暮已淒涼離人遠思忙夏衣臨曉薄秋影入
簷長前事風隨扇歸心燕在梁殷勤寄牛女河
漢正相望

贈雙文

艷極翻含怨憐多轉自嬌有時還暫笑閑坐愛
無膠曉月行看墮春蘇見欲消何因肯垂手不
敢望迴腰 二名曲

春別

幽芳本未闌君去蕙花殘河漢秋期遠關山世
路難雲屏留粉絮風幌引香蘭腸斷迴文錦春
深獨自看

和樂天示楊瓊

我在江陵少年日知有楊瓊初喚出腰身瘦小
歌圓緊依約年應十六七去年十月過蘇州瓊
來拜問郎不識青衫玉兒何處去安得紅旗遮
頭白我語楊瓊瓊莫語汝雖笑我我笑汝汝今
無復小腰身不似江陵時好女楊瓊為我歌送
酒爾憶江陵縣中否江陵王令骨為灰車來嫁
作尚書婦盧戡及第嚴澗在其餘死者十八九
我今賀爾亦自多爾得老成余白首楊瓊本名
播少為江
陵酒妓去年始蘇過瓊故舊及今
見樂天此篇因走筆追書此曲

魚中素

重疊魚中素幽絨手自開斜紅餘淚跡知着臉
邊來

代九九

昔年桃李月顏色共花宜迴臉蓮初破低蛾柳
並垂望山多倚樹弄水愛臨池遠被登樓識潛
因倒影窺隔林徒想像上砌轉遠迤謾擲庭中
果虛攀墻外枝強持文王佩求結麝香縞阿母
憐金重親兄要馬騎把將嬌小女嫁與冶遊兒
自隱勤勤索相要事事隨每常同坐卧不省暫
參差纔學羞兼妬何言寵便移青春來易皎白

日誓先虧僻性嗔來見邪行醉後知別床鋪枕
席當面指瑕疵妾兒應猶在君情遠若斯的成
終世恨焉用此宵為鸞鏡燈前撲鴛衾手下墮
參商半夜起琴瑟一聲離努力新叢艷狂風次
第吹

盧十九子蒙吟盧七負外洛川懷古六
韻命余和

聞道盧明府閑行詠洛神浪圓疑靨笑波關憶
眉頻蹀躞橋頭馬空濛水上塵草芽猶犯雪冰
岸欲消春寓目終無限通辭未有因子蒙將此
曲吟似獨眠人

劉阮妻二首

仙洞千年一度開等閑偷入又偷迴桃花飛盡
秋風起何處消沉去不來
芙蓉脂肉綠雲鬢畫樓臺青黛山千樹桃花
萬年藥不知何事憶人間

桃花

桃花淺深處似勻深淺粧春風助腸斷吹落白
衣裳

暮秋

看着牆西日又沉步廊迴合戟門深棲鳥滿樹
聲聲絕小玉上床鋪夜衾

壓墻花

野性大都迷里巷愛將高樹記人家春來偏認
平陽宅為見墻頭拂面花

舞腰

裙裾旋旋手迢迢不赴音聲自赴嬌未必諸郎
知曲誤一時偷眼為迴腰

白衣裳二首

雨濕輕塵隔院香王人初著白衣裳半含惆悵

閑看繡一朵梨花壓象床

藕絲衫子柳花裙空着沉香慢火熏閑倚幙風

笑周昉枉拋心力畫朝雲

憶事

夜深閑到戟門邊柳遠行廊又獨眠明月滿庭

池水綠桐花垂在翠簾前

寄舊詩與薛濤因成長句 序在別卷

詩篇調態人皆有細膩風光我獨知月夜詠花

憐暗澹雨朝題柳為歌垂長教碧玉藏深處總

向紅牋寫自隨老大不能收拾得與君閑似好

男兒

友封體

雨送浮涼夏簟清小樓腰擗怕單輕微風暗度
香囊轉麗月斜穿隔子明檠燭焰高黃耳吠柳
堤風靜紫駟聲頻頻聞動中門鑠桃葉知嗔未
敢迎

看花

努力少年求好官好花須是少年看君看老大
逢花樹未折一枝心已闌

斑竹 得之湘流

一枝斑竹渡湘沅萬里行人感別魂知是娥皇
廟前物遠隨風雨送啼痕

箏

莫愁私地愛王昌夜夜箏聲怨隔墻火鳳有皇
求不得春鶯無伴轉空長急揮舞破催飛燕慢
逐歌詞弄小娘死恨相如新索婦枉將心力為
他狂

春曉

半欲天明半未明醉聞花氣睡聞鶯娃見撼起
鐘聲動二十年前曉寺情

春詞

深院無人草樹光嬌鶯不語趁陰藏等閑弄水
浮花片流出門前賺阮郎

所思二首

庾亮樓中初見時武昌春柳似腰肢相逢相失
還如夢為雨為雲今不知
鄂渚濛濛煙雨微女郎魂逐暮雲歸只應長在
漢陽渡化作鴛鴦一隻飛

離思六首

殷紅淺碧舊衣裳取次梳頭暗澹粧夜合帶煙
籠曉月牡丹經兩泣殘陽低迷隱笑元無笑散
漫清香不似香頻動橫波嗔阿母等閑教見小
兒郎

自愛殘粧曉鏡中銀釵慢篸綠絲叢須臾日射
燕脂頰一朶紅蘇旋欲融

山泉散漫透堦流萬樹桃花映小樓閑讀道書
慵未起水精簾下看梳頭

紅羅著壓逐時新吉了花紗嫩麴塵第一莫嫌
材地弱些些紕慢最宜人

曾經滄海難為水除却巫山不是雲取次花叢

懶迴顧半綠修道半綠君
尋常百種花齊發偏摘梨花與白人今日江頭
兩三樹可憐和葉度殘春

雜憶五首

今年寒食月無光夜色纔侵已上床憶得雙文
通內裏玉籠深處暗聞香
花籠微月竹籠煙百尺絲繩拂地懸憶得雙文
人靜後潛教桃葉送鞦韆

寒輕夜淺透迴廊不辨花叢暗辨香憶得雙文
隴月下小樓前後捉迷藏

山榴似火葉相兼亞拂墻堦半拂簷憶得雙文
獨披掩滿頭花草倚新簾

春冰消盡碧波湖漾影殘霞似有無憶得雙文
衫子薄鈿頭雲映退紅蘇

有所教

莫畫長眉畫短眉斜紅傷豎莫傷垂人人揔解
爭時勢都大須看各自宜

襄陽為盧賈紀事五首

帝下真符召玉真偶逢遊女暫相親素書三卷
留為贈從向人間說向人

風弄花枝月照堦醉和春睡倚香懷依稀似覺
雙鬢動潛被蕭郎卸玉釵

鶯聲撩亂曙燈殘暗覓金釵動曉寒猶帶春醒
懶相送櫻桃花下隔簾看

琉璃波面月籠煙暫逐蕭郎走上天今日歸時
最腸斷迴江還是夜來船

花枝臨水復臨堤閑照江流亦照泥千萬春風
好擡舉夜來曾有鳳皇棲

初除浙東妻有沮色因以四韻曉之

嫁時五月歸巴地今日雙旌上越州興慶首行

遷命婦余在中書日妻以郡君朝會稽旁帶六
太后於興慶官殿為班首

諸侯海樓翡翠閣相逐鏡水鴛鴦暖共遊我有
主恩羞未報君於此外更何求

會真詩三十韻

微月透簾攏螢光度碧空遙天初縹緲低樹漸

葱籠龍吹過庭竹鸞歌拂井桐羅綃垂薄霧環
珮響輕風絳節隨金母雲心捧玉童更深人悄

悄晨會雨濛濛珠瑩光文履花明隱繡籠寶釵
行彩鳳羅帔掩丹虹言自瑤華浦將朝碧帝宮

因遊李城北偶向宋家東戲調初微拒柔情已

暗通低髮蟬影動回步玉塵蒙轉面流花雪登
床抱綺叢鴛鴦交頸舞翡翠合歡籠眉黛羞偏

聚朱唇暖更融氣清蘭藥馥膚潤玉肌豐無力
慵移腕多嬌愛斂躬汗光珠點點髮亂綠蔥蔥

方喜千年會俄聞五夜窮留連時有限繾綣意
難終慢臉含愁態芳詞誓素衷贈環明運合留

結表心同啼粉留清鏡殘燈透暗蟲華光猶冉
冉旭日漸瞳瞳警乘遽歸洛吹簫亦止蒿衣香

猶染麝枕膩尚殘紅羃羃臨塘草飄飄思緒蓬
素琴鳴怨鶴清漢望歸鴻海闊誠難渡天高不

易冲行雲無處所蕭史在樓中

鄭谷十一首

登杭州城

故國江天外登臨返照間潮來無別浦木落見
他山沙鳥晴飛遠漁人夜唱閑歲窮歸未得心
逐片帆還

曲江春草

花落江堤簇暖煙雨餘草色遠相連香輪莫碾
青青破留與愁人一醉眠

十日菊

節去蜂愁蝶不知曉庭還繞折殘枝自綠今日
人心別未必秋香一夜衰

淮上漁者

白頭波上白頭翁家逐船移浦浦風一尺鱸魚
新釣得兒孫吹火荻花中

弔故禮部韋負外序

臘雪初晴共舉盃便期攜手上春臺高情唯怕
酒不滿長慟可悲花正開曉真鶯啼殘漏在風
幃燕覓舊巢來杜陵芳草年年綠醉魄吟魂無
復迴

席上貽歌者

花月樓臺近九衢清歌一曲倒金壺座中亦有
江南客莫向春風唱鷓鴣

淮上與友人別

楊子江頭楊柳春揚花愁殺渡江人數聲風笛
離亭晚君向瀟湘我向秦

雪中偶題

亂飄僧舍茶煙濕密灑歌樓酒力微江上晚來
堪畫處漁人披得一蓑歸

鷓鴣

暖戲平蕪錦翼齊品流應得入山雞雨昏青草
湖邊過花落黃陵廟裏啼遊子乍聞征袖濕歌
人纔唱翠眉低相呼相喚湘江浦苦竹叢深春
日西

京師冬暮詠懷

覓句干名抵自勞苦吟殊未補風騷煙開水國
花期近雪滿長安酒價高舊業已荒青謁逕寒
江空憶白雲濤不知春到情何恨唯恐流年損
鬢毛

趙璘郎中席上賦得胡蝶

尋艷復尋香似閑還似忙暖煙沉蕙逕微兩宿
花房書幌輕隨夢歌樓誤採粧王孫深屬意繡
入舞衣裳

秦韜玉八首

長安書懷

涼風吹雨滴寒更鄉思欺人撥不平長有歸心
懸馬首可堪無寐枕蛩聲嵐收楚岫和空碧秋
染湘江到底清早晚身閑著蓑去摘香深處釣
船橫

春雪

雲重寒空思寂寥
玉塵如糝滿春朝
片才著地輕輕陷
力不禁風旋旋銷
惹砌任他胡蝶妬
紫叢自學小梅嬌
誰家醉卷珠簾看
絃管堂深暖
易調

對花

長共韶光暗有期
可憐蜂蝶却先知
誰家促席臨低樹
何處橫釵戴小枝
麗日多情疑曲照
和風得路合偏吹
向人雖道渾無語
幾勸王孫到
醉時

貧女

蓬門未識綺羅香
擬託良媒益自傷
誰愛風流高格調
共憐時世儉梳粧
敢將十指誇偏巧
不把雙眉鬪畫長
最恨年年壓金線
為他人作嫁衣裳

鸚鵡

每聞別鴈競悲鳴
却向金籠寄此生
早是翠衿爭愛惜
可堪紅觜強分明
雲漫隴樹竟應斷
歌按秦樓夢不成
幸自欄衡人未識
賺他為賦被時輕

織錦婦

桃花日日覓新奇
有鏡何曾及畫眉
祗恐輕梭難作正
豈辭纖手遍生胝
合蟬巧間雙盤帶
聯鴈斜銜小折枝
豪貴大堆酬曲徹
豈知辛苦一絲絲

獨坐吟

客愁不盡本如水
草色含情更無已
又覺春愁似草生
何人種在情田裏

詠手

一雙十指玉纖纖
不是風流物不粘
鸞鏡巧梳勻翠黛
畫樓閑望壁珠簾
金盃有喜輕輕點
銀鴨無香旋旋添
因把剪刀嫌道冷
泥人呵了弄人驕

紀唐夫一首

贈温廷筠

何事明時泣玉頻
長安不見杏垣春
鳳皇詔下雖露命
鸚鵡才高却累身
且盡綠醪銷積恨
莫辭黃綬拂行塵
方城若比長沙路
猶隔千山與萬津

雍陶一首

鷺鷥

雙鷺應憐水滿池風飄不動頂絲垂立當青草
人先見行傍白蓮魚未知一足獨拳寒雨裏數
聲相叫早秋時林塘得汝須增價況與詩人物
色宜

劉禹錫十二首

自朗州至京戲贈看花諸君子

紫陌紅塵拂面來無人不道看花回玄都觀裏
桃千樹盡是劉郎去後栽

再遊玄都觀

百畝中庭半是苔桃花淨盡菜花開種桃道士
歸何處前度劉郎今復來

聽舊宮人穆氏唱歌

曾隨織女渡天河記得雲間第一歌休唱正元
供奉曲當時朝士已無多

楊柳枝詞三首

花萼樓前初種時美人樓上鬪腰支如今拋擲
長街裏露葉如啼欲向誰

煬帝行宮汴水濱數株殘柳不勝春晚來風起
花如雪飛入宮牆不見人

城外春風吹酒旗行人揮袂日西時長安陌上

無窮樹唯有垂楊管別離

竹枝詞三首

城西門前灩澦堆年年波浪不曾摧懊惱人心
不如石少時東去復西來

瞿唐嘈嘈十二灘此中道路古來難長恨人心
不如水等閑平地起波瀾

揚柳青青江水平聞郎江上唱歌聲東邊日出
西邊雨道是無晴還有晴

寄樂天

莫嗟華髮與無兒却是人生久遠期雪裏高山
頭白早海中仙果子生遲于公必有高門慶謝
守何煩曉鏡悲幸免如斯分非淺祝君長詠夢
熊詩

鸚鵡

隴西鸚鵡到江東養得經年鬚漸紅常恐思歸
先剪翅每因餒食暫開籠人憐巧語情雖重鳥
憶高飛意不同全似貴門歌舞妓深藏牢閉在
房中

和樂天送鶴

昨日看成送鶴詩高籠提出白雲司朱門乍入

應迷路玉樹容棲莫棟枝雙舞庭中花落處數
聲池上月明時三山碧海未歸去且向人間呈
羽儀

白居易八首

送鶴上裴相公

司空憐爾爾須知不信聽吟乞鶴詩羽翼勢高
寧惜別稻梁恩厚莫愁飢夜棲少共雞爭樹曉
浴先饒鳳占池穩上青雲莫迴顧的應勝在白
家時

王昭君

漢使却回憑寄語黃金何日贖蛾眉君王若問
妾顏色莫道不如宮裏時

邯鄲至除夜思家

邯鄲驛裏逢冬至抱膝燈前影伴身想得家中
深夜坐還應說著遠行人

題王侍御池亭

朱門深鎖春池滿岸落薔薇水浸莎畢竟林塘
誰是主人翁來少客來多

藍橋驛見元九詩

藍橋春雪君歸日秦嶺秋風我去時每去驛亭

先下馬循牆繞柱覓君詩

聞龜兒詠詩

憐渠已解詠詩章搖膝支頤學二郎莫學二郎
吟太苦纔年四十鬢如霜

同李十一解元憶九

花時同醉破春愁醉折花枝當酒籌忽憶故人
天際去計程今日到梁州

憶晦叔

游山弄水攜詩卷看月尋花把酒盃六事盡思
君作伴幾時歸到洛陽來

武元衡二首

荆帥


金貂再入三公府玉帳連封萬戶侯簾卷青山
巫峽曉雲凝碧岫渚宮秋劉琨坐嘯風生浦謝
眺裁詩月滿樓白雪調高歌不得美人南國翠
蛾愁

送張諫議赴闕

詔書前日下丹霄頭帶儒冠脫卓貂笛怨柳營
煙漠漠雲愁江館雨蕭蕭鷓鴣得路爭先翥松
桂凌霜貴後凋歸去朝端如有問王關門外老

班超

才調集卷第五



才調集卷第六

古律雜歌詩一百首

李白二十八首

長干行二首



妾髮初覆額折花門前劇郎騎竹馬來遠牀弄
 青梅同居長千里兩小無嫌猜十四為君婦羞
 顏未嘗開低頭向暗壁千喚不一迴十五始展
 眉願同塵與灰常存抱柱信豈上望夫臺十六
 君遠行瞿塘灘預堆五月不可觸猿聲天上哀
 門前遲一作行跡一一生綠苔若深淚一作不能
 掃落葉秋風早八月胡蝶來雙飛西園草感此
 傷妾心坐見一作紅顏老早晚下三巴預將書
 報家相迎不道遠直至長風沙
 憶妾一作深閨裏煙塵不曾識嫁與長干人沙
 頭候風色五月南風興思君下巴陵八月西風
 起想君發揚子去來悲如何見少別離多湘潭
 幾日到妾夢越風波昨夜狂風度折江皋一作
 頭樹森森暗無邊行人在何處好乘浮雲驄佳
 期蘭渚東鴛鴦綠蒲上翡翠錦屏中自憐十五
 餘顏色桃李紅那作商人婦愁水復愁風

古風三首

泣與親友別欲語再三咽
君青松心努力保
霜雪世路多險艱
白日欺紅顏分手一作各千里去去何時還

秋露如白玉團圓
下庭綠我行忽見之
寒草悲
歲促人生鳥過目
胡乃自結東景公
一何愚牛

山波相續物苦不知足
登隴又望蜀人心若波
瀾世路有屈曲
三萬六千日夜夜當東燭

燕趙有秀色綺樓一作青雲
端眉目艷皎月一
笑傾城歡常恐碧草
晚坐泣秋風寒纖手
怨王

長相思

日色已盡花含煙
月明欲愁不眠
趙瑟初停
鳳凰柱蜀琴欲奏
鴛鴦絃此曲有意
無人傳願
隨春風寄燕然
憶君迢迢隔青天
昔日橫波目
今為流淚泉
不信妾腸斷
歸來看取明鏡前

烏夜啼

黃雲城邊烏欲棲
歸飛啞啞枝上啼
機中織錦
秦川女碧紗如煙
隔窻語停梭
悵然憶遠人
獨宿孤房淚如雨
一作停梭向人問故夫知在流沙波如雨

白頭吟

錦水東流碧波蕩
雙鴛鴦雄飛漢宮樹
雌弄秦草芳
相如去蜀謁武皇
赤車駟馬生輝光
一朝再覽大人作
萬壽忽欲凌雲翔
聞道阿嬌失恩寵
千金買賦要君王
相如不憶貧賤日
官高金多婢私室
茂陵妹子皆見求
文君歡愛從此畢
淚如雙泉水行墮
紫羅襟五起難三唱
清晨白頭吟長吁
不整綠雲鬢
仰訴青天哀怨深
城崩把梁妻誰道
土無心東流不作西
歸水落花辭
枝羞故林頭上
王燕釵是妾嫁時物
贈君表相思
羅袖幸時拂
莫卷龍鬚席
從他生網絲
且留琥珀枕
還有夢來時
鸛鶴裘在錦屏上
自君一挂無由披
妾有秦樓鏡
照心勝照井
願持照新人
雙對可憐影
覆水却收不滿杯
相如還謝文君
迴古來得意不相負
祇今唯有青陵臺

贈漢陽輔錄事

鸚鵡洲橫漢陽渡
水引寒煙沒江樹
南浦登樓不見君
君今罷官在何處
漢口雙魚白錦鱗
今傳尺素報情人
其中字數無多少
只是相思秋復春

擣衣篇

閨裏佳人年十餘，嘯蛾對影恨離居。忽逢江上春歸燕，銜得雲中尺素書。玉手開絨長歎息，狂夫猶戍交河北。萬里交河水北流，願為雙鳥泛中洲。君邊雲擁青絲騎，妾處苔生紅粉樓。樓上春風日將歇，誰能攬鏡看秋髮。曉吹負管隨落花，夜擣戎衣向明月。明月高高刻漏長，真珠簾箔掩蘭堂。橫垂寶幄同心結，半拂瓊筵蘇合香。瓊筵寶幄連枝錦，燈燭熒熒照孤寢。有使馮將金剪刀為君留下，相思枕摘盡庭蘭。不見君紅巾拭淚生氤氳，明年更若征邊塞。願作陽臺一段雲。

大堤曲

漢水橫襄陽，花開大堤暖。佳期大堤下，淚向南雲滿。春風復無情，吹我魂夢亂。不見眼中人，天長音信斷。

青山獨酌

蒲萄酒金叵一作破羅，吳姬十五細馬馱。青黛畫眉紅錦靴，道字不正嬌唱歌。玳瑁筵中懷裏醉，芙蓉帳底奈君何。

久別離

別來幾春未還家，玉窻五見櫻桃花。況有錦字書開緘，使人嗟此腸斷。彼心絕雲鬢，綠鬢罷梳一作梳。結愁如迴颺，亂白雪去年寄書報陽臺。今年寄書重相催，東風芳柳一本云為平東風為我吹行雲。使西來待來竟不來，落花寂寂委青苔。

紫驄馬

紫驄行且嘶，雙翻碧玉啼。臨流不肯渡，似惜錦障泥。白雪關山遠，黃雲海樹迷。揮鞭萬里去，安得念春閨。

宮中行樂三首

盧橘為秦樹，蒲桃出漢宮。煙花宜落日，絲管醉春風。笛奏龍鳴水，簫吟鳳下空。君王多樂事，何必向回中。

寒雪梅中盡，春風柳上歸。宮鶯嬌欲醉，簷燕語還飛。遲日明歌席，新花艷舞衣。晚來移綵仗，行樂好一作泥光輝。

水滌南薰殿，花紅北闕樓。鶯歌聞太液，鳳吹遶瀛洲。素女鳴珠珮，天人弄綵毬。今朝風日好，宜入未央遊。

愁陽春賦

東風歸來見碧草而知春蕩漾惚恍何垂楊倚
旒之愁人天光清而妍和海氣綠而芳新野絲
翠而芊繇雲飄颻而相鮮演漾芳寅綠窺青苔
之生泉縹緲芳翩絲見遊絲之縈煙魂與此芳
俱斷醉風光芳悽然若乃隴水秦聲江棟巴吟
明妃玉塞楚客楓林試登高而望遠痛切骨而
傷心春心蕩芳如波春秋亂芳如雪兼萬情之
悲歡茲一作一感於芳節我所思兮湘水濱隔
雲霓而見無因灑別淚於尺波寄東流於情親
若使春光可攬而不滅芳吾欲贈天涯之佳人

寒女吟

昔君布衣時與妾同辛苦一拜五官即便索邯
鄲女妾欲辭君去君心便相許妾讀靡蕪書悲
歌淚如兩憶昔嫁君時曾無一夜樂不是妾無
堪君家婦難作起來強歌舞縱好君嫌惡下堂
辭君去去後悔遮莫

相逢行

相逢紅塵內高揖黃金鞭萬戶垂楊裏君家阿
那邊

紫宮樂五首

小小生金屋盈盈在紫微山花插寶髻石竹繡
羅衣每出深宮裏常隨步輦歸只愁歌舞散化
作絲雲飛

玉樹春歸日金宮樂事多後庭朝未入輕輦夜
相過笑出花間語嬌來燭下歌莫教明月去留
著醉姮娥

柳色黃金嫩梨花白雪香玉樓巢一作翡翠珠
殿鎖鴛鴦選妓隨雕輦徵歌出洞房宮中誰第
一飛燕在昭陽

繡戶香風暖紗窗曙色新宮花爭笑日池草暗
生春綠樹聞歌鳥青樓見舞人昭陽桃李月羅
綺自相親

今日明光裏還須結伴遊春風開紫殿天樂下
珠樓艷舞全知巧嬌歌半欲羞更憐花月夜宮
女笑藏鉤

會別離

結髮生別離相思復相保如何日已遠五變庭
中草渺渺天涯途悠悠漢江島但恐不出門出
門無遠道道遠行寄難家貧衣復單嚴風吹雨

雪晨起鼻何酸人生各有志豈不懷所安分明
天上日生死誓同歡

江夏行

憶昔嬌小姿春心亦自持為言嫁夫壻得免長
相思誰知嫁商賈令人却愁苦自從為夫妻何
曾在鄉土去年下揚州相送黃鶴樓眼看帆去
遠心逐江水流只言期一載誰謂歷三秋使妾
腸欲斷恨君情悠悠東家西舍同時發北去南
來不逾月未知行李遊何方作箇音書能斷絕
適來往南浦欲問西江船正見當爐女紅粧二
八年一種為人妻獨自多悲恸對鏡便垂淚逢
人只欲啼不如輕薄兒且暮長追隨悔作商人
婦青春長別離如今正好同歡樂君去容華誰
得知

相逢行

朝騎五花馬謁帝出銀臺秀色誰家子雲車珠
箔開金鞭遙指點玉勒近遲迴夾轂相借問知
疑一作從天上來邀入青綺門當歌共銜杯銜杯
映歌扇似月雲中見相見不得親不如不相見
相見情已深未語可知心胡為返守一作空閨孤

眠愁錦衾錦衾語一作羅帷纏綿會有時春風
正澹蕩暮雨來何遲願一作因三春青鳥更
報長相思光景不待人須臾駿成絲當年失行
樂老去徒傷悲持此道密意無令曠佳期無一本

李商隱四十首

錦檻

錦檻芙蓉入香臺翡翠過撥弦鸞火鳳交扇拂
天鵝隱忍陽城笑喧傳郢市歌仙眉瓊作葉佛
髻鈿為螺五里無因霧三秋只見河月中供藥
刺海上得綃多玉集胡沙割犀留聖水磨斜門
穿戲蝶小閣鎖飛蛾騎檐侵聽卷車帷約憶鈍
傳書兩行鴈取酒一封駝橋迴涼風壓溝橫夕
照和待烏燕太子駐馬魏東阿想像鋪芳縵依
條解醉羅散時簾隔露卧後暮生波梯穩從攀
桂弓調任射莎豈能拋斷夢聽鼓事朝珂

曉坐後閣

後閣能朝眠前墀思黯然梅應未假雪柳自不
勝煙淚續淺深綆腸危高下絃紅顏無定所得
失在當年

碧城三首

碧城十二曲闌干，犀辟塵埃玉辟寒。闌苑有書多附鶴，女牆無樹不棲鸞。星沉海底當窈見，兩過河源隔座看。若是曉珠明又定，一生長對水精盤。

對影聞聲已可憐，玉池荷葉正田田。不逢蕭史休迴首，莫見洪崖又拍肩。紫鳳放嬌銜楚珮，赤鱗狂舞撥湘絃。鄂君悵望舟中夜，繡被焚香獨自眠。

七夕來時先有期，洞房簾箔至今垂。玉輪顧兔初生魄，鐵網珊瑚未有枝。檢與神方教駐景，收將鳳紙寫相思。武皇內傳分明在，莫道人間摠不知。

飲席代官妓贈兩從事

新人橋上著春衫，舊主江邊側帽簷。隋獨孤信 舉止風流 曾風吹帽簷，願得化為紅綬帶，許教雙鳳一時銜。側觀者塞路

代元城吳令暗為荅

背闕歸藩路欲分，水邊風物半西曛。荆王枕上元無夢，莫枉陽臺一片雲。

杏花

上國昔相值，亭亭如欲言。異鄉今暫賞，脉脉豈無恩。暖少風多力，牆高月有痕。為含無限思，遂對不勝繁。仙子玉京路，主人金谷園。幾時辭碧落，誰伴過黃昏。鏡拂鉛華膩，鑪藏桂燼溫。終應催竹葉，先擬詠桃根。莫學啼成血，從教夢寄魂。吳王採香逕，失路入煙村。

燈

皎潔終無倦，煎熬亦自求。花時隨酒遠，兩夜背窻休。冷暗黃茅驛，暄明紫桂樓。錦囊名畫掩，玉局敗碁收。何處無佳夢，誰人不隱憂。影隨簾押轉，光信簾文流。客自勝潘岳，儂今定莫愁。固應留半焰，迴照下幃羞。

代魏宮私贈

魏歌之流

黃初三年已隔存沒連代其意何必同時亦廣子夜

來時西館阻佳期，去後漳河隔夢思。知有宓妃無限意，春松秋菊可同時。松一作蘭

齊宮詞

永壽兵來夜不扃，金蓮無復印中庭。梁臺歌管三更罷，猶自風搖九子鈴。

銀河吹笙

帳望銀河吹玉笙樓寒院冷接平明重衾幽夢
他年斷別樹羈雌昨夜驚月榭故香因雨發風
簾殘燭隔霜清不須浪作緜山意湘瑟秦簫自
有情

題後重有戲贈任秀才

一丈紅蕖擁翠筠羅窻不識繞街塵峽中尋覓
長逢兩月裏依稀更有人虛為錯刀留速客狂
綠書札損文鱗遙知小閣還斜照羨殺烏龍卧
錦茵

春雨

帳卧新春白袷衣白門寒落意多違紅樓隔雨
相望冷珠箔飄燈獨自歸遠路應悲春晚晚殘
宵猶得夢依稀玉璫緘札何由達萬里雲羅一
鴈飛

富平侯

七國三邊未到憂十三身襲富平侯不收金彈
拋林外却惜銀床在井頭絲樹轉燈珠錯落繡
檀迴枕玉雕鏤當關不報侵晨客新得佳人字
莫愁

促漏

促漏遙鐘動靜聞報章重疊香難分舞鸞鏡匣
收殘黛睡鴨香爐煖夕薰歸去定知還向月夢
來何處更為雲南塘漸暖蒲堪結兩兩鴛鴦護
水紋

江東

驚魚撥刺燕翎獨自江東上釣船今日春光
大漂蕩謝家輕絮沈郎錢

七夕

鸞扇斜分鳳幄開星橋橫過鵲飛迴爭將世上
無期別換得年年一度來

可歎

幸會東城宴未迴年華憂共水相催梁家宅裏
秦官入趙氏樓中赤鳳來冰簟且眠金鏤枕瓊
筵不醉玉交盃空如愁坐芝田館用盡陳王八
斗才

曉起

擬盃當曉氣呵鏡有微寒隔箔山櫻發寒幃挂
燭殘晝長為報曉夢好更尋難影響輪雙蝶偏
過舊曉蘭

腸

有懷非惜恨不奈寸腸何即夕迴弥久前時斷
固多熱應翻急燒冷欲徹空波隔樹漸雨通
池點點荷倦程山向背望國關差我故念飛書
及新懽借夢過漆筠休伴淚繞雪莫追歌擬問
陽臺事年深楚語訛

獨居有懷

麝重愁風逼羅疎畏月侵怨魂迷恐斷嬌喘細
疑沉數急芙蓉帶頻抽翡翠簪柔情終未達遙
妬已先深浦冷鴛鴦去園空蚊蝶尋蠟花長遞
淚筇柱鎮移心覓使嵩雲暮迴頭灞岸陰只聞
涼葉院露井近寒砧

代贈二首

樓上黃昏望欲休玉梯橫絕月中鈎芭蕉不展
丁香結同向春風各自愁
東南日出照高樓樓上離人唱石州揔把春山
掃眉黛不知供得幾多愁

宮辭

君恩如水向東流得寵憂移失寵愁莫向樽前
奏花落涼風只在殿西頭

追代盧家人嘲堂內

道却橫波字人前莫謾羞只應同楚水長短入
淮流

訪人不遇留題別館

卿卿不惜瑣窻春去作長楸走馬身閑倚繡簾
吹柳絮日高深院斷無人

代應

本來銀漢是紅牆隔得盧家白玉堂誰與王昌
報消息盡知三十六鴛鴦

楚吟

山上離宮官上樓樓前官畔暮江流楚天長短
黃昏兩宋玉無愁亦自愁

龍池

龍池賜酒敞雲屏羯鼓聲高衆樂停夜半宴歸
宮漏永薛王沉醉壽王醒

淚

永巷長年怨綺羅離情終日思風波湘江竹上
痕無限峴首碑前灑幾多人去紫臺秋入塞兵
殘楚帳夜聞歌朝來灞水橋邊問未抵青袍送

王珂

即日

地寬樓已過人更過於樓細意經春物傷醒屬
暮愁望賒殊易斷恨久欲難收大執真無利多
情豈自由空垣兼樹廢敗港擁花流書去青楓
驛鴻歸杜若洲單棲應分定辭疾索誰憂更替
林鴉恨驚頻去不休

水天閑話舊事

月姊曾逢下彩蟾傾城消息隔重簾已聞珮響
知腰細更辨絃聲覺指纖暮雨自歸山峭峭秋
河不動夜耿耿王昌且在牆東住未必金堂得
免嫌

漢宮詞

青雀西飛竟未迴君王長在集靈臺侍臣最有
相如渴不賜金莖露一盃

席上作

一云子為桂州從事故鄉
公出家妓今賦高唐詩

澹雲輕雨拂高唐玉殿秋來夜正長料得也應
憐宋玉一生唯事楚襄王

留贈畏之

時將赴職梓潼
遇朝朝三首

待得郎來月已低寒暄不道醉如泥五更又欲
向何處騎馬出門烏夜啼

馬嵬

海外徒聞更九州他生未卜此生休空聞虎旅
鳴宵柝無復雞人報曉籌此日六軍同駐馬當
時七夕笑牽牛如何四紀為天子不及盧家有
莫愁

離亭賦得折楊柳二首

暫憑樽酒送無膠莫損愁眉與細腰人世死前
唯有別春風爭擬惜長條
含煙惹露悔依依萬緒千條拂落暉為報行人
休盡折半留相送半迎歸

深宮

金殿銷香閉綺攏玉壺傳點咽銅龍狂飈不惜
羅陰薄清露偏知桂葉濃斑竹嶺邊無限淚夕
陽宮裏及時鐘豈知為雨為雲處祇有高唐十
二峯

李涉十五首

寄荆娘寫真

章華臺南莎草齊長河柳色連金堤青樓曠曉
曙光早梨花滿巷鶯新啼章臺玉顏年十六小
來能唱西梁曲教坊大使久知名郢上詞人歌

不足少年才子心相許
夜夜高唐夢雲雨五銖
香帳結同心三寸紅綵
替傳語綠池並戲雙鴛
鴛田田翠葉紅蓮香百
年恩愛兩相許一夕不
見生愁腸上清仙女微
遊伴欲從湘靈住河漢
只愁陵谷變人寰空歎
桑田歸海岸願分精魄
定形影永似銀壺挂金
井召得丹青絕世工寫
真與身真相同忽然相
對兩不語疑是粧成來
鏡中豈期人願天不違
雲駟却駐從山歸畫圖
封裏寄箱篋洞房艷艷
生光輝良人翻作東飛
翼却遣江頭問消息經
年不得一封書翠幕雲
屏遠空壁結客有少年
名揔身姓王征帆三千
里前月發豫章知我別
時言識我馬上郎恨無
羽翼飛使我徒怨滄波
長開篋取畫圖寄我形
影與客將如今憔悴不
相似恐君重見生悲傷
蒼梧九疑在何處斑斑
竹淚連瀟湘

與李渤新羅劍歌

我有神劍異人與暗中
往往精靈語識者知從
東海來來時一夜因風
雨長河臨曉北斗殘秋
水露背青螭寒昨夜大
梁城下宿不借蹀跖光
顏看刃邊颯颯塵沙缺
癩痕半是鮫龍血雷煥

張華久已無沉寃知向
何人說我有愛弟都九
江一條直氣今無雙青
光好去莫惆悵必斬長
鯨須少壯

六歎 只書兩首

綺羅香風翡翠車晴明
獨傍芙蓉渠上有雲鬢
洞仙女垂羅掩縠煙中
語風月頻驚桃李時滄
波久別鴛鴦侶欲傳一
扎孤飛翼山長水遠無
消息却鎖重門一院深
半夜空庭明月色
深院梧桐夾金井上有
轆轤青絲索美人清晝
汲寒泉寒泉欲上銀瓶
落落迢迢碧甃千餘尺
竟日倚欄空歎息惆悵
不來照明鏡却掩洞房
花寂寂

重過文上人院

南隨越鳥北燕鴻松月
三年別遠公無限心中
不平事一宵清話又成
空

潤州聽角

江城吹角水茫茫曲引
邊聲怨思長驚起暮天
沙上鴈海門斜去兩三
行

再宿武關

遠別秦城萬里遊亂山
高下出商州關門不鎖

寒溪水一夜潺潺送客愁

鷓鴣詞二首

湘江煙水深沙岸隔楓林何處鷓鴣飛日斜斑竹陰二女虛垂淚三閭枉自沉唯有鷓鴣啼獨傷行客心

越崗連越井越鳥更南飛何處鷓鴣啼夕煙東嶺歸嶺外行人少天涯北客稀鷓鴣啼別處相對淚霑衣

牧童詞

朝牧牛牧牛下江曲夜牧牛牧牛村谷荷蓑出林春雨細蘆管卧吹莎草綠亂插蓬蒿箭滿腰不怕猛虎欺黃犢

竹枝詞

荆門灘急水潺潺兩岸猿啼煙滿山渡頭年少應官去月落西陵望不還

巫峽雲開神女祠綠潭紅樹影參差不勞戍口初相問無義灘頭刺別離

石壁千重樹萬重白雲斜掩碧芙蓉昭君溪上年年月獨自嬋娟色最濃

十二峯頭月欲低空濤灘上子規啼孤舟一夜

東歸客泣向春風憶建溪

寄贈妓人

兩行客淚愁中落萬樹山花雨後殘君到揚州見挑葉為傳風雨過江難

唐彥謙十七首

柳

惹絆風光別有情世間誰敢鬪輕盈楚王江畔無端種餓損宮娥學不成

牡丹

真宰多情巧思新固將能事送殘春為雲為雨徒虛語傾國傾城不在人開日綺霞應失色落時青帝合傷神常娥娶女曾相送留下鵝黃作禁塵

春雨

綺陌夜來雨春樓寒望遠容迎燕戲亂響隔鶯啼有恨開蘭室無言對李蹊花歌渾拂檻柳重欲垂堤燈檠昏魚目薰爐咽麝臍別輕天北鶴夢怯汝南鷄入戶侵羅幌梢簷潤繡題新豐樹已失長信草初齊亂蝶寒猶舞驚鳥暝不栖庾郎盤馬地却怕有春泥

秋晚高樓

松拂疎窻竹映欄素琴幽怨不成彈清霄霽極
雲離岫紫禁風高露滿盤晚蝶飄零經宿雨暮
鴉凌亂報秋寒高樓瞪目歸鴻遠始信嵇康欲
盡難

寄難八

上已接寒食鶯花寥落辰微微潑火雨草草踏
青人涼似三秋景清無九陌塵伯輿同病者對
此合傷神

長溪秋望

柳暗沙長溪水流兩微煙暝立溪頭寒鴉閃閃
前山遠杜曲黃昏獨自愁一作短

離鷺

聞道離鷺思故鄉也知情願嫁王昌塵埃一別
揚朱路風月三年宋玉墻下疾不成雙點淚斷
多難到九迴腸庭前佳樹名梔子試結同心寄
謝娘

曲江春望

杏艷桃嬌奪晚霞樂遊無廟有年華漢朝冠蓋
皆陵墓十里宜春下苑花

柳

春思春愁一萬枝遠村遙岸寄相思西園有雨
和苔長南內無人拂檻垂遊客寂寥絨遠恨暮
鶯啼叫惜芳時晚來飛絮如霜鬢恐為多情管
別離

春陰

一寸迴腸百慮侵旅愁危涕兩爭禁天涯已有
銷魂別樓上寧無擁鼻吟感事不關河裏笛傷
心應倍雍門琴春雲更覺愁於我閑蓋低村作
暝陰

春深獨行馬上有作

日烈風高野草香百花狼籍柳披猖連天瑞靄
千門遠夾道新陰九陌長衆飲不懽逃席酒獨
行無味放游韉年來與問閑遊者若箇傷春向
路傍

寄蔣二十四

鳥嚙蜂飛日漸長旅人情味悔思量禪門澹泊
無心地世事生疎欲面墻二月雲煙迷柳色九
衢風土帶花香大知高士禁愁寂試倚欄干莫
斷腸

漢代

漢代金為屋吳宮綺作寮艷詞傳靜婉新曲定
嬌鏡箭響猶殘夢籤聲報早朝鮮明臨曉日迴
轉度春宵半袖籠清鏡前絲壓翠翹靜多如有
待開極似無膠梓澤花猶滿靈和柳未彫障昏
巫峽雨屏掩浙江潮未信潘名岳應疑史姓蕭
漏因歌暫斷燈為雨頻挑飲酒闌三雅投壺賽
百嬌鈿蟬新翅重金鴨舊香焦水淨疑澄練霞
孤欲建標別隨秦柱促愁為蜀玄么玄晏難瘳
痺臨叩但發齋聯詩徵弱絮思友詠甘蔗王氏
憐諸謝周郎定小喬黼幃翹綵雉波扇盡文鯨
苻密妨垂釣荷歌欲渡橋不因衣帶水誰覺路
迢迢

春殘

景為春時短愁隨別夜長暫暮寧號隱輕醉不
成鄉風雨曾通夕莓苔有眾芳落花如便去樓
上即河梁

小院

小院無人夜煙斜月轉明清宵易惆悵不必有
離情

寄懷

有客傷春復怨離夕陽亭畔草青時淚隨紅蠟
無由制腸比朱絃恐更危梅向好風唯是笑柳
因微雨不勝垂雙溪未去饒歸夢夜夜孤眠枕
獨歎

玫瑰

麝炷騰清燂鮫紗覆綠蒙宮粧臨曉日錦段落
東風無力春煙裏多愁暮雨中不知何事意深
淺兩般紅

才調集卷第六

才調集卷第七

古律雜歌詩一百首

李宣古一首

聽蜀道士琴歌

至道不可見正聲難得聞
 忽逢羽客抱綠綺西
 別峨峩峩峯頂雲初排
 面躡輕響似擲細珠鳴
 玉上忽揮素爪畫七絃
 蒼崖劈烈迸碎泉憤聲
 高怨聲咽屈原叫天兩
 妃絕朝雉飛雙鶴離屬
 玉夜啼獨鶯悲吹我神
 飛碧霄裏牽我心靈入
 秋水有如驅逐太古來
 邪淫辟蕩貞心開孝為
 子忠為臣不獨語言能
 教人前弄嘯後弄嘖一
 舒一慘非冬春從朝至
 暮聽不足相將直說瀛
 洲宿更深彈罷背孤燈
 認雪蕭蕭打寒竹人間
 豈合值仙蹤此別多應
 不再逢抱琴却上瀛洲
 去一片白雲千萬峯

王煥十三首

惆悵詩

八蠶薄絮鴛鴦綺半夜
 佳期並枕眠鐘動紅娘
 喚歸去對人勻淚拾金
 鈿
 李夫人病已經秋漢武
 看來不舉頭得所濃華

銷歇盡楚魂湘血一生休

謝家池館花籠月蕭寺房廊竹颭風夜半酒醒

憑檻立所思多在別離中

隋師戰艦欲亡陳國破應難保此身訣別徐郎

淚如雨鑑鸞分後屬何人

七夕瓊筵隨事陳蓼花連蒂共傷神蜀王殿裏

三更月不見驪山私語人

夜寒春病不勝懷玉瘦花啼萬事乖薄倖檀郎

斷芳信驚嗟猶夢合歡鞋

嗚咽離聲管吹秋妾身今日為君休齊奴不說

平生事忍看花枝謝玉樓

青絲一路墮雲鬢金剪刀鳴不忍看持謝君王

寄幽怨可能從此住人間

陳宮興廢事難期三閣空餘綠草基狎客淪亡

麗華死他年江令獨來時

晨攀重來路已迷碧桃花榭武陵溪山目斷

無尋處流水潺湲日漸西

少卿降北子卿還朔野離觴慘別顏却到茂陵

唯一慟節毛零落鬢毛斑

夢裏分明入漢宮覺來燈背錦屏空紫臺月落

關山曉腸斷君恩信盡工

悼亡

春來得病夏來加深掩粧窻卧碧紗為怯暗藏
秦女扇怕驚愁度阿香車腰肢暗想風欺柳粉
態難忘露洗花今日青門葬君處亂蟬衰草夕
陽斜

岑參四首

苜蓿峯寄家人

苜蓿峯邊逢立春胡蘆河上泪沾巾閨中占是
空相憶不見沙場愁殺人

王關寄長安主簿

東去長沙萬里餘故人何惜一行書王關西望
腸堪斷况復明朝是歲除

送入京使

故園東望路漫漫雙袖龍鐘淚不乾馬上相逢
無紙筆憑君傳語報平安

春夢

洞房昨夜春風起遙憶美人湘江水枕上片時
春夢中行盡江南數千里

賈曾一首

有所思

洛陽城東桃李花飛來飛去落誰家幽閨女兒
愛顏色坐見落花長歎息今歲花開君不待明
年花開復誰在故人共洛陽東今來空對落
花風年年歲歲花相似歲歲年年人不同

許渾二十首

金谷園桃花

花在舞樓空年年一番紅波光停曉露愁態倚
春風開日妾先死落時君亦終東流三兩片應
到夜泉中

洛陽道中

洛陽多舊跡一日幾人愁風起禁花晚月明宮
樹秋興亡不可問自古水東流

塞下曲

夜戰桑乾雪秦兵半不歸朝來有鄉信猶自寄
征衣

放棹

殷勤解金鎖別夜雨淒淒山淺憶巫峽水寒思
建溪遠尋紅樹宿深入白雲啼好覓南歸路煙
蘿莫自迷

郊園秋日寄洛中友人

楚水西來天際流，感時傷別思悠悠。
一罇酒盡青山暮，千里書迴碧樹秋。
日落遠波驚宿鴈，風吹輕浪起眠鷗。
嵩陽親友誰相念，潘岳閑居欲白頭。

春望

南樓春一望，雲水共昏昏。
野店歸山路，危橋帶郭村。
晴煙和柳色，夜雨漲溪痕。
下岸誰家住，殘陽半掩門。

穎州從事西湖亭讌餞

西湖清讌不知迴，一曲離歌酒一盃。
城帶夕陽聞鼓角，寺臨秋水見樓臺。
蘭堂客醉蟬猶噪，桂楫人稀鳥自來。
獨想征帆去，鞏洛此中霜菊正花開。

南遊泊船江驛

漠漠故宮地，月涼雲水幽。
鷄鳴荒戍曉，鴈過古城秋。
楊柳北歸路，蒹葭南渡舟。
去鄉今已遠，更上望京樓。

經段太尉廟

徒想追兵緩翠華，古碑荒廟閉松花。
紀生不向

滎陽死，可有山河屬漢家。

寓懷

南國浣紗伴，盈盈天下姝。
盤金明繡帶，動珮響羅襦。
素手怨瑤瑟，清心悲玉壺。
春花坐搖落，單忍嫁狂夫。

題潼關西蘭若

東往幾經過，前山枕大河。
遠帆春水闊，高寺夕陽多。
蝶影下紅藥，鳥聲喧綠蘿。
故鄉歸未得，徒詠採芝歌。

虞元長者永興公之後，工書屬文近從軍河中，奉使宣歙，因贈

軍河中奉使宣歙因贈

吳門風水各萍流，月滿花開懶獨遊。
萬里山川分曉夢，四隣歌管送春愁。
昔年顧我長青眼，今日逢君已白頭。
莫向樽前悲易水，古來投筆盡封侯。

凌歊臺

宋祖凌高樂未回，三千歌舞宿層臺。
湘潭潭雲盡暮山，出巴蜀雪消春水來。
行殿有基荒薺合，寢園無主野棠開。
百年便作萬年計，巖畔古碑空綠苔。

咸陽城東樓

一上高城萬里愁，
兼葭楊柳似汀洲。
雲初起日沉閣，
山雨欲來風滿樓。
鳥下綠蕪秦苑夕，
蟬鳴黃葉漢宮秋。
行人莫問當年事，
故國東來渭水流。

一作行人莫問當年事，故國東來渭水流。

姑熟官舍

草生官舍似閑居，
雪照南窓滿素書。
貧後始知為吏拙，
病來還喜識人疎。
青雲豈有窺梁燕，
濁水應無避釣魚。
不待秋風便歸去，
紫陽山下是吾廬。

凌歊臺送韋秀才

雲起高臺日未沉，
數村殘照半巖陰。
野蠶成繭桑柘盡，
溪鳥引雛蒲稗深。
帆勢依依投極浦，
鐘聲杳杳隔前林。
故山迢遞故人去，
一夜月明千里心。

南庭夜坐胎開元禪定二道者

暮暮焚香何處宿，
西巖一室映疎藤。
光陰難駐跡如客，
寒暑不驚心是僧。
高樹有風聞夜磬，
遠山無月見秋燈。
身閑境靜日為樂，
若問自餘非我能。

秋日早朝

宵衣應待絕更籌，
環珮鏘鏘月下樓。
井轉轆轤千樹曉，
鎖開閨闔萬山秋。
龍旗盡列趨金殿，
雉扇纔分拜玉旒。
虛戴鐵冠無一事，
滄江歸去老漁舟。

題勤尊師歷陽山居

師即思齊之孫，
項為故相國蕭公錄用。
相國致政尊師亦自邊將入道，
因贈是詩。

二十知兵在羽林，
中年潛識子房心。
蒼鷹出塞胡塵滅，
靜一作白鶴還鄉楚水深。
春坼酒瓶浮藥氣，
晚攜碁局帶松陰。
雞籠山上雲多處，
自斲黃精不可尋。

淮陰阻風寄楚州韋中丞

垂釣京江欲白頭，
江魚堪釣却西游。
劉伶臺下稻花晚，
韓信廟前楓葉秋。
淮月未明先倚檻，
海雲初起更維舟。
河橋有酒無人醉，
獨上高城望庾樓。

油蔚一首

贈別營妓卿卿

憐君無那是多情，
枕上相看直到明。
日照綠牕

時為津南幕職來使塞北

人去住鴉啼紅粉淚蹤橫愁腸只向金閨斷白髮應從玉塞生為報花時少惆悵此生終不負卿卿

張祐七首

觀杭州柘枝

舞停歌罷鼓連催軟骨纖蛾暫起來紅罨畫衫纏腕出碧排方胯背腰來傍收拍拍金鈴擺却踏聲聲錦砌推看着遍頭香袖摺粉屏香怕又重隈

周負外席上觀柘枝

畫鼓拖環錦臂攘小娥雙換舞衣裳金縷霞霧紅衫薄銀蔓垂花紫帶長鸞影乍迴頭對舉鳳聲初歇翅齊張一時歛腕招殘拍斜斂輕身拜玉郎

觀楊媛柘枝

促疊蠻鬟引柘枝卷簷虛帽帶文垂紫羅衫宛躡身處紅錦靴柔踏節時微動翠蛾拋舊態緩遮檀口唱新詞看看舞罷輕雲起却赴襄王夢裏期

感王將軍柘枝妓歿

寂寞春風舊柘枝美人休舞曲停吹鴛鴦鈿帶拋何處孔雀羅衫付阿誰畫鼓不聞招節拍錦靴虛想挫腰肢今來座上翻如醉曾見梨園教微時

貴家郎

二十便封侯名居第一流綠鬢深小院清管下高樓醉把金船擲閑敲玉鐙遊帶盤紅鼯鼠袍研紫犀牛碧瓦坊牆上朱橋柳巷頭眼前長少貴那信有春愁

病宮人

佳人卧病動經秋簾幕繾繾不掛鈎四體強扶藤夾牀雙鬢慵插玉搔頭花顏有幸君王問藥餌無徵待詔愁惆悵近來銷瘦盡淚珠時傍枕函流

來鵬二首

宛陵送李明府罷任歸江州

菊花村晚鴈來天共把離盃向水邊官滿便尋垂釣侶家貧已用賣琴錢浪生盆浦千層雪雲起爐峯一炷煙儻見吾鄉舊知己為言憔悴過年年

清明日與友人遊玉塘莊

幾宿春山逐陸郎
清明時節好風光
歸穿綠荇船頭滑
醉踏殘花屐齒香
風急嶺雲飄迥野
雨餘田水落方塘
不堪吟罷東回首
滿耳蛙聲正夕陽

施肩吾四首

夜宴詞

蘭缸如晝買不眠
玉堂夜起沉香煙
青娥一行十二仙
欲笑不笑桃花然
碧牕弄嬌粧洗晚
戶外不知銀漢轉
被郎嗔罰琉璃盞
酒入四支紅玉軟

効古詞

姊妹無多兄弟少
舉家鍾愛年最小
有時繞樹山鵲飛
貪看不得畫眉了

山中得劉秀才京書

自笑家窮客到踈
滿庭煙草不能鋤
今朝誰料三千里
忽得劉京一紙書

望夫詞

手藝寒燈向影頻
回文機上暗生塵
自家夫婿無消息
却恨橋頭賣卜人

劉得仁一首

悲老宮人

白髮宮娃不解悲
滿頭猶自插花枝
曾緣玉貌君王寵
準擬人看似舊時

高軒四首

步虛詞

青溪道士人不識
上天下地鶴一隻
洞門深鎖碧牕寒
滴露研朱點周易

寫懷二首

漁竿消日酒消愁
一醉忘情萬事休
却恨韓彭興漢室
功成不向五湖遊

花滿西園月滿池
笙歌搖曳盡船移
如今暗與心相約
不動征旗動酒旗

風箏

夜靜弦聲響碧空
宮商信任往來風
依稀似曲纔堪聽
又被風吹別調中

李端一首

代弃婦荅賈客

玉疊城邊爭走馬
銅堤市裏共乘舟
鳴環動珮恩能盡
掩袖低巾淚不流
疇昔將歌邀客醉
如今

今欲舞對君羞忍懷賤妾不生好獨上襄陽舊酒樓

趙嘏十一首

長安秋望

雲物凄清拂曙流漢家官闕動高秋殘星幾點鴈橫塞長笛一聲人倚樓紫艷半開籬菊靜紅衣落盡渚蓮愁鱸魚正美不歸去空戴南冠學楚囚

長安月夜與友生話故山

宅邊秋水浸苔磯日日持竿去不歸楊柳風多潮未落蒹葭葭霜在鴈初飛重嘶匹馬吟紅葉却聽疎鐘憶翠微今夜秦城滿樓月故人相見一沾衣

汾上宴別

雲物如故鄉山川知異路年來未歸客馬上春色暮一罇花下酒殘日水西樹不待管絃終搖鞭背花去

曲江春望懷江南故人

杜若洲邊人未歸水寒煙暖想柴扉故園何處風吹柳一鴈南來雪滿衣目極思隨原草遍浪

高書到海門稀此時愁望情多少萬里春流遶釣磯

自遣

晚樹疎蟬起別愁遠人回首憶滄洲江連故國無窮恨日帶殘雲一片秋夕客轉諳時態薄多情只共酒淹留到頭生長煙霞者須向煙霞老始休

新月

王鈞斜傍畫簷生雲匣初開一寸明何事最能傷少婦夜來依約落邊城

東望

楚江橫在草堂前楊柳洲邊載酒船兩見梨花歸不得每逢寒食一潸然斜陽映閣山當寺微綠含風樹滿川同郡故人羣桂盡把詩吟向沈寥天

寄歸

三年踏盡化衣塵只見長戈不見春馬過雪街天未曙客迷關路淚空頻一作鄉迷雲桃花塢接啼猿寺野竹亭通畫鷁津早晚粗酬身事了水邊歸去一閑人

寒食新曹別友人

一百五日家未歸新豐雞犬獨依依滿樓春色
傍人醉半夜雨聲前計非繚繞溝塍含綠晚荒
涼樹石向川微東風吹淚對花落顛顛故交相
見稀

感懷

獨上江樓思眇然月光如水水如天一作連天同來
看月人何在風景依稀似去人

茅山道中

煙樹重重水亂流馬嘶殘雨晚程秋門前便是
仙山路目送歸鴻不得遊

朱絳一首

春女怨

獨坐紗牕刺繡時紫荊花下轉黃鸝欲知無限
傷春意盡在停針不語時

姚倫一首

感秋

試向疎林望方知節候殊亂聲千葉下寒影一
巢孤不蔽秋天鴈驚飛夜月烏霜風與春日幾
度遺榮枯

劉方平二首

秋夜泛舟

林塘夜泛舟蟲響荻颺颺萬影皆因月千聲各
為秋歲華空復晚鄉思不堪愁西北浮雲外伊
山何處流

春怨

紗牕日落漸黃昏金屋無人見淚痕寂寞開庭
春欲晚梨花滿院不開門

陳羽一首

長安卧病秋夜言懷

九重門鎖禁城秋月過南宮漸映樓紫陌夜深
槐露滴碧空雲盡火星流風清刻漏傳三殿甲
第歌鍾樂五侯楚客病來鄉思苦寂寥燈下不
勝愁

薛能三首

遊嘉州後溪

山屐經過落選蹤隔溪遙見夕陽春當時諸葛
成何事只合終身作卧龍

老圃堂

邵平瓜地接吾廬穀雨乾時偶自鋤昨日春風

欺不在就床吹落讀殘書

銅雀臺

魏帝當時銅雀臺黃花深映棘叢開人生富貴須回首此地豈無歌舞來

李郢一首

江上逢王將軍

虬鬚憔悴羽林郎曾入甘泉侍武皇鵬沒夜雲知御苑馬隨春仗識天香五湖歸去孤舟月六國平來兩鬢霜惟有栢伊江上笛卧吹三弄送殘陽

薛逢二首

開元後樂

莫奏開元舊樂章樂中高曲斷人腸邠王玉笛三更咽虢國金車十里香一自犬戎生薊北便從征戰老汾陽中原駿馬搜求盡沙苑年來草又芳

漢武宮詞

武帝清齋夜築壇自斟明水醮仙官殿前童女移香案庭除金人捧露盤絳節有時還入夢碧桃何處更駉鸞茂陵煙雨埋冠劍石馬無聲蔓

草寒

崔塗一首

讀庾信集

四朝十帝盡風流建業長安兩醉遊唯有一篇楊柳曲江南江北為君愁

項斯一首

蒼梧雲氣

何年化作愁漠漠便難收數點山能遠年鋪水不流濕連湘竹暮濃蓋舜墳秋亦有思歸客看來盡白頭

崔峒一首

江上書懷

骨肉天涯別江山日落時淚流襟上血髮白鏡中絲胡越書難到存亡夢豈知登高迴首罷形影自相隨

李宣遠一首

塞下作

秋日并州路黃榆落故關孤城吹角罷數騎射鵬還帳幕遙臨水牛羊自下山征人正垂淚烽火起雲間

陶翰二首

古塞下曲

進軍飛狐北窮寇勢將變日落沙塵昏背河更
一戰驛馬黃金勒雕弓白羽箭射殺左賢王歸
奏未央殿欲言塞下事天子不詔見西出咸陽
門哀哀淚如霰

新安江林

江源南去永野飯暫維稍古戍懸漁網空林露
鳥巢雪晴山脊見沙淺浪痕交自笑無謀者逢
人作解嘲

温憲三首

春鳩

村南微雨新平綠淨無塵散睡桑條暖閑鳴屋
脊春遠聞和曉夢相應在諸隣行樂花時節追
飛見亦頻

郊居

村前村後樹寓賞有餘情青麥路初斷紫花田
未耕雉聲聞不到山勢望猶橫寂寞春風裏吟
酣信馬行

杏花

園雪上晴稍紅明映碧寒店香風起夜村白雨
休朝靜落猶和蒂繁開正蔽條澹然開賞又無
以 妖嬈

李頻六首

湖口送友人

中流欲暮見湘烟葦岸無窮接楚天去雁遠衝
雲夢雪離人獨上洞庭船風波盡日依山轉星
漢通宵向水連零落梅花過殘臘故園歸去醉
新年

送友人往太原

離人聊把酒此路徹邊頭草白鴈來盡時清人
去遊汾河流晉地塞雪滿并州明日相思起蕭
條上北樓

寄遠

槐欲成陰分袂時君期十日復金扉槐今落葉
已將盡君向遠鄉猶未歸化石早曾聞節婦沉
相何必獨靈妃須知此意同生死不學他人空
寄衣

鄂州頭陀寺上方

高寺上方無不見天涯行客思迢迢西江帆挂

東風急夏口城街楚塞遙沙渚漁歸多濕網桑
林蠶後盡空條感時歎物尋僧語誰向禪心得
寂寥

辭夏口崔尚書

一飯仍難受淹留已半年終期身可報不擬骨
空鑄城晚風高角江春浪起船曾同栖止地獨
去塞鴻前

古意

白馬遊何處青樓日正長鳳簫拋舊曲鸞鏡嬾
新粧玄鳥空巢語飛花入戶香雖非寶滔婦錦
字已成章

王駕一首

古意

夫戍蕭關妾在吳西風吹妾妾憂夫一行書信
千行淚寒到君邊不到無

于鵠三首

送客遊塞

若到并州北誰人不憶家塞深無去伴路盡有
平沙磧冷唯逢鴈天春不見花莫隨邊將意垂
老事輕車

江南曲

偶向江邊採白蘋閑隨女伴賽江神衆中不敢
分明語暗擲金錢卜遠人

題美人

秦女窺人不解羞攀花趁蝶出牆頭臂前空帶
宜男草嫁得蕭郎愛遠遊

徐寅一首

初夏戲題

長菴薰風拂曉吹斬開荷芰落薔薇青蟲也學
莊周夢化作南園蛟蝶飛

才調集卷第七

才調集卷第八

古律雜歌詩一百首

羅隱十七首

偶懷

白丁攘臂犯長安翠輦蒼黃路屈盤丹鳳有懷
雲外遠王龍無主渡頭寒靜思貴族謀身易危
覺文皇創業難不將不侯何計是釣魚船上淚
闌干

桃花

暖觸衣襟漠漠香間梅遮柳不勝芳數枝艷拂
文君酒半里紅歌宋玉墻盡日無人疑怨望有
時經雨乍淒涼舊山山下還如此回首東風一
斷腸

中夜夜泊淮口

木葉迎颺水面平偶停孤棹已三更秋涼霧露
侵燈下夜靜魚龍逼岸行歌枕正牽題柱思隔
櫻誰轉遠梁聲錦帆天子狂魂魄應過揚州看
月明

所思

西指青雲未有期東歸滄海一何遲酒闌夢覺

不稱意花落月明空所思長恐病侵多事日可
堪貧過少年時鬪雞走狗五陵道惆悵輸他輕
薄兒

梅花

吳王醉處十餘里照野拂衣今正繁經雨不隨
山鳥散倚風疑共路人言愁憐粉艷飄歌席靜
愛寒香撲酒罇欲寄所思無好信為君惆悵又
黃昏

登夏州城樓

寒城獵獵戍旗風獨倚危欄悵望中萬里山川
唐土地千年魂魄晉英雄離心不忍聽邊馬往
事應須問塞鴻好脫儒冠從校尉一枝長戟六
鈞弓

曲江春感

江頭日暖花又開江東行客心悠哉高陽酒徒
半零落終南山色空崔嵬聖代也知無棄物侯
門未必用非才一船明月一竿竹家在五湖歸
去來

西川與蔡十九同別子超

相歡雖則不多時相別那能不斂眉蜀客賦高

君解愛楚官腰細我還知百年恩愛無終始萬里因緣有夢思腸斷門前舊行處不堪全屬五陵兒

春日題禪智寺

樹遠連天水接空幾年行樂舊隋宮花開花謝長如此人去人來自不同楚鳳調高何處酒吳牛蹄健滿車風思量只合騰騰醉煮海平陳盡夢中

綿谷迴寄蔡氏昆仲

一年兩度錦城遊前值東風後值秋芳草有情皆礙馬好雲無處不遮樓山將別恨和心斷水帶離聲入夢流今日不堪迴首望古煙高木隔綿州

憶夏口

漢江渡口蘭為舟漢江城下多酒樓芳年不得盡一醉別夢有時還重遊襟帶可憐吞楚塞風煙只好狎江鷗月明更想曾行處吹笛橋邊木葉秋

龍丘東下却寄孫負外

殺江東下幾多程每泊孤舟即有情山色已隨

游子遠水紋猶認主人清恩如海岳何時報恨似煙花觸處生百尺風帆兩行淚不堪迴首望嶂巖

金陵夜泊

冷煙輕淡傍衰叢此夕秦淮駐斷蓬栖馬遠驚沽酒火亂鴉高避落帆風地銷王氣波聲急山帶秋陰樹影空數代精靈人不見思量應在月明中

寄前宣州竇尚書

往年西謁謝玄暉酒留歡醉始歸曲檻柳濃鶯未老小園花煖蝶初飛噴香瑞獸金三尺舞雪佳人玉一圍今日亂離尋不得滿蓑風雨釣漁磯

牡丹

艷多煙重欲開難紅藥當心一抹檀公子醉歸燈下見美人朝挿鏡中看當庭始覺春風貴帶雨方知國色寒日晚更將何所似太真無力凭欄干

柳

灞岸晴來送別頻相偎相倚不勝春自家飛絮

猶無定爭解垂絲絆得人

煬帝陵

入郭登橋出郭船紅樓日日柳年年君王忍把
平陳業只博雷塘數畝田

李頎一首

放歌行答從弟墨卿

小來好文耻學武世上功名不解取雖沽寸祿
已後時徒欲出身事明主拍梁賦詩不及宴長
楸走馬誰相數歛迹倦眉心甘高歌擊節聲
半苦由是蹉跎一老夫養雞牧豕東城隅空歌
漢代蕭相國肯事霍家馮子都徒爾當年聲籍
籍濫作詞林兩京客故人斗酒安陵橋黃鳥春
風洛陽陌吾家令弟才不羈五言破的人共推
興來逸氣如濤湧千里長江歸海時別離短景
何蕭索佳句相思能間作舉頭遙望魯陽山木
葉紛紛向人落

崔顥一首

黃鶴樓

昔人已乘白雲去此地空作黃鶴樓黃鶴一去
不復返白雲千載空悠悠晴川歷歷漢陽樹春

草萋萋鸚鵡洲日暮鄉關何處是煙波江上使
人愁

于武陵九首

夜與故人別

白日去難駐故人非舊容今宵一別後何處更
相逢過楚水千里到秦山幾重話來天未曉月
落滿城鐘

洛陽道

浮世若浮雲千迴故復新旋添青草塚更有白
頭人歲暮客將老雲晴山欲春行行車馬客不
盡洛陽塵

別友人

行子與秋葉各隨南北風雖非千里別還阻一
歡同過盡少年日尚如長路蓬猶為布衣客羞
入故關中

寄北客

窮邊足風慘何處醉樓臺家去幾千里月圓十
二迴寒阡隨日遠雪路向城開遊子久無信年
年空鴈來

洛陽晴望

九陌盡風塵
囂囂晝復昏
古今人不
斷南北路
長存葉落
上陽樹
草衰金谷
園亂鴉來
未已殘
日半前軒

東門路

東門車馬路
此路有浮沉
白日不西
落紅塵應
更深從來
名利地皆
起是非心
所以青青
草年年生
漢陰

長信愁

簾涼秋夜
初長信恨
何如拂黛
月生指理
鬢雲滿梳
一從悲盡
扇幾度泣
前魚坐聽
南宮樂清
風搖翠裾

有感

青山長寂寞
南望獨高歌
四海故人盡
九原青冢多
西沉浮世日
東注逝川波
不使年華駐
此生看幾何

勸酒

勸君金屈卮
滿酌不須辭
花發多風雨
人生足別離

李涉一首

山中

無柰牧童何
放牛喫我竹
隔林呼不應
叫笑如生鹿
欲報田舍翁
更深不歸屋

戎昱四首

中秋感懷

八月更漏長
愁人起常早
閉門寂無事
滿院生秋草
昨宵北牕夢
夢入荆南道
遠客歸去來
在家貧亦好

聞笛

入夜思歸切
笛聲寒更哀
愁人不願聽
自到枕前來
風起塞雲斷
夜深關月開
平明獨惆悵
飛盡一庭梅

客堂秋夕

隔牕螢影滅
復流北風微
雨虛堂秋蟲
聲竟夜引鄉
淚蟋蟀何自
知人愁四時
不得一日樂
以此方知客
遊惡寂寂江
城無所聞
梧桐葉上偏
蕭索

霽雪

風捲殘雲暮
雪晴江煙洗
盡柳條輕
簷前幾片無人掃
又得書牕一夜明

韓琮六首

春愁

金鳥長飛王兔走青鬢長青古無有秦娥十六
語如弦未解貪花惜楊柳吳魚嶺鴈無消息水
蘭情別來久勸君年少莫遊春暖風遲日濃
於酒

暮春滄水送別

綠暗紅稀出鳳城暮雲樓閣古今情行人莫聽
宮前水流盡年光是此聲

駱谷晚望

秦川如畫渭如去國還家一望時公子王孫
莫來好嶺花多是斷腸枝

公子行

紫袖長衫色銀蟬半臂花帶裝盤水玉鞍繡坐
雲霞別殿承恩澤飛龍賜渥注控羅青襄響鏤
象碧重葩意氣頌歌舞闌珊走鈿車袖彰雲縹
緲釵轉鳳歌斜珠卷迎歸箔紅籠冕醉紗唯無
難夜日不得似仙家

二月二日遊洛原

舊苑新晴草似苔人還香在踏青迴今朝此地
成惆悵已後逢春更莫來

題商山店

商山驛路幾經過未到仙娥見謝娥紅錦機頭
拋皓腕綠雲鬢下送橫波佯嗔阿母留賓客暗
為王孫換綺羅碧澗門前一條水豈知平地有
天河

李德裕一首

長安秋夜

內官傳詔問戎機載筆金鑿夜始歸萬戶千門
皆寂寂月中清露點朝衣

高蟾二首

下第後上永崇高侍郎

天上碧桃和露種日邊紅杏倚雲栽芙蓉生在
秋江上不向東風怨未開

金陵晚眺

曾伴浮雲歸晚翠旋陪落日泛秋聲世間無限
丹青手一片傷心畫不成

高適二首

封丘作

我本漁樵孟諸野一生自是悠悠者乍事狂歌
草澤中寧堪作吏風塵下祇言小邑無所為公

門百事皆有期拜迎官長心欲破鞭撻黎庶令人悲悲來向家問妻子舉家盡笑今如此生事應須南畝田世情付與東流水夢想舊山安在哉為街君命日遲回乃知梅福徒為爾轉憶陶潛歸去來

九月九日酬顏少府

簷前白日應可惜籬下黃花為誰有行子迎霜未授衣主人得錢喜沽酒蘇秦顛顛時多厭蔡澤恹惶世者醜縱使登高抵斷腸不如獨坐空搔首

朱慶餘一首

惆悵詩

夢裏分明入漢宮覺來燈背錦屏空紫臺日落關山曉腸斷君恩信盡工

曹松三首

長安春日書事

浩浩看花晨六街揚遠塵塵中一丈日誰是晏眠人御柳舞著水野鶯啼破春徒云還楚計猶自惜離秦

九江暮春書事

揚柳城初鎖歸愁不記重春流無舊岸夜色失諸峯影動漁邊火聲遲語後鐘明朝迴去鴈誰向北郊逢

古塚

代遠已難問纍纍次古城民田侵不盡客路踏還平作穴地分蟄依岡鹿遠行唯應風雨夕鬼火出林明

錢起一首

闕下贈裴舍人

春城紫陌曉陰陰二月黃鸝飛上林長樂鐘聲花外盡龍池柳色雨中深陽和不散窮途恨霄漢長懸捧日心獻賦十年猶未遇羞將白髮對華簪

羅鄴九首

牡丹

落盡春紅始見花花時比屋事豪奢買栽池館恐無地看到子孫能幾家門倚長衢攢綉轂輕籠輕日護香霞歌鍾對此爭歡賞誰信流年鬢有華

巴南旅舍言懷

萬浪千巖首未回無慘相倚上高臺家山如畫
不歸去客舍似讎誰遣來紅淚罷窺連曉燭碧
波休引向風盃後時若有青雲望何事偏教羽
翼

下第呈友人

清世誰能便陸沉相逢休作憶山吟若教仙桂
在平地更有何人肯苦心去國漢妃還似玉亡
家石氏豈無金且安懷抱莫惆悵瑤瑟調高罇
酒深

登凌歊臺

高臺今古境長閑因想興亡自慘顏四海已歸
新雨露六朝空謁舊江山槎翹獨鳥沙汀畔風
迹連檣雪浪間好是輪蹄來往便誰人不向此
躋攀

下第

謾把青春酒一盃愁襟寧信灑能開江邊依舊
空歸去帝里還同不到來門掩殘陽唯鳥雀花
飛何處好池臺此時惆悵便堪老何用人間歲
月催

東歸

日日唯憂行役遲東歸可是有家歸都緣桂玉
無門住不筭山川去路非秦樹夢魂春鳥轉吳
江釣憶錦鱗肥桃夭杏艷清明近惆悵當年意
盡違

僕射陂晚望

離人到此倍堪傷陂水蘆花似故鄉身事未知
何日了馬蹄唯覺到秋忙田園牢落東歸晚道
路辛勤北去長却羨無愁是沙鳥雙雙相趁下
斜陽

芳草

廢苑牆南殘雨中似袍顏色正蒙茸微香暗惹
遊人步遠綠纜分關雉蹤三楚渡頭長恨見五
侯門外却難逢年年縱有春風便馬跡車輪一
萬重

聞子規

蜀魄千年尚怨誰聲聲啼血向花枝滿山明月
東風夜正是愁人不寐時

章竭一首

焚書坑

竹帛煙銷帝業虛關河空鎖祖龍居坑灰未冷

山東亂劉項元來不讀書

李益一首

同崔頌登鶴雀樓

鶴雀樓西百尺檣汀洲雲樹共茫茫漢家簫鼓
空流水魏國山河半夕陽事去千年猶恨速愁
來一日即為長風煙併是思歸望遠目非春亦

自傷

王昌齡三首

長信愁

奉帚平明秋殿開且將團扇共徘徊玉顏不及
寒鴉色猶帶昭陽日影來

採蓮

越女作桂舟還將桂為檝湖上水瀰漫清江初
可涉摘取芙蓉花莫摘芙蓉葉將歸問夫婿顏
色何如妾

閨怨

閨中少婦不曾愁春日凝粧上翠樓忽見陌頭
楊柳色悔教夫婿覓封侯

李嘉祐四首

贈別嚴士元

春風倚棹闔閭城水國春寒陰復晴細雨濕衣
看不見開花滿地落無聲日斜江上孤帆影草
綠湖南萬里情東道倘逢相識問青袍今日誤
儒生

起南巴留別褚七少府

種田南郭傍春池萬緒無情把釣綵綠竹放侵
行逕裏青山常對捲簾時紛紛花落門空閉寂
寂鶯啼日更遲從此別君千萬里白雲流水憶
佳期

送陸澧還吳中 六言

瓜步寒潮送客揚花暮雨沾衣故鄉南望何處
秋水連天獨歸

送王牧往吉州謁王史君

細草綠汀洲王孫柰薄遊年華初冠帶文體舊
弓裘野渡花爭發春塘水亂流使君憐小阮應
念倚門愁

鄭準四首

代寄邊人

君去不來久悠悠昏又明片心因卜解殘夢過
橋驚聖澤如垂餌沙場會息兵涼風當為我一

一送砧聲

題宛陵北樓

雨來風靜綠蕪鮮
凭看朱闌思浩然
人語獨耕燒後嶺
鳥飛斜沒望中煙
松梢半露藏雲寺
灘勢橫流出浦船
若遣謝宣城不死
必應吟盡夕陽川

雲

片片飛來靜又閑
樓頭江上復前山
飄零盡日不歸去
帖破清光萬里天

寄進士崔魯範

洛陽才子舊交知
別後干戈積詠思
百戰市朝千里夢
三年風月幾篇詩
山高鴈斷音書絕
谷背鶯寒變代遲
會待路寧歸得去
酒樓漁浦重相期

祖詠一首

七夕

閨女求天女更關
意未關玉庭開粉
席羅袖捧金盤
向月穿針易臨風
整線難不知誰得
巧明月試看看

吉師老四首

題春夢

故國歸路賒春晚
在天涯明月夜來
夢碧山秋到家開
牕聞落葉遠豎見
晴鴉驚起曉庭際
鶯啼桃花

看蜀女轉昭君變

妖姬未着石榴裙
自道家連錦水濱
檀口解知千載事
清詞堪嘆九秋文
翠眉頰趣楚邊月
畫卷開時塞外雲
說盡綺羅當日恨
昭君傳意向文君

放猿

放爾千山萬水身
野泉晴樹好為鄰
啼時莫向瀟湘岸
明月清風有旅人

鴛鴦

江島濛濛煙靄微
綠蕪深處刷毛衣
渡頭驚起一雙去
飛上文君舊錦機

盧弼七首

薄命妾

君思已斷盡成空
追想嬌歡恨其窮
長為薜花光曉日
誰知團扇送秋風
黃金買賦心徒切
清路飛塵信莫通
閑凭玉欄思舊事
幾回春暮泣

殘紅

聞鴈

秋風蕭瑟靜埃氛邊鴈迎風響咽羣瀚海應嫌
霜下早湘川偏愛草初薰蘆洲宿處依沙岸榆
塞飛時度晚雲何處最添羈客恨竹牕殘月酒
醒聞

秋夕寓居精舍書事

葉滿苔堦杵滿城此中多恨恨難平踈簷看織
蟬蛸網暗隙愁聽蟋蟀聲醉卧欲拋羈客思夢
歸偏動故鄉情覺來獨步長廊下半夜西風吹
月明

客李秀才邊庭四時怨

春

春風昨夜到榆關故國煙花想已殘少婦不知
歸不得朝朝應上望夫山

夏

盧龍塞外草初肥鴈乳平蕪曉不飛鄉國近來
音信斷至今猶自著寒衣

秋

八月霜飛柳變黃蓬根吹斷鴈南翔隴頭流水

關山月泣上龍堆望故鄉

冬

朔風吹雪透刀瘢飲馬長城窟更寒半夜火來
知有敵一時齊保賀蘭山

寶鞏一首

寄南遊兄弟

書來不報幾時還知在三湘五嶺間獨立衙門
秋水闊寒鴉飛去日銜山

韓偓五首

小隱

借得茅齋嶽麓西擬將身世老鋤犁清晨向市
煙含郭寒夜歸村月照溪爐為牕明僧偶坐松
因雪折鳥驚啼靈椿朝菌由來事却笑莊生始
欲齊

贈易卜崔江處士

白首窮經通秘義青山養老度危時門傳組綬
身能退家學樵漁跡更奇四海盡聞龜策妙九
霄堪嘆鶴書遲壺中日月將何用借與閑人試
一窺

殘春旅舍

旅舍殘春宿雨晴恍然心地憶咸京樹頭蜂抱
花鬚落池面魚吹柳絮行禪伏詩魔歸淨域酒
衝愁陣出奇兵兩梁免被塵埃污拂拭朝簪待
眼明

夜深

清江碧草兩悠悠各自風流一種愁正是落花
寒食兩夜深無伴倚空樓

寄鄰莊道侶

聞說經旬不啓關藥牕誰伴醉開顏夜來雪壓
前村竹刺見溪南數尺山

杜荀鶴八首

春宮怨

早被嬋娟誤欲粧臨鏡慵承恩不在貌教妾若
為容風暖鳥聲碎日高花影重年年越溪女相
憶採芙蓉

經九華費徵君墓

凡弔先生者多傷荆棘間不知三尺墓高却九
華山天地有何外子孫無亦閑當時若徵起未
必得身還

冬末同友人泛瀟湘

殘臘泛舟何處好最多吟興是瀟湘就船買得
魚偏美踏雪歸來酒倍香猿到夜深啼嶽麓鴈
知春近別衡陽與君剝採江山景裁取新詩入
帝鄉

山中寄詩友

山深長恨少同人覽景無時不憶君庭果自從
霜後熟野猿頻向屋邊聞琴臨秋水彈明月酒
就東山酌白雲仙桂筭攀攀合得平生心力盡
於文

溪興

山雨溪風卷釣絲瓦甌蓬底獨斟時醉來睡著
無人喚流下前灘也不知

馬上行

五里復五里去時無住時日將家漸遠猶恨馬
行遲

春日閑居寄先達

野吟何處最相宜春景暄和好入詩高下麥苗
新雨後淺深山色晚晴時半巖雲脚風牽斷平
野花枝鳥踏垂倒載干戈是何日近來麋鹿欲
相隨

旅館遇雨

月華星采坐來收
歡色江聲暗結愁
半夜燈前十年事
一時隨雨到心頭

張喬二首

荆楚道中

前程曾未到岐路
已奚為返照行人
急荒郊去馬遲春
宵多旅夢閨夏遠
相期處處牽愁緒
無窮是柳絲

遊終南山白鶴觀

上徹煉丹峯求玄
意未窮古壇青草
合往事白雲空仙
境日月外帝鄉煙
霧中人間足煩暑
欲去戀清風

崔曾一首

暮春對花

病香無力被風欺
多在青苔少在枝
馬上行人莫回首
斷君腸是欲殘時

才調集卷第八



才調集卷第九

古律雜歌詩一百首

劉商一首



秋夜聽嚴紳巴童唱竹枝歌

巴人遠從荆江客
回首荆山楚雲隔
思歸夜唱竹枝歌
庭槐葉落秋風多
曲中歷歷叙鄉思
鄉思綿綿楚詞古
身騎吳牛不畏虎
手提蓑笠欺風雨
猿啼日暮江岸邊
綠林連山水連天
來時十三今十五
一成新衣已再補
鴻鴈南飛報隣伍
在家歡樂辭家苦
天晴露白鐘漏遲
淚痕滿面看竹枝
曲終寒竹風裊裊
西方日落東方曉

長孫佐輔二首

尋山家

獨訪山家歇
逕涉茅屋斜
連隔松葉主人聞
語未開門繞籬野
菜飛黃蝶

南中客舍對雨送故人歸北

猿聲啾啾鴈聲苦
卷簾相對愁不語
幾年客吳君在楚
况送君歸我猶阻
家書作得不忍封
北風吹斷堦前雨

朱做二首

秣陵送客入京

秣陵春已至君去學歸鴻
綠水琴聲切青袍草色同
鳥喧金谷樹花滿夕陽宮
日日相思處江邊揚柳風

江上送別

浦邊新見柳搖時北客相逢只自悲
惆悵空知思後會艱難不敢料
前期行看漢月愁征戰共折江花
怨別離向夕孤城分首處寂寥橫笛
爲君吹

王表二首

清明日登城春望寄大夫使君

春城開望愛晴天何處風光不眼前
寒食花開千樹雪清明日出萬家煙
興來促席唯同舍醉後狂歌盡少年
聞說鴛啼却惆悵詩成不見謝臨川

成德樂

趙女乘春上畫樓一聲歌發滿城秋
無端更唱關山曲不是征人亦淚流

張安石二首

玉女詞

綺薦銀屏空積塵柳眉桃臉暗銷春
不須更學陽臺女爲雨爲雲趁惱人

苦別

向前不信別離苦而今自到別離處
兩行粉淚紅闌干一朶芙蓉帶殘露

張諤一首

還京

朱紱臨秦望皇華赴洛橋文章南渡越
書奏北歸朝樹入江雲盡城街海月遙
秋風將客思川上晚蕭蕭

于漬三首

古宴曲

雉扇合蓬萊朝車回紫陌重門集
嘶馬言宴金張宅燕娥奉卮酒低鬟若
無力十戶手胼胝鳳凰釵一隻高樓齊
下視日照羅衣色笑指負薪人不信生
中國

思歸引

不耕南畝田爲愛東堂桂身同樹上花
一落又經歲交親日相薄知己恩潛替
日開十二門自是無歸計

苦辛吟

龍上扶犁兒手種腹長飢窓下擲梭女手織身
無衣我願燕趙姝化為嫫母姿一笑不直錢自
然家國肥

胡曾九首

寒食都門作

一年寒食住京華寓目春風萬萬家金絡馬街
原上草玉顏人折路傍花軒車竟出紅塵外冠
蓋爭回白日斜誰念都門兩行淚故園寥落在
長沙

薄命妾

阿嬌初失漢皇恩舊賜羅衣亦罷熏歌枕夜悲
金屋雨卷簾朝泣玉樓雲官前葉落鴛鴦瓦架
上塵生翡翠裙龍騎不巡時漸久長門空掩綠
苔紋

獨不見

玉關一自有氛埃年少從軍竟未回門外塵凝
張樂榭水邊香滅按歌臺空殘月夜人何處簾
捲春風燕復來萬里寂寥音信絕寸心爭忍不
成灰

交河塞下曲

交河水薄日遲遲漢將思家感別離塞北草生
蘇武泣隴西雲起李陵悲曉侵雉堞烏先覺春
入關山鴈獨知何處疲兵心最苦夕陽樓上笛
聲時

車遙遙

自從車馬出門朝便入空房守寂寥玉枕夜殘
魚信絕金鈿秋盡鴈書遙臉邊楚雨臨風落頭
上春雲向日銷芳草又衰還不至碧天霜冷轉
無膠

早發潛水驛謁郎中負外

半床秋月一聲雞萬里行人費馬蹄青野霧銷
凝晉洞碧山煙散避秦溪樓臺稍辨鳥城外更
漏微聞鶴柱西已是大仙憐後進不應來向武
陵迷

贈漁者

不媿人間萬戶侯子孫相斷老扁舟往來南越
諳蛟室生長東吳識屋樓自為釣竿能遣悶不
因萱草解銷憂羨君獨得逃名趣身外無機任
白頭

自嶺下泛鷁到清遠峽作

乘舡沉鷁下韶江絕境方知在嶺南
薜荔雨餘山自黛兼葭煙盡
崑如藍旦遊蕭帝新松寺
夜宿嫦娥桂影潭不為篋中書
未獻便來茲地結茅庵

題周瑜將軍廟

共說前生國步難山川龍戰血
漫漫交鋒魏帝旌旂退委
王杜稷安庭際雨餘春草長
廟前風起晚殘功勳碑碣今
何在不得當時一字者

李羣玉二首

同鄭相并歌姬小飲因以贈獻

裾拖八幅湘江水髮聳巫山
一片雲風格只應天上有
歌聲豈合世間聞宵前瑞
雪燈斜照眼底桃花酒半醺
不是相如怜賦客肯教容易
見文君

戲贈姬人賦尖字韻

骰子巡拋累手拈無因得見
王織纖但知謔道金釵落
圖向人前露指尖

顧非熊一首

秋日陝州道中作

孤客秋風裏驅車出陝西
關河午時路村落一聲雞
樹勢標秦速天形到岳低
誰知我名姓來往自淒淒
柘一作

表不約二首

長安夜遊

鳳城連夜九門通帝女皇
妃出漢宮千乘寶車珠箔
捲萬條銀燭碧紗籠歌聲
緩過青樓月香雷潛來紫
陌風長樂曉鍾歸騎後遺
簪墮珥滿街中

病宮人

佳人臥病動經秋簾幕纏
綿不挂鈎四體強扶藤夾
膝雙環慵揀玉搔頭花顏
有幸君王問藥餌無徵待
詔愁惆悵近來銷瘦盡淚
珠時傍枕函流

具商浩八首

巫峽聽猿

巴江猿嘯苦響入客舟中
孤枕破殘夢三聲隨曉風
連雲波澹澹和霧雨濛濛
巫峽去家遠不堪魂斷空

秋塘晚望

鐘盡疎桐散曙鴉故山煙樹隔天涯西風一夜
秋塘曉零落幾多紅藕花

水樓感事

高柳鶯啼雨後秋年光空感淚如流滿湖菱葺
東歸晚閑倚南軒盡日愁

長安春贈友人

繁華堪泣帝城春粉堞青樓勢礙雲花對玉鈞
簾外發歌飄塵土路邊聞幾多遠客魂空斷何
處王孫酒自醺各有歸程千萬里東風時節恨
離羣

宿山驛

文戰何堪功未圖又驅羸馬指天衢露華凝夜
渚蓮盡月彩滿輪山驛孤岐路辛勤終日有鄉
關音信隔年無好同范蠡扁舟興高挂一帆歸
五湖

塞上即事

身似星流跡似蓬玉關孤望杳溟濛寒沙萬里
平鋪月曉角一聲高風戰士歿邊魂尚哭單
于獵處猶紅分明更想殘宵夢故國依然到

浦東

北邙山

北邙山草又青青今日銷魂事可明綠酒來
春未歇白楊風起柳初晴岡原旋築松新長年
代無人關半平堪取金爐九還藥不能隨夢向
浮生

泊舟

身逐烟波魂自驚木蘭舟上一帆輕雲中有寺
在何處山底宿時聞磬聲

梁鯉一首

代征人妻喜夫還

征夫走馬發漁陽少婦含嬌開洞房千日廢臺
還挂鏡數年空面再新粧春風喜出今朝戶明
月虛眠昨夜床莫道幽閨還衣揔是舊時香

賀知章一首

柳枝詞

碧玉裝成一樹高萬條垂下綠絲絛不知細葉
誰裁出二月春風是剪刀

張嬪四首

錢塘夜宴留別郡守

四方騷動一州安夜列樽壘伴客懽感粟調高
山閣迥蝦蟆更促海城寒屏間佩響藏歌妓幙
外刀光立從官沉醉不愁歸棹遠曉帆吹上子
陵灘

長安春望

明時不敢臥烟霞又見秦城換物華殘雪未銷
雙鳳閣新春已發五侯家甘貧祗擬長緘酒忍
病猶期強抹花故國別來桑柘盡十年兵踐海
西槎

叙懷

月裏路從何處上江邊身合幾時歸十年九陌
寒風夜夢掃蘆花絮客衣

題嘉陵驛

嘉陵路惡石和泥行到長亭日已西獨倚欄干
正惆悵海棠花裏鷓鴣啼

劉象七首

春夜二首

幾處兵戈阻路岐憶山心切與山違時難何處
披懷抱日日斜空醉歸

一別杜陵歸未期祗憑魂夢接親知近來欸睡
兼難昨夜夜深聞子規

曉登迎春閣

朱柳憑欄眺錦城烟籠萬井二江明香風滿閣
花盈 樹樹樹梢啼曉鶯

早春池亭獨遊三首

春意送殘鵬春晴融小洲蒲葦纔簇岸柳類已
遮樓便有悲傷興可摠羈旅愁鳧鷖亦相狎盡
日戲清流

清流環綠篠清景媚虹橋鶯刷初遷羽莎 擬
折苗細砂摧暖岸淑景動和颺倍憶同袍侶相
催倒一瓢

一瓢懼自足一日興偏多幽意人先賞踈叢蝶
未過知音新句苦窺沼醉顏蛇萬慮從相擬今
朝欲柰何

白髭

到處逢人求至藥幾回染了又成綠素綠易染
髭難染墨翟當時合泣髭

戴司顏二首

江上雨

江上雨

江上雨

江上雨

非不欲前去此情非自由星辰照何處風雨送
涼秋寒鎖空江夢聲隨黃葉愁蕭蕭猶未已早
晚出蘋洲

塞上

空蹟畫蒼茫沙腥古戰場逢春多霰雪生計在
牛羊冷角吹鄉淚乾榆落夢床從來山水客誰
謂到漁陽

沈彬一首

秋日

秋含砧杵搗斜陽笛引西風顚氣涼薜荔惹煙
籠蟋蟀芰荷翻雨潑鴛鴦當年酒賤何妨醉今
日時難不易狂腸斷舊遊從一別潘安惆悵滿
頭霜

李賀一首

七夕

別浦今朝暗羅帷午夜愁鵲辭穿線月花入曝
衣樓天上分金鏡人間望玉鈎錢塘蘇小小更
值一年秋

嚴維一首

秋夜船行

扁舟時屬暝月上有餘輝海燕秋還去漁人夜
不歸中流何寂寂孤棹也依依一點前村火誰
家未掩扉

韓翃一首

寒食

春城無處不開花寒食東風御柳斜日暮漢宮
傳蠟燭青煙散入五侯家

熊皎一首

早梅

江南近臘時已亞雪中枝一夜欲開盡百花猶
未知人情皆共惜天意不教遲莫訝無濃艷芳
筵正好吹

張喬三首

楊花落

北斗南回春物老紅英落花綠尚早韶風澹蕩
無所依偏惜垂楊作春好此時可憐楊柳花繁
盈艷曳滿人家人家女兒出羅幙淨掃玉除看
花落寶環纖手捧更飛翠羽輕裙承不着歷歷
瑤琴舞袖陳飛紅拂黛憐玉人東園桃李芳已
歇猶有楊花嬌暮春

送友人歸宜春

落花兼柳絮無處不紛紛
遠道空歸去流鶯獨自聞
野橋喧碓水山郭入樓雲
故里南陵曲秋期更送君

送進士許棠

離鄉積歲年歸路遠依然
夜火山頭市春江樹杪舡
干戈愁髮改瘴癘喜家全
何處營甘旨潮濤浸薄田

陳陶一首

寄兵部任暉郎中

常思劔浦別清塵
萱蔻花紅十二春
崑玉已成廊廟器
澗松猶是薜蘿身
雖同橘柚依南土
終仰魁岡近北辰
好向昌時薦遺逸
莫教千古吊靈均

張謂一首

杜侍御送貢物戲贈

銅柱朱崖道路難
伏波橫海舊登壇
越人自貢珊瑚樹
漢使何勞獬豸冠
疲馬山中愁日晚
孤舟江上畏春寒
由來此貨稱難得
多恐君王不忍看

鄭常一首

寄常逸人

羨君無外事日與世情遠
地僻人難到溪深馬自飛
儒衣荷葉老野飯藥苗肥
疇昔江湖意而今憶共歸

崔峒一首

題崇福寺禪師院

僧家競何事掃地與焚香
清磬度山翠閑雲來竹房
身心塵外遠歲月坐中長
向晚禪堂閉無人空夕陽

李洞一首

喜鸞公自蜀歸

禁院閉生臺尋師別綠槐
寺高猿看講鍾動鳥知齋
掃石月盈蒂瀝泉花滿篩
歸來逢聖節吟步上堯階

李端一首

巫山高

巫山十二重皆在碧虛中
迴合雲藏日霏微雨帶風
猿聲寒度水樹色暮連空
愁向高唐去千秋見楚宮

江為一首

江行

越信隔年稀孤舟幾夢歸月寒花露重江晚水
煙微峯直帆相望沙空鳥自飛何時洞庭上春
雨滿蓑衣

裴度一首

中書即事

有意效承平無功益聖明仄心緣忍事霜髮為
論兵道直身還在恩深命轉輕塩梅非擬議葵
藿是平生白日長懸照蒼蠅謾發聲嵩陽舊田
地終使謝歸耕

陳上美一首

咸陽有懷

山連河水碧氛氳瑞氣東移擁聖君秦苑有花
空笑日漢陵無主自侵雲古槐堤上鴛鴦轉遠
渚沙中鷺一群賴與淵明同把菊煙郊西望夕
陽曛

姚合七首

遊宜義池亭

春入池亭好風光暖更鮮尋芳行不困逐勝坐

還遷細草亂如髮幽禽鳴似絃苔文翻古篆石
色學秋天花落能漂酒萍開解避船暫來還差
疾久住合成仙進筍撐階起垂藤壓樹偏此生
應借看自計買無錢

遊陽河岸

終日遊山困今朝始傍河尋芳愁路盡逢景畏
人多鳥語催沽酒魚來似聽歌醉時眠石上肢
體自婆娑

窮邊詞二首

將軍作鎮古沂州水膩山春節氣柔清夜滿城
絲管散行人不信是邊頭

又

箭利弓調四鎮兵蕃人不敢近東行沿邊千里
渾無事唯見平安火入城

寄王度

顛顛王居士顛狂不稱時天公與貧病時輩復
輕欺茅屋隨年債盤飧逐日移棄嫌官似夢珍
重酒如師無竹栽蘆看思山疊石為靜慮留客
話古寺瓦僧棋瘦馬寒來死羸童餓得癡唯應
尋阮籍心事遠相知

寄王玄伯

夜歸曉出滿衣塵轉覺才名帶累身莫覓舊來
終日醉世間杯酒屬閑人

聞蟬

未秋吟便苦半咽半隨風禪客心應亂愁人耳
願聳雨晴烟樹裏日晚古城中遠思應難盡誰
當與我同

楊宇一首

贈舍弟

秦雲蜀浪兩堪愁爾養晨昏我遠憂千里客心
難寄夢兩行鄉淚為君流早驅風雨知龍聖餓
食魚蝦覺虎羞袖裏鏤鄧光似水丈夫不合等
閑休

王昌齡二首

塞上行

秦時明月漢時關萬里長征人未還但使龍城
飛將在不教胡馬渡陰山

少年行

走馬遠相尋西樓下夕陰結交期一劍留意贈
千金高閣歌聲遠重關柳色深夜閑須盡醉莫

負百年心

于鵠二首

送唐中丞入道

年老功臣乞罷兵玉階匍匐進雙旌朱門鴛瓦
為仙觀白領狐裘出帝城侍婢休梳宮樣髻閑
童新改道家名到時漫髮春泉裏猶夢紅樓簫
鼓聲

送宮人入道

十載吹簫入漢宮看修水殿種芙蓉自傷白髮
辭金屋喜戴黃冠向雪峯解語老猿開曉戶引
雛飛鶴下高松定知別後宮中伴遙聽緱山半
夜鐘

陳羽一首

冬晚送友人使西蕃

驛使向天西巡羗復入氐王關晴有雪砂磧雨
無泥落淚軍中笛驚眠塞上雞逢春鄉思苦萬
里草萋萋

僧貫休三首

野田黃雀行

高樹風多吹爾巢落深蒿葉暖宜爾依泊莫近

鷓類蛛網亦惡飲野田之清水食野田之黃粟
深花中睡埽土裏浴如此即全勝啄太倉之穀
而更穿人屋

夜夜曲

蟪蛄切切風騷騷芙蓉噴香蟾蜍高孤煙耿耿
征婦勞更深撲落金錯刀

行路難

君不見山高海深人不測古往今來轉清碧淺
近輕清莫與交地卑只解生荆棘誰道黃金如
糞土張耳陳餘斷消息一作斷一作香行路難行路難君
自看

僧尚顏二首

秋夜吟

梧桐雨畔夜秋吟斗數衣裾鮮色侵枉道一生
無繫着湘南山水別人尋

贈村公

袖衣木突此鄉尊白盡鬚眉眼未昏醉舞神筵
隨鼓笛閑歌聖代和兒孫黍苗一項垂秋日茹
棟三間映古原也笑長安名利處紅塵半是馬
蹄齏

僧護國一首

許州趙使君孩子

毛骨貴天生肌膚片玉明見人空解笑弄物不
知名國器嗟猶小門風望益清抱來芳樹下時
引鳳雛聲

僧棲白二首

八月十五夜月

尋常三五夜豈是不嬋娟及至中秋半還勝別
夜圓清光凝有露皓色爽無煙自古人皆望年
來復一年

哭劉得仁

為愛詩名吟到此風冤雪冤去難招直教桂子
落墳土生得一枝寬始銷

僧無可二首

金州陪姚負外遊南池

柳暗清波漲衝萍復漱苔張筵白馬下掃岸使
君來洲島秋應沒荷花晚盡開高城吹角絕驕
馭尚徘徊

夏日送田中丞赴蔡州

出守汝南城應多戀闕情地遠人久望風起旆

初行楚廟繁蟬斷淮田細兩生賞心知有處蔣
宅古松平

僧清江一首

贈淮西賈兵馬使

破虜功成百戰場天書親拜漢中郎映門旌旆
春風起對客絃歌白日長階下鬪雞花乍折營
南試馬柳初黃猶來楚蜀多同調感激逢君共
異鄉

僧法照一首

寄錢郎中

閉門深樹裏閉足爲經過駟馬不爲貴一僧誰
柰何藥苗家自有香飯乞時多寄語婢娟客將
心向薜蘿

僧太易二首

贈司空拾遺

侍臣何事辭雲陛江上微吟見雪花望閣未承
丹鳳詔掩門空對楚人家陳彬草奏才還在王
粲登樓興尚賒高館更容塵外客仍令歸路奉
瑤華

宿天柱觀

石室初投宿仙翁喜暫容花原隔水見洞府過
山逢泉湧階前地雲生戶外峯中宵自人定不
是欲降龍

僧惟審一首

賦得聞黃鳥啼

捲簾清夢後芳樹隱涼鷺隔葉傳春意穿花送
晚聲未調雲路翼空有桂林情莫盡關關興羈
愁正厭生

僧滄浩一首

留別嘉興知己

一坐東林寺從來未下山不因尋長者無事到
人間宿兩愁爲客寒禽散未還空懷舊山月童
子誦經閑

僧皎然二首

酬崔御史見贈

買得東山後逢君小隱時五湖遊未足柏樹跡
如遺儒服何妨道禪心不廢詩一從居士說長
破小乘疑

尋陸鴻漸不遇

移家雖帶郭野徑入桑麻近種籬邊菊秋來未

着花扣門無犬吠欲去問西家報道山中出歸
來每日斜

僧無本二首

行次漢上

習家池沼草萋萋嵐樹光中信馬蹄漢主廟前
湘水碧一聲風角夕陽低

馬嵬

長川幾處樹青青孤驛危樓對翠屏一自玉皇
惆悵後至今來往馬蹄腥

才調集卷第十

古律雜歌詩一百首

張夫人一首 戶部侍郎
吉中孚妻

拜新月

拜新月拜月出堂前暗魄初籠桂虛弓未引絃
拜新月拜月粧樓上鸞鏡始安臺娥眉已相向
拜月不勝情庭花風露清月臨人自老人望月
長生東家阿母亦拜月一拜一悲聲斷絕昔年
拜月聘容輝如今拜月雙淚垂回看衆女拜新
月却憶紅閨年少時

拾得韋氏花鈿以詩寄贈

今朝粧閣前拾得舊花鈿粉汚痕猶在塵侵色
尚鮮曾經纖手裏帖向翠眉邊能助千金笑如
何忍棄捐

劉媛一首

長門怨

兩滴梧桐秋夜長愁心和雨到昭陽淚痕不學
君恩斷拭却千行更萬行

女道士李冶九首 字季蘭

從蕭叔子聽彈琴賦得三峽流泉歌

妾家本住巫山雲巫山流泉常自聞玉琴彈出
轉家夏真是當時夢裏聽三峽迢迢幾千里一
時流入幽閨裏巨石崩崖指下生飛泉走浪弦
中起切疑憤怒含雷風又似嗚咽流不通迴湍
曲瀨勢將盡時復滴瀝平沙中憶昔阮公爲此
曲能使仲容聽不足一彈既罷復一彈願作流
泉鎮相續

送閻伯均往江州

相招折楊柳別恨轉依依萬里西江水孤舟何
處歸湓城潮不到夏口信應稀唯有隨陽鴈年
年來去飛

相思怨

人道海水深不抵相思半海水尚有涯相思渺
無畔攜琴上酒樓樓虛月華滿彈著相思曲絃
腸一時斷

感興

朝雲暮雨鎮相隨去鴈來人有迓期玉枕祇知
長下淚銀燈空照不眠時仰看明月翻含意俯
眇流波欲寄詞却憶初聞鳳樓曲教人寂寞復
相思

思命追入留別廣陵故人

無才多病分龍鍾不料虛名達九重仰愧彈冠
上華髮多慙拂鏡理衰容馳心北闕隨芳草極
目南山望舊峯桂樹不能留野客沙鷗出浦謾
相逢

八至

至近至遠東西至深至淺清豁至高至明日月
至親至疎夫妻

送閻二十六赴剡縣

流水閨門外孤舟日復西離情遍芳草無處不
淒淒妾夢經吳苑君行到剡溪歸來重相訪莫
學阮郎迷

寄朱昉

望遠試登山山高湖又闊相思無晚夕相望經
年月鬱鬱山水春綿綿野花發別後無限情相
逢一時說

得閻伯均書

情來對鏡懶梳頭暮雨蕭蕭庭樹秋莫怪關干
垂玉筍只緣惆悵對銀鈎

劉雲二首

有所思

朝亦有所思暮亦有所思登樓望君處
霧蕭關道掩淚向浮雲誰知妾懷抱
玉井蒼苔春院深桐花落盡無人掃

婕妤怨

君恩不可見妾豈如秋扇秋扇尚有時
妾身永微賤莫言朝花不復落嬌容幾
奪昭陽殿

鮑君微一首

惜花吟

枝上花花下人可憐顏色俱青春
昨日看花花灼灼今日看花花欲落
不如盡此花下歡莫待春風總吹却
鶯歌蝶舞韶景長 煙蓑若松花香
粧成曲罷恣遊樂獨把花枝歸洞房

崔仲容二首

贈所思

所居幸接隣相見不相親
一似雲間月何殊鏡裏人
丹成空有恨腸斷不禁春
願作梁間燕無由變此身

贈歌姬

水剪雙眸霧剪衣
當筵一曲媚春暉
滿湘夜瑟

怨猶在巫峽晚雲愁不晞
皓齒乍分寒玉細黛眉輕
蹙遠山微渭陽朝雨休重
唱滿眼陽關客未歸

張文姬二首 鮑妻

溪上雲

溶溶溪口雲纔向溪中吐
不復歸溪中還作溪中雨

沙上鷺

沙頭一水禽鼓翼揚清音
只待高風便非無雲漢心

女道士元淳二首

寄洛中諸姝

舊國經年別關河萬里思
題書憑鴈翼望月想蛾眉
白髮愁偏覺歸心夢獨知
誰堪離亂處掩淚向南枝

秦中春望

鳳樓春望好官闕一重重
上苑雨中樹終南霽後峯
落花行處徧佳氣晚來濃
喜見休明代寬裳躡道蹤

蔣蘊二首

贈鄭氏妹

艷陽灼灼河洛神珠簾繡戶青樓春能彈箏篋
弄纖指愁殺門前少年子笑開一面紅粉粧東
園幾樹桃花死朝理曲暮理曲獨坐窻前一片
玉行也嬌坐也嬌見則令人魂魄銷堂前錦褥
紅地鑪綠沉香榼傾屠蘇解佩時時歇歌管笑
蓉帳裏蘭麝滿晚起羅衣香不斷滅燭每嫌秋
夜短

古意

昨夜巫山雲失却陽臺女今朝粧閣前獨伴楚
王語

崔公遠一首

獨夜詞

晴天霜落寒風急錦帳羅帷羞更入秦箏不復
續斷絃迴身掩淚挑燈立

女道士魚玄機九首

隔漢江寄子安 六言

江南江北愁望相思相憶空吟鴛鴦暖卧沙浦
鷓鴣閑飛橘林烟裏歌聲隱隱波頭月色沉沉
含情咫尺千里况聽家家遠砧

寓言 六言

紅桃處處春色碧柳家家月明樓上新粧待夜
闌中獨坐含情芙蓉葉下魚戲蟬螭天邊雀聲
人世悲歡一夢如何得作雙成

江陵愁望寄子安

楓葉千枝復萬枝江橋掩映暮帆遲憶君心似
西江水日夜東流無歇時

寄子安

醉別千卮不浣愁離腸百結解無由蕙蘭銷歇
歸春園楊柳東西絆客舟聚散已愁雲不定息
情須學水長流有花時節難知遇未肯厭厭醉
玉樓

寄李億員外 一作寄 廣女

羞日障羅袖愁春懶起粧易求無價寶難得有
心郎枕上潛垂淚花間暗斷腸自能窺宋玉何
必恨王昌

送別二首

層城幾夜愜心期不料仙鄉有別離睡覺莫言
雲去處殘燈一盞野蛾飛
水柔蓬器知難定雲出無心肯再歸惆悵春風

楚江暮鴛鴦一隻失羣飛

迎李近仁員外

今日喜時聞喜鵲昨宵燈下拜燈花焚香出戶
迎潘岳不羨牽牛織女家

賦得江邊樹

草色迷荒岸煙姿入遠樓葉鋪秋水面花落釣
人頭根老歲魚窟枝低繫客舟蕭蕭風雨夜驚
夢復添愁

張窈窕二首

寄故人

澹澹春風花落時不堪愁坐更相思無金可買
長門賦有恨空吟團扇詩

春思

門前梅柳爛春輝閑爰深閨繡舞衣雙燕不知
腸欲斷銜泥故故傍人飛

張琰二首

春詞二首

垂柳鳴黃鸝關關苦求友春情不可耐愁殺閨
中婦日暮登高樓誰憐小垂手

昨日桃花飛今朝梨花吐春色能幾時那堪此

愁緒蕩子遊不歸春來淚如雨

趙氏二首

雜言寄杜羔

君從淮海遊再過蘭杜秋歸來未須更又欲向
梁州梁州秦嶺西棧道與雲齊羗蠻萬餘落牙
戟自高低已念寡儔侶復慮勞攀躋丈夫重志
氣兒女空悲啼臨叩滯遊地肯顧濁水泥人生
賦命有厚薄君但遨遊我寂寞

聞夫杜羔登第

長安此去無多地鬱鬱葱葱佳氣浮良人得意
正年少今夜醉眠何處樓

程長文三首

書情上使君

妾家本住鄱陽曲一片真心比孤竹當年二八
盛容輝紅牋草隸恰如飛盡日閑牕刺繡罷有
時極浦採蓮歸誰道居貧守都邑幽閨寂寞無
人入海燕朝歸余枕寒山花落塔墀濕強暴
之男何所為手持白刃向簾帷一命任從刀下
死千金不受暗中欺我今匪石情難轉志奪秋
霜意不移血澱羅衣終不恨瘡粘錦袖亦何辭

懸僚曾未知情緒即便教人繫囹圄朱唇滴瀝
獨銜冤王筋闌干歎非所十月寒更堪思人一
聞擊柝一傷神高髻不梳雲已散蛾眉罷掃月
仍新三尺嚴章難可越百年心事向誰說但看
洗雪出圓扉始信白珪無玷缺

銅雀臺怨

君王去後行人絕簫竽不響歌喉咽雄劍無威
光彩沉寶琴零落金星滅玉塔寂寞墜秋露月
照當時歌舞處當時歌舞人不迴化為今日西
陵灰

春閨怨

綺陌香飄柳如線時光瞬息如流電良人何處
事功名十載相思不相見

梁瓊三首

昭君怨

自古無和親貽災到妾身朔風嘶去馬漢月出
行輪衣薄狼山雪糕成虜塞春迴看父母國生
死畢胡塵

銅雀臺

歌扇向陵開齊行莫玉杯舞時飛鷺列夢裏片

雲來月色空餘恨松聲暮更哀誰憐未死妾掩
袂下銅臺

宿巫山寄遠人

巫山雲巫山雨朝雲暮兩無定所南峯忽暗北
峯晴空裏仙人語笑聲曾侍荆王枕席處直至
如今如有靈春風澹澹白雲閑驚湍流水響千
山一夜此中對明月憶得此中與君別感物情
懷如舊時君今渺渺在天涯曉看襟上淚流處
點點血痕猶在衣

庶氏二首

懷遠

隙塵何徹微朝夕通其輝人生各有託君去獨
不歸青林有蟬響赤日無鳥飛徘徊東南望雙
淚空沾衣

寄征人

淒淒北風吹鴛被娟娟西月生蛾眉誰知獨夜
相思處淚滴寒塘蕙草時

辭濤三首

送友人

水國蒹葭夜有霜月寒山色共蒼蒼誰言千里

自今夕離夢香如關路長

題竹郎廟

竹郎廟前多古木夕陽沉沉山更綠何處江村
有笛聲聲盡是迎郎曲

柳絮詠

二月楊花輕復微春風搖蕩惹人衣他家本是
無情物一向南飛又北飛

姚月華二首

古怨二首

春水悠悠春草綠對此思君淚相續羞將離恨
向東風理盡秦箏不成曲

與君形影分胡越玉枕終年對離別登臺北望
煙兩深迴身泣向寥天月

裴羽仙二首

其夫征句奴輕行入為利鹿生
擄帳下自爾一往音信斷絕

邊將二首

風捲平沙日欲曛狼煙遙認犬羊羣李陵一戰
無歸日望斷胡天哭塞塵

良人平昔逐蕃渾力戰輕行出塞門從此不歸
成萬古空留賤妾怨黃昏

劉瑤三首

暗別離

槐花結子桐葉焦單飛越鳥啼青霄翠軒轅雲
輕遙遙燕脂淚迸紅線條瑤草歇芳心耿耿玉
佩無聲畫屏冷朱絃暗斷不見人風動花枝月
中影青鸞脉脉西飛去海闊天高不知處

古雅意曲

梧桐階下月團團洞房如水秋夜闌吳刀剪破
機頭錦芙蓉花墜相思枕綠窓寂寞背燈時暗
數寒更不成寢

閩閭城懷古

五湖春水接遙天國破君忘不記年唯有妖娥
曾舞處古臺寂寞起愁煙

常浩二首

贈盧夫人

佳人惜顏色恐逐芳菲歇日暮出畫堂下階拜
新月拜月如有詞傍人那得知歸來投玉枕始
覺淚痕垂

寄遠

年年二月時十年期別期春風不知信軒蓋獨
遲遲今日無端捲珠箔始見庭花復見落人心

一往不復歸歲月來時未嘗錯可憐熒熒玉鏡
臺塵飛暮暮幾時開却念容華非昔好畫眉猶
自待君來

葛鵝兒一首

懷良人

蓬鬢荆釵世所稀布裙猶是嫁時衣胡麻好種
無人種正是歸時底不歸

薛媛一首

寫真寄夫南楚材

欲下丹青筆先拈寶鏡端已驚顏索寞漸覺髮
凋殘淚眼描將易愁腸寫出難恐君渾忘却時
展畫圖看

彤彤一首

燕子樓

樓上殘燈伴曉霜獨眠人起合歡床相思一夜
情多少地角天涯不是長

崔鶯鶯一首

答張生

待月西廂下迎風戶半開拂墻花影動疑是故
人來

無名氏三十七首

春二首

裏裏東風吹水國金鴉影暖南山北蒲抽小劍
割湘波柳拂長眉舞春色白銅堤下煙蒼蒼林
端細藥參差香綠柔枝下見桃葉迴看青雲空
斷腸

烏足遲遲日宮裏天門擊鼓龍蛇起風師剪翠
換枯條青帝按藍染江水蜂蝶續紛抱香葉錦
鱗跳躑躅紅雲尾繡衣白馬不歸來雙成倚檻春
心醉

夏

赤帝旗迎火雲起南山石裂吳牛死繡楹夜夜
箔蝦鬚象榻重重簟湘水彤彤日脚燒冰井古
陌塵飛野煙靜漢帝高堂汗若珠班姬明月無
停影

秋

月色驅秋下穹昊梁間燕語辭巢早古苔凝紫
帖瑤堦露槿啼紅墮江草越客羈覓挂長道西
風欲揭南山倒粉娥恨骨不勝衣映門楚碧蟬
聲老

冬

蒼茫枯磧陰雲滿古木號空晝光短雲擁三峯
嶽色低水堅九曲河聲斷浩汗霜風刮天地溫
泉火井無生意澤國龍蛇凍不伸南山瘦栢銷
殘翠

鷄頭

湖浪參差疊寒玉水仙曉展鉢盤綠淡黃根老
粟皴圓染青刺短金罌熟紫羅小囊光緊蹙一
掬真珠歲媚腹叢叢引觜傍蓮洲滿川恐作天
鷄哭

紅薔薇

九天碎霞明澤國造化功夫潛剪刻淺碧眉長
約細枝深紅刺短鈎春色晴日當樓曉香歇錦
帶盤空欲成結謝豹聲催麥隴秋春風吹落猩
猩血

斑竹簾

龍鱗滿床波浪濕血光點點湘娥泣一片晴霞
凍不飛深沉盡訝蛟人立百朶排花蜀纈明珊
瑚枕滑葛衣輕閑窻獨卧曉不起冷漫羈魂錦
江裏

聽琴

六律鏗鏘間宮徵伶倫寫入梧桐尾七條瘦玉
叩寒星萬派流泉哭纖指空山兩脚隨雲起古
木燈青嘯山鬼田文墮淚曲未終子規啼血哀
猿死

石榴

蟬嘯秋雲槐葉齊石榴香老庭枝低流霞色染
紫罌粟黃蠟紙芭紅瓠犀王刻冰壺含露濕編
斑似帶湘娥泣蕭娘初嫁嗜甘酸嚼破水精千
萬粒

秦家行

慧孛飛光照天地九天瓦裂屯冤氣鬼哭聲聲
悲趙高官花滴盡扶蘇淚禍起蕭牆不知戰羽
書催築長城急劔上忠臣血未乾沛公已向函
關入

小蘇家

雙月謳謳輟秋碧細風斜掩神仙宅麥門冬長
馬鬣青茱萸葉絞蠅頭赤流蘇斗帳懸高壁綵
鳳盤龍繳香額堂內月娥橫剪波倚門腸斷蝦
鬚隔

斑竹

濃綠踈莖遠湘水春風抽出蛟龍尾色抱霜花
粉黛光枝撐蜀錦紅霞起交戛敲歌無俗聲滿
林風曳刀槍橫般痕苦雨洗不落猶帶湘娥淚
血腥媯娜梢頭掃秋月影穿林下凝殘雪我今
慙愧子歆心解愛此君名不滅

宴李家宅

畫屏深掩瑞雲光羅綺花飛白玉堂銀盃酒傾
魚尾倒金鑪香滿鴨心香輕搖綠水青蛾飲亂
觸紅絲皓腕狂今日恩榮許同聽不辭沉醉一
千觴

長信宮

細草侵階亂碧鮮宮門深鎖綠楊天珠簾欲捲
擲秋水羅幌微開動冷煙風引漏聲過枕上月
遷花影到窻前獨挑殘焰魂堪斷却恨青蛾誤
少年

驪山感懷

武帝尋仙駕海遊禁門高閉水空流深宮帶日
年年色翠栢凝煙夜夜愁鸞鳳影沉歸萬古歌
鐘聲斷夢千秋晚來惆悵無人會雲雨能飛傍

玉樓

聽唱鷓鴣

金谷歌傳第一流鷓鴣清怨碧雲愁夜來省得
曾聞處萬里月明湘水流

遊朱坡故少保杜公林亭

杜陵池館洛城東孤島迴汀路不窮高岫乍疑
三峽近遠波初似五湖通梧桐葉暗蕭蕭雨美
荇花香澹澹風還有昔時巢燕在飛來飛去盡
堂空

留贈假師主人

孤城漏未殘徒侶拂征鞍洛北去愁速淮南歸
夢闌曉燈迴壁暗晴雪卷簾寒更盡主人酒出
門行路難

長門

帳望黃金屋恩衰似越逃花生針眼刺月送剪
腸刀地近歡娛遠天低雨露高時看迴輦處淚
臉濕天桃

三五七言詩

秋風清秋月明落葉聚還散寒鷓樓復鷓相思
相見知何日此時此夜難為情

客有新豐館題怨別之詞因詰傳吏盡
得其寶偶作四韻嘲之

春風白馬紫絲韁正值蠶眠未採桑
五夜有心隨暮雨百年無節待秋霜
重尋綉帶未蘇合更認羅裙碧草長
為報西游減離恨阮郎纔去嫁劉郎

經漢武泉

芙蓉池苑起清秋漢武泉聲落御溝
他日江山映蓬髮二年楊柳別漁舟
竹間駐馬題詩去物外何人識醉遊
盡把歸心付紅葉晚來隨水向東流

雜詩十首

近寒食兩草萋萋看麥苗風柳映堤
早是有家歸未得杜鵑休向耳邊啼
春光冉冉歸何處更向鐫前把一盃
盡日問花花不語為誰零落為誰開
水紋珍簟思悠悠千里佳期一夕休
從此無心愛良夜任他明月下西樓
數日相隨兩不忘郎心如妾妾如郎
出門便是東西路把取紅棧各斷腸

無定河邊暮角聲赫連臺畔旅人情
函關歸路千餘里一夕秋風白髮生

花落長川草色青暮山重疊雨冥冥
逢春漸覺飄蓬苦今日分飛一涕零

洛陽才子隣蕭恨湘水佳人錦瑟愁
今昔兩成惆悵事臨邛春盡暮江流

浙江輕浪去悠悠望海樓吹望海愁
莫怪鄉心隨魄斷十年為客在他州

鸞飛遠樹遊何處鳳得新巢有去心
紅粉尚留香幕幕碧雲初斷信沉沉
那堪點汚沉泥玉猶自經營買笑金
從此山頭似人石丈夫形狀淚痕深

折釵破鏡兩無緣魚在深潭月在天
得意紫鸞舞舞鏡墮松青鳥斷銜
賤金瓶永覆難收水玉軫長拋不續
絃若到靡蕪山下過空將狂淚滴黃泉

天竺國胡僧水精念珠

天竺胡僧踏雲立紅精素貫鮫人泣
細影疑隨爛火銷圓光恐滴袈裟濕
夜梵西天千佛聲指輪次第驅寒星
若非葉下滴秋露則是井底圓

春水淒清妙麗應難並眼界真如意珠靜碧蓮
花下獨提攜堅潔何如幻泡影

白雪歌

皇穹何處飛瓊屑散下人間作春雪五花馬踏
白雲衢七香車碾瑤墀月蘇岳乳洞擁山家澗
藤古粟盤銀蛇寒郊複疊鋪柳絮古磧爛熳吹
蘆花流泉不下孤汀咽斷劈老猿聲欲絕馬吟
水潭玉鏡開風敲簷溜水晶折拂戶初疑粉蝶
飛看山又訝白鷗歸孫康凍死讀書圍火井不
煖溫泉微

琵琶

粉眉繡臆誰家女香撥星星共春語七盤嶺上
走鸞鈴十二峯頭弄雲雨千悲萬恨四五絃絃
中甲馬聲駢闐山僧撲破瑠璃鉢壯士擊折珊
瑚鞭珊瑚鞭折聲交戛玉盤傾瀉真珠滑海神
驅趁夜濤回江娥感踏春冰裂滿坐紅粧盡淚
垂望鄉之客不勝悲曲終調絕忽飛去洞庭月
落孤雲歸

傷哉行

兔走鳥飛不相見人事依稀速如電王母天桃

一度開玉樓紅粉千回雙車馳馬走咸陽道石
家舊宅空荒草秋雨無情不惜花芙蓉一一驚
倒勸君莫謾栽荆棘秦皇虛費驅山力英風
一去更無言白骨沉埋暮山碧

才調集卷第十



